



AS-001450

CSL

2

C

KURUKH FOLK-LORE


IN THE ORIGINAL.

Collected and Transliterated

BY

REVD. FERD. HAHN,

GERMAN EVANGL. LUTH. MISSION, CHOTA NAGPUR.



CALCUTTA :

THE BENGAL SECRETARIAT BOOK DEPOT.

1905.

[Price—Indian Rs. 2 ; English, 3s.]



CSL

398.3

H 12 K

Published at the **BENGAL SECRETARIAT BOOK DEPOT,**
Writers Buildings, Calcutta.

OFFICIAL AGENTS.

In India—

- MESSRS. THACKER, SPINK & Co., Calcutta and Simla.
- MESSRS. NEWMAN & Co., Calcutta.
- MESSRS. HIGGINBOTHAM & Co., Madras.
- MESSRS. THACKER & Co., L.D., Bombay.
- MESSRS. A. J. COMBRIDGE & Co., Bombay.
- THE SUPERINTENDENT, AMERICAN BAPTIST MISSION PRESS, Rangoon.
- MRS. RADHABAI ATMARAM SAGOON, Bombay.
- MESSRS. R. CAMBRAY & Co., Calcutta.
- RAI SAHIB M. GULAB SINGH & SONS, Proprietors of the Mufid-I-Am Press, Lahore, Punjab.
- MESSRS. S. K. LAHIRI & Co., Printers and Book-sellers, College Street, Calcutta.
- MESSRS. V. KALYANARAMA IYER & Co., Book-sellers, &c. Madras.
- MESSRS. D. B. TARAPORVALA SONS & Co., Book-sellers, Bombay.
- MESSRS. G. A. NATHAN & Co., Madras.
- MR. N. B. MATHUR, Superintendent, Nazair Khatir Press, Allahabad.
- THE CALCUTTA SCHOOL BOOK SOCIETY.

In England—

- MR. E. A. ARNOLD, 41 & 43 Maddox Street, Bond Street, London, W.
- MESSRS. CONSTABLE & Co., 16 James Street, Haymarket, London, W.
- MESSRS. KEGAN PAUL, TRENCH, TRUBNER & Co., Charing Cross Road, London.
- MR. B. ALFRED QUARITCH, 15 Piccadilly, London.
- MESSRS. P. S. KING & SON, 2 & 4 Great Smith Street, Westminster, London.
- MESSRS. H. S. KING & Co., 65 Cornhill, London.
- MR. B. H. BLACKWELL, 50-51 Broad Street, Oxford.
- MESSRS. LEIGHTON BELL & Co., Cambridge.

On the Continent—

- MESSRS. R. FRIEDLANDER & SOHN, Berlin, N. W. Carlstrasse, 11.
- MR. OTTO HARRASOWITZ, Leipzig.
- MR. KARL HIRSEMANN, Leipzig.
- MR. ERNEST LEROUX, 25 Rue Bonaparte, Paris.
- MR. MARTINUS NIJHOFF, The Hague.

VERIFIED BY

CENTR

Division

Ac. No.

Date of Acqng.

Call No.

Processed

Date of Transfer

Indiana

Checked

4012



3 CSL

INTRODUCTORY REMARKS.

DURING more than twenty years' residence at Lohardaga in the midst of an Orāō population the author of the "Kurukh Grammar" and "Kurukh-English Dictionary" has made a collection of about seventy stories, more than one hundred and fifty songs, besides a large number of riddles in use among the Orāōs of that part of Chotā Nāgpur. This collection had to be sifted on account of the ambiguousness of some of the stories, the triviality of many of the riddles and the doubtful morality in most of the songs, before it could be made known to the general public, for whom a translation into English is being made by the author. The present volume contains therefore only a selection of Kurukh folk-lore, which however will be sufficient to answer the purpose of placing into the hands of the student of the Orāō language a text-book, which has been written entirely by members of the people to whom it is the mother-tongue. The transliteration of this "Kurukh Folk-lore in the original" has been made by the author in accordance with the rules laid down in the first four sections of his "Kurukh Grammar." As a text-book this selection of Orāō stories and songs in the original will be found to be most useful for the study of a language which is spoken by more than half-a-million of people; and all who take an interest in them will be thankful to Government or its publication.

FERD. HAHN.

PURULIA,

The 7th August 1904.



CSL

CONTENTS.

PART I.

No.	A.—STORIES = KATHĀ.	PAGE
1.	Ort Bankō ālas	1-2
2.	Ontā raṇḍī paccō darā taṅghai laṇḍiā <u>khaddas</u>	2-3
3.	Bidrkā haslī	4
4.	Barotā ohayā ālas	5-6
5.	Khudang dibru raskas	6
6.	Pattāanā lekh'ā mukkā	7
7.	Paogī darā paccō gahi asmā mal mōkhnā	8-9
8.	Bokkhō pāḍes.	9-10
9.	Kīārs darā natias	11
10.	Aghnū kumbhras	11-13
11.	Paegis gane paccō gahi khéenā	13
12.	Irb sagrī nanur	14
13.	Lūr-akhū kukkos	15-16
14.	Mukkā nēkhai <u>khekhā</u> tī sindu occā, āsgahi dim ālī	16-17
B.—TALES = KHĪRĪ.		
15.	Ort kukkos darā āsgahi bandrā	18
16.	Teteṅgā darā lakrā	19
17.	Ort kukkos gahi bachū	19-21
18.	Sirū pāḍē	21-22
19.	Litī birī chatrī kukkos	22-24
20.	Ort andras darā kubras	24
21.	Ort kuko'e gahi kendrā mannā	24-26
22.	Ort dhiḍhras	26-27
23.	Timbu paccō gahi <u>khēr</u>	27-30
24.	Bāriyā kukos gahi ālī	30-32
25.	Irb <u>khaddar</u> gahi khīrī	32-33

No.		PAGE
26.	Bīrbal	33-34
27.	Onṭā lakṛā darā teteṅgā	34-36
28.	Cigalō	36
29.	Irb bhāiyā bahin	37
30.	Onkhu ālas	37-39
31.	Turā <u>khaddar</u> darā taṅgrī	39-40
32.	Raṅḍī paccō gahi taṅḍas	40-42
33.	Ort kukkos arā lakṛā	42
34.	Ort Babhnas gahi kathā	43-44
35.	Irb bhair gahi khīri	44-45
36.	Sate bhair gahi kathā	45-46
37.	Onṭā lakṛā darā bariyas	46-47
38.	Paccō paccī darā cigalō	47-49
39.	Ort cihut ālas	49-50
40.	Onṭā lakṛā darā ālkhadd	50-51
41.	Dānō dāit	52-53

C.—TRADITIONS AND LEGENDS.

42.	Rūidastā Kurukh bēlas	54-55
43.	Cic cēp	55-56
44.	Lodhā darā Asur gahi khīri	56-57
45.	Rūidās tī Kurukhar gahi boṅgnā	57-59
46.	Karmā darā Dharmā	59-60

D.—DESCRIPTIONS OF KURUKH CUSTOMS AND USAGES.

47.	Paccā ālar	60-61
48.	Karam parb	61-62
49.	Kurukh jātrā	63
50.	Kurukh beūjā	63-66
51.	<u>Khaddī</u> parb	67-68
52.	Kurukhar gahi kuṅḍī	69-70

E.—RIDDLES = AKHNĀ KATHĀ.

1-34	70-73
----------------	-------



5 CSL

CONTENTS.

iii

PART II.

No.	SONGS = DANDI.	PAGE
1—43.	1. Sarhūl jātrā gahi daṇḍī	74-81
1—69.	2. Chirdī-daṇḍī	81-92
1—25.	3. Karmdaṇḍī	93-99
1—12.	4. Beñjā-daṇḍī	99-102
1—19.	5. Jēth-jātrā gahi daṇḍī	102-105
1—25.	6. <u>Khaddar</u> gahi daṇḍī	105-108





CSL

KURUKH FOLK-LORE.

PART I.

A.—STORIES = KATHĀ.

1. BANKŌ ĀLAS.

ORT ālas Sasurār ka'alagyas darā onṭā poṭom nū jok asmā hō'ālagyas; kānum kānum taṅghai ēkhan kīrr īryas darā bujhras: "ort nannā ālas ēngane barālas." Ās ēkhan ānyas: "kalā bhāi kir'ā eṅghai sasurār nū kirā ra'ānar, endran cior?" Antile kalā helras. Jok gechā kēras kī oṅghōn kīrr īryas kī ānyas: "Īs asman īryas kī ērā puttḍas." Āṅgē onṭan kullyas darā asan uiyas kī kēras. Jok gechā kēras khane ērdas, ās anuhō barālas; anti ānyas: "Īs embā sāras, āṅgē malā kiryas." Annē annē nū urnī asman, kicrin darā ṭempan hō uinutim kēras, onṭā bhagoā nidī baehrki ra'cā; ādin hō munjā nū ḍaherē nū uiyas. Āganem puttyā; khane ērdas, ās malkas. Anti ba'a helras: "Ohrē, onṭā bhagoā gē eṅgan pachrāras." Akkū gā ās thotham ra'as. Khane ārsyas kī collā tarā kaprkas kuddas. Taṅg sās sasuras onḍar mokhar, ā gūṭī ās gahi pāb ērālagyar. Paccō bācā: "Kukos gē ēō gōṭā asmā u'ōn?" Paegis ānyas: "Ēōn uiyoe? onṭā darā kocā uiyai." Ennē ba'anan ās menālagyas. Anti paccō ānyas: "Jaund khadisin ērā kādan" bācas kī collā tarā urkhas. Bankō gahi kaprnan īryas kī bācā: "Nē harō, nē harō?" Ās bācas: "Īnim gā." Taṅg sās ānyā: "Endrnā erpā mal kōrckai." Bankos ānyas; "kierī hō malā, ekāsse kāon?" Antilē urmin tiṅgyas. Khane sasuras onṭā kaṛeyan oṭhras kī bāchrā cicas, khane erpā ūlā kōrcas darā kheḍḍ khēkkhan nōrhar kī ukyas, khane taṅg sās asmā ciccā, munjyas khane menjā "Jok ind'rim mōkho'e kā huru?" Ās bācas "Endrā ra'i ēn mōkhon. Īoram gā ra'cā, endr ēn baldan?"

Ī kathātī ar ajgut manjar kī bācar “Īs jok ind’rim akhdas.” Ās gahi aiya ra’anum bēlas gahi khara baggē chippā lōṭā sanjgi khalb kērā. Āṅge bēlas dēorā bhagtārin eḍā taiyas taṅghai ālon beddāgē. Ā paccō bhakuas gahi bārenū ānyā “Eṅg jaundkhadis gā ennē ennen khōb akhdas.” Bēlas cāḍe āsin eḍ’ā taiyas; paikar barcar darā ānyar “guca niṅgan bēlas eḍālagdas.” s bācas “Ēn endran hō baldan babā, malā kāon.” Ār malā pattācar, baackam bariyam occar. Bēlas bhakuāsīn bācas “Eṅghai ālō guṭṭhin beddo’e, hole niṅgāgē kharā baggē baksis cion, baackan polkoe beddā, hole garherā cion.” Ās kollam manjas darā ullā nēcas, khane āsin ontā erpānū mucyar kī sathē ullā ciocar; ās khobrār khobrār ānā helras “ābnai nindiyā ab to jitē garherā hoī.” Khalbū ra’acas āsgē Nindiyā nāmē ra’cā. Ās orgas: “Ēron gā īs ekāse dēorai nandas.” Khane geechantī chāchem menā helras. Taṅghai nāmē ho’onan menjas darā ās gusan cūḍē kēraskī ānyas “Anā bhai nāmen ambkē teṅgā niṅgā hō cion.” Ās bācas “Eksan eksan uikai ra’adai?” Ās tiṅgyas “pokhārī nū sajjkan ra’adan.” Antile ās “tisga’a! tisga’a!” bā’num barnba’a helras. Khane tisgar; āsin menā helrar; ās ānyas “Kalā pokhārī nū ra’i.” Kērar kī beddā helrar, anti ṭhaukam khakhyar. Bēlas ajgut manjas darā āsin dewān kamcas.

2. ONTĀ RAṆḌĪ PACCŌ DARĀ TAṅGHAI LANḌĪĀ KHADDAS.

Ontā raṆḌĪ paccō ra’cā; adigē ontā taṅgdas ra’cas, ās birdō uiyā ka’alagyas pahē endr uiōs? Ās uinan ambas darā oṛā guṭṭhin piṭdas darā erpā ondrdas bardas. Khane taṅgyō khōb sukhmārā darā bāī “eṅgdas uia hō uidas, oṛan hō piṭdas, ēn eṅgdas gē asman mēkhon arā balī nū asman taṅgon darā uion, holē eṅgdas barā khanem ettas darā mōkhō,” bāī darā taṅgdas gahi gōhlā bichrār kī barnā mundim asman mikhī darā balī nū tāṅgā darā uii cū. Taṅgdas gōhlā bichirnā bēra nū endotā oṛā piṭyas darā ondras darā bardas arā mund asman ēta’adas kī mōkhdas; annem sagarkhane nanalagyas. Anti bēcnum taṅghai ullan khēpcas. Anutim cākhnā ullā barcā. Khane taṅgyō taṅgdasin ānyā “Akkūgā cākhnā ullā barcā bētā, ormar cākhalagnar guca ēn bihin ho’odan, cākhā kāot.” Anti taṅgyō uḍḍū nū



khesan kumyā darā kalā helra; taṅgdas hō ugtan cēdas darā aḍḍon khēdnutim kalā helras. Khal heḍḍē ārsyar khane taṅgdas namar gahi usskā khal nū bihinin cākhdas; khane khal urbar mēkhnar: “Emhai khalnū nē cākhdar harō? Emhai khalnū ambā cākḥā” ba’anar. Khane taṅgdas taṅgyon āndas: “Īd khal namhai mallī, ayō; adanū namhai khal ra’i;” ba’as kī nannā khal gusan kānar darā aiyān cākḥas. Khane ā khal urbar hō mēkhnar “Emhai khal nū nē cākhdar harō? emhai khal nū ambā cākḥā,” ba’anar; khane taṅgdas taṅgyon ānyas “Īd, namhai khal mallī,” bācas darā nannā khal nū cākḥā kērā, arā ā khal nū bihinin cākḥā helras; anutim uḍḍu nū bihinin munjyas. Antile taṅgyō kadrārā darā taṅgdasin conḥā nannā lekhā ānyā “Ē bētā uḍḍun ḍḥekan pesā darā nindā; anti taṅgdas uḍḍun ḍḥekāti nindas; anti tēta’agē bācā, khane taṅgdas tēta’as cicas; anti taṅgyō ā ḍḥekāti taṅgdasin kūḍnum khēdā helrā; khēdnum khēdnum taṅgdas ḍaṅgrā mūcur gusan ārsā helras, khane taṅgyō mikhya darā ānyā: “Hūsīn ḍharkē! hūsīn ḍharkē!” bāi; khane ḍaṅgrā mūcur menjar: “Ā mukkā endr bāi, babū,” bācar; khane ās ānyas “hūsgē ḍaṅgrā pottan ciā, bāi,” bācas; khane ar āsgē ḍaṅgrā pottan cicar. Antile ā kukos ā pottan oecā darā boṅgā helras; boṅgnutim boṅgnutim ontā puttā gali lātā khakhyas darā ā lātānū kōreas. Khane taṅgyō ārsyā darā ā lātān ḍaṅgti hārā helrā. Khane taṅgdas taṅgyō gahi ḍaṅg nū pottan lītpitambācas, khane taṅgyō cākḥā helrā: “Ēn eṅgdas gali pottan othorkan” bācā darā antile cākhnutim taṅghai erpā kērā. Mākhābirī kalpārnum taṅghai eūtna piṭrī nū cutyā khandrā kērā. Mākhā taṅgdas barcas darā mēkhā helras. “Anai āyaṅg balin tīsg’ae” bācas, khane taṅgyō ānyā: “Eṅgāgē khadd kharrā malkar. Ontā eṅgdas ra’cas, āsīn gā bhunḍūnū huduckan darā piṭkankī eṅgdas gahi pottan othorkan, eṅgāgē akku khadd kharrā malkar” bācā darā malā cōcā; khane taṅgdas rusī manjas kī nannā rājī kēras arā ontā barhīas gusan jōkh ra’a helras arā āsgusan ra’num taṅghai mundantā dasan bujhras darā nalakh nanā helras. Antile ās taṅgā ujāpurtī puñjī nanjas; antile ās gustī urkhas arā barhīas guyē nalakh nanāgē hēberkas ra’cas, annem nalakh nanā helras. Nalakh nannum nannum tān hō urub manā helras arā jōkharin uīā helras; antile karē karē kōhā khurjī uīyas kī urb manjas darā baggē jōkharin uīā helras kī ā hodentā ālar gahi majhinū bēlar lekhā manjas kēras; antile taṅghai heḍḍē heḍḍentā ālar gahi majhinū rajī nanā helras; ālar āsīn bēlar lekhā manā helras; anti ās aiyam bēl manjas kēras.



3. BIDRKĀ HASLĪ.

Ort urbas ra'cas, ās gahi satte jhanā kukkō khaddar ra'car, ārin ās kundur kâ lekham pālī pālī biñjyas; arā ormartī khōkhā nū sannī taṅgdāsīn biñjyas, ā sannī taṅskhedō khōkhā mundbhārē gahi khūb bujarū ra'cā. Ād iryā akkugā kirā manjkam kādam, arā kirā mannum mannum khūb kirā manjar kērar; khane ārgē ōnā mōkhāgē hō malā khakhra'alagyā, antile sannī taṅskhedō ānyā: "Ī rāji nū gā namhai ujjnā malā kālō, ādgē nām ormat akku ī rājintī cō'ot kālōt darā nannā rājinū kālōt, hole namhai ujjnā onnā baggē manō." Ī katthā ormargē dau lagyā; khane ār adi gahi ānkā lekha tamhai cirkhī pitrin cōdar darā kālā helrar, pahē kānum kānum onnā mōkhnā munjrā kērā, antile khūb kirā sārā helrar; khane sannī khedō ānyā, "endran hō ambā kharā, endrā endrā nimāgē khakhrō ādinim ondr'ā, nerr, keckā, kā osgā, cottō, kā cigālō khakhrō ādinim ondr'ā, nām ormat mōkhōt darā khe'enantī hacr'ot kālōt." Khane ār annem nānālagyar. Undul endr manjā? Bēlas gahi āli idāto bīri bakhre ūlā taṅghai haslī pūn gutthīn othrā kī kūbi gusan ema' khajralagyā, ābīri cīl ādi gahi haslin nerr lekha caunā bunnan iryā darā umpyā kī occā darā kerā. Khane gā ekēkā gōhār nanjar chorāba'agē, pahē nē hō pollar. Ā cenkhō occā kī ekā tarā abrā kirā ālar ra'car attaram ṭiddār ciccā. Sannīs taṅghai iryā darā haslin mañkhyā. Antile bēlas ennem bācas kī damuan kōrtācas: "Nōjē ā haslin beddor kī ondro'or holē ārgē pañcē gōtaṅ paddā cīn." Ās gahi ālar caugurdā beddā kērar, pahē pollar beddar. Ond undul ennē manjā, cīc ondrā kerā, ābīri damuan kūrnān menjā. Khane ālarin menjā: "Endr gahi dumaū kurri'ī?" Ēnne ād menjā. Khane ālar adin tiōgyar. Khane ād bācā: "Ēn bidkan ra'dan." Ābīrim ā ālin bēlas gusan occar. Bēlas bācas: "Endr nīn eṅghai bīri gahi haslin bidd kī ra'dī?" Khane ād bācā: "Ha'ī." Bēlas bācas: "Ēn niṅāgē pañcē gōtaṅ paddā cī'idan eṅghai haslī cī'ai." Ād bācā: "Bēlayō, ēn paddā malā beddan, ēn onṭā katthā ne'edan, sohrāi ullā gahi mākhānū nē hō billi ambnar dagnarnēka'ā, aulā em eklā dag'om." Bēlas bācas: "Īd gā oṭthā katthā malli, ennēdim nan'ai." Sohrāi ullā annem nanjar darā addō gāe mankhā bhāis, ērā, mērhō gutthī ūkhan ērā ērā ekā tarā hō malā kerā pahē adi gahi. billin ērā ērā sausē rājintā mekkhō ādigahi ērpā nū kōrcā darā cīundā ādi gahi ērpā nū kerā āondā ād gahidim manjā. Ennem abrā ālar mundantī kōjhē urbar manjar darā tamhai ullān khēpā helrar.



4. BĀROTĀ CHAYĀ ĀLAS.

Irb paccō paegī gē khad kharrā malā ra'car, āōgē irbārim kaenakharnum anyar "Ān paegī nām khēr pōs'ōt." Antile khēr pōsā helrar. Khēr pūenun pūenun dhēr baggē barhrā, antile paccis paccōn thakā helras darā anyas "Anai paccō akkū namhai khēr dhēr barhrā akkū nām ontā dundū pōs'ōt." Khane paccō anyā "Eksan irkae ra'dae darā paccōgī?" "Mahūrang nū gā ra'ī paccō. Kubu'ī madgī gahi khodorānū gā paccō, nelāti carā ci'ōt paccō." "Eudran ci'ōt anti paccōgī?" "Kōhā gayan pitōt paccō." Iōdanū mākhābirī cūtyar darā bijyā, khane paccōgīs khēran piṭyas darā pudgās kī paccō gē cicās darā anyas: "Bēs irkē paccō, khane hūke! ēn uiyā kādan" khodorā nū khandrāgē kōrcas; antile paccō ahran nagad kunā iriyā kī ocā darā anyā "Ondāi dundū ahrā," antile khodorānū uiyā cicā. Antile paccōgīs mokhas darā khodorān tī urkhas kī erpā kēras darā paccōn anyas "Paccō dundūgē ahrā nitkī ciikē ahran bēs irkī ci'ikē paccō, iklam amkē khēkhel ērāi." Ēkā guṭī khēr mal munjra ā guṭī ennem nanjas.

Khēr munjra khane paccō khobrārā darā āni: "Ondae dundu," bācā darā khēkhel iryā, antile gā paccōgīs inum khobrārā darā rūsi kālagē uḍḍūnū ālō guṭṭhin sajjā darā isūng guṭṭhin sajjā cicā pahē tēterā pullī. Khane nannārin eḍā kērā; iṭrum nū paccōgīs uḍḍūnū kōrcas kī ukkyas. Antile paccōn ontā ālin eḍḍā darā ād tēterā cicā, antile ād kālā helrā, kānum kānum jokk geccham kērā darā kānum ra'cā, khane paccōgīs uḍḍūnū umbulas cicās, khane paccō bā'ī: "Ohrē maahrānglē isūng tundra" bācā kī muṭhī khēkhā khedan khāsā helrā, antile ontā paddā ārsyā ettārcā kī irī gā paccōgīs. Antile paccōgīs kēbā helrā arā cīkhā helrā; ūṭrum paccōgīs gane pollā kī kiriyā ās gane kālā helrā. Nannā ullā ontā jātrā lagālagyā, khane paccōgīs āni "ēa hō jātrā ērā kālom," paccōgīs anyas: "Kālā paccō" antile adin kālā cicās kī tān khōkhā nū māk margān hōcas darā pāgan nanjas darā jātrā tān hō kēras darā ekātarā paccō ra'ī atrā atrā nāldas arā daṇḍī pārdas: "Paccō mokhā kanjin, paccōgīs mokhās ahran tērem rētem tērem rētem." Antile paccōgīs āndas, "Paccō jātrā kirkī endran irkī?" "Ē paegī ontā paccōgīs irkan ād kukk nū siṅgār manjkas ra'cas darā enghai mundbhāre nālālagyas darā daṇḍī pāpālagyas, āsgā niṅg lekham ethrālagyas, ās gahi ontā bāgrkan hō pettkan ondorkan; khane ās bācas "ēnimgā ra'ekan



pacō. “Khanegā alkhā helrā arā bācā “Ēn nīngane pollon paogī nīn bārotā chayā āi taldae.”

5. KHUDAŅĠ DIBRU BASKAS.

Ās iūndā kōrhē raskā ra'cas; onđ mākḥā nū satte paddā bēcālagyas darā taŅghai erpā mākham barālagyas. Bēcā kālālagyas khane khelan hō taŅg gane hō'ālagyas darā akhrānū kālar kī ennē assālagyas: “DhatuŅg daŅg, khudaŅg dibrū dibrū” idim ās gahi ōr ra'cā. Ī kharkhuan menarkī jōkhar pellar ba'ālagyar “Barcas ko'e khudaŅg dibrus, gucā bēcā kālōt,” arā minjur lekhā jōkhar pellar saprārkā darā urkhālagyar kī bēcālagyar. Bēcnum bēcnum ratyārar kālagyar, khane chāchem nan paddā ka'ālagyas anti ās gahi kānan hō ballālagyar; ār ennē ba'ālagyar “ās ēm saŅgeni bēcnum ra'as” darā rij lagālagyar; bēcā bēcā khardālagyar, antile tamhai tamhai erpā ka'ālagyar; ennem satū paddā nū kālar kī assālagyas darā annem menar saprārar kī bēcā barālagyar, āsin ambar rij malā lagālagyā. Chau thur paddā nū gā khosrā kat'ā malā manālagyā, pahē satoū paddā nū āsgē khosrā kat'ā manālagyā. Khosrā nū “Lau” larāŅg jhapki ra'cā; khosrā nindālagyā annū hō ā “Lau” larāŅgnum assnum pārnum bēcnum otkhāsīm kaṭṭalagyas; ā paddāntā ālarin hō annem bēcā'ā rijhtaālagyas, ayanti otkhāsīm barālagyas; ennem dhēr ullā gūti rijraŅg manjas; ās gahi nāmē hō caugurdā bindrā kērā. ŌŅghōn enne manjā ōkam dokhār kērar darā ā “Lau” larāŅgan tāryar cicar darā tamhai erpā kērar. Āsgā munduntā lekh'am abrā chau paddānū bicyas darā bēcōtācas darā khosrā pakhentā nū kalā helras darā munduntā lekh'am ā “Lau” larāŅg nū argyas kī assnum pārnum jokhnum kālālagyas, pahē majhinū ārsyas kī khacerā kērā, ās am'n num khatras kēras, ād bōhābācā darā jok gecchā ōcā darā mulkhtā ciccā. Nannā ullā khosrā pakhentā jōkhar pellar beddā helrar, “endr manjā ās emhāi paddā malā bareas;” antile beddnum beddnum khosrā gusan kērar darā endr ērnar, larāŅg tārka ra'i; anti ār bācar. “Ēkam mudair dāhē enne nanjar, iyam khatras kēras kō!” Khosrānū beddā helrar kī āsin keekā bidyar kī cādem sattō paddāntā jōkhar pellar gusan teŅgā kērar, urmi paddāntā jōkhar pellar barcar darā cikhar darā āsin sattō paddāntā pellor gahi bāgrkā tī basyar cicar.



6. PATTA'ANĀ LEKH'Ā MUKKĀ.

Enđ bha'ir ra'acar, ar pardyar khane tām tām salah nanjar ki bācar :
“Nē mund beñjro'or.” Kōhas ba'as “nim beñjrā bhayā.” Mundā sannis
ba'as “mund beñjrā dadā, holē ēkam tarti baron holē mañđi amm nēa
oñgōn, mundā niñgāgē gechā gechā mannā manō;” pahē kōhas malā mancas ;
khane sannisim beñjras; sannis ēkam tarti bardas hole irbārim kharrā
khusmānum kachnakharānar darā ra'anar; pahē kōhas sarmār sarmār endrānim
nēdas darā gecchā gecchā mandas arā tañgris gahi āli gecchanti endrā'nim ci'i;
kōhas sannis gahi ālin sibā kharecas darā sannisin piṭāgē dahrē beddā helras.
Uñḍul tañgrisin ānyas “ē kō gucā sendrā kālōt.” Khane irbārim jhanārim
sendrā kērar; kōhas ērteran oocas ki mund addē okkā kēras sannisgā nakhnūti
khēdnum kōhas tarā hō'ālagyas darā dhēr māc gutṭhī kērā, pahē annū hō
malā laudas; khanegā sannis bhartācas darā heddē ārsyas, khane kōhas
ērtērti laucas ki piṭyas ki khaikā atkhāti jhapcas darā erpā kēras; khane ād
menjā: “niñḍis je da ho'e endrgē malā bardas?” Ās bācas “khōkhā tarām
ra'acas ās bardas kā;” antile adin tañghai āli nanā beddas; khane ād balin
mucyā ki ukki; ās bācas “kōlla'e lolā bīri rigi eigi balin, ennegē ēn kūr kīrā
ammōnkā ti khē'ālagdan” ād bācā “dulhas gahi katthāti jiyā sala'i, mundā
baēnālas gahi katthāti kollam laggī;” anuū hō adin ālin kamā beddas.
Khane ād bācā “ra'a akkun jōk ullā āsin bassōt bhōje nanōt huḍāba'ōt anti
sagai manōt pahē. Ibrā khōkhānū gā niñghai ra'ādan,” khane mancas
darā ād ānyā “tikhil dāli darā jōkhārin beddā darā kālōt darā namhai nēgār
lekhā nanōt ci'ōt; hole ās gē hō dau manō darā namāgē hō manō pahē;” anti
urmī oocar ki kērar darā sārān kamcar; adi mēya kañkan bassāgē khopyar darā
āsin aiya lacear, anti cic dagāgē beddnar; ād malki, khane ād bācā “jōkhar
khardkar ra'anar darā ēn hō cādē barā pollōn; igē ninim kālōt cādē ondrā;”
anti ās kēras; ā khōkhānū ijjā darā ennē Dharmēs gusan nēcā, khēkhā trū
kicri gahi nakh gañḍḍan dharcā ki bācā: “Ē Dharmē cic ciā; ē Dharmē garā
gahi mēnā, eñghai ālas gē cic ciā;” ennē nēā hō nēcā anti cic lagyā kērā; ād
āsgē laukā ciocā; anti cikhyā darā tām hō kōrcā, arā ās gane eind manjā
kērā antile baēnālas barcas darā iryas ki kiryas kēras.



7. PACĠĪ DARĀ PACĠŌ GAHI ASMĀ MAL MŌKHNĀ.

Onṭa kōhā paddā ra'acā, aiyantā paddānū ort paccō pacġi ra'car. Pacġis ullā ullā tembā kālālagyas. Khess kōdae tikhlan tembar darā ondrālagyas darā ās gahi paccō erpānū ra'alagyā; pacġis gahi baragē amm guṭṭhin ondra'alagyā darā kank guṭṭhin beddarkī uiyālagyā. Anti pacġis tembarkī ondrālagyas adin euṭjarkī maṇḍin bita'alagyā, anti irbarim nagad sangem pāṭi pāṭi okkarkī sukhmārnūm onā mōkhālayar. Ā paddānū onṭa kōhā bēlas hō ra'acas, ā pacġis bēlas guyā hō nitkī nitkī tembāgē kālālagyas; undlim undlim ā paccō taṅg pacġisin ānyā, "Ē pacġi asmā mōkhā ṭukki, iṭṭgē kalā jok'em ābdā tikhlan tembkē darā ondrkē," bācā. Khane pacġis taṅg paccon ānyas: "Ha'ī anti paccō innāgā ābdā tikhlan nim jōksari nēonkī ondro'on" bācas. Anti nannā ullā hō pacġis pairim tembāgē urkhas darā kēras. Anti sankā sankā erpānū gā koda'en cicar, khesan cicar, guḍulun cicar adin hō ocas pahē; timbnum timbnum onṭa kōhā erpānū ārsyas. Antile ār gusan nē'āhelras khane ār gā kodaen ci'inar, adin malā ho'odas; khane khesan ci'inar adin hō malā ho'odas; khane ondkā tikhlan ci'inar adin hō malā ho'odas, khane dālin ci'inar, adin hō malā ho'odas, khane dhiban ci'inar adin hō malā ho'odas. Ās ābdā tikhlan bed'das, khane jok ābdā tikhlan onḍ muthi kem cicar. Khane ondras kī erpā barcas; anuntile paccō ā ābdā tikhlan iryā kī kharā sukhmārā, anuntī tikhlan oppā darā gundā kasā helrā, anti opkā tikhlan kasā munjyā anuntī asman mikhyā, khane mund aurkā tikhlan gahi asmā mundōtā manjā; asmā mōkhnā gūṭi taṅg pacġis kuddā kēras ra'acas. Paccō taṅghai jiyānū ānī "ēn enḍōtā mōkhon darā pacġisgē onṭa ci'on" bā'i, anuntī khōkhānū pacġis barcas. Khane tām tām kachnakra'ā helrar, paccō ānī "Ēn enḍōtā mōkhon pacġi nin onṭa mōkhoe" bā'i. Pacġis āndas "Ēn taman kud'dau ēn enḍōtā mōkhon paccō nin onṭa mōkhoe," ennem irbargahi maj'hinū khatarnā malā bani'ī. Khane pacġis darā paccō irbārim gachrnakhrar "lagē, irbātim piṭrin bācro'ot kī cūṭōt nē khōkhānū cō'er arin enḍōtā asmā mōkhor," bācnakhrar; anuntī asman uiyar kī cutyar darā bēgar khandrnū hō irbārim cūṭkar ra'anar, ulmūnd guṭi pacġis taṅghai jiyā nū āndas "paccō mund eo'ō holē ēn khōkhānū eo'on kī enḍōtā asman mōkhon" bā'as kī pacġis mund malā eo'odas; anti paccō ānī "pacġis mund eo'os



holeēn khōkhānū co'on kī eṇḍōṭā asmā mōkhon" ba'i kī paccō mund malā oū'i. Ennem ar ērānakhrnūm ulmund gūṭī cūtkārim ra'anar. Khane bēlas a paegīsin beddā helras, "oṅṭā ālas nitkī nitkī tembā barālagyas, ās ulmundī endrnā tembā malā bardas, endr manjas kā"; enne bācas kī taṅghai ālarin taiyas ā tembūsin beddāgē; khane bēlas gahi jōkhar beddāge kērar, ā paccō paegī gahi erpānū ērnar gā irbarim piṭrin jhaprā darā keekā lekha'ā cūtkar ra'anar; khane gā bēlas gahi ālar akhar "ir irbarim keccar kērar" bācar kī kērar arā bēlasin tīngyar: "paccō paegī piṭrin jhaprar kī tamhain erpānū keccar ra'anar. Khane bēlas ānyas "kalar kī ar gahī erpantā kankan, bāsan ujhrā'ar kī sārā kama'ā darā masrā gusan ceḍ'r kī hō'ar darā bassar ci'ā" bācas; khane ar ā paccō paegī gahi erpan ujhrā'car kī sādē kamcar darā irbarinim ceḍdar kī masrā gusan occar kī kaṅgutṭhin dāran murakyar kī khupyar arā ā kaṅk maīyā paccō paegī irbarinim laccar, ciotī utagyar. Khane irbarim ciyār-num cōcar darā ennē ba'āhelrar "Ēn eṇḍōṭā mōkhon" eunnē ba'anum irbarim co'āhelrar; khane basāgē kērar ar ileyar kī bongā helrar darā kērar kī bēlasin darā ālarin tīngyar: "ar gā irbarim eṇḍōṭa mōkhon ba'anum emfarā bara'ā helrar." Paccō paegī irbarim ālar tarā kānar khane ālar elonar kī bongnar "eman mōkhon" ba'anar darā. Khane ā paccō paegī irbarim bēlas gaue kērar kī tamhain katthan tīngyar. Khane bēlas arin taṅghai cālī balinū uiyas arā ar irbarim bēlas guyā ra'āhelrar.

8. BOKKHŌ PĀDES.

Bokkhō pāde nāmē ort ālas ra'cas, ās gahi paccō hō ra'acā. Paddānū ar kīrā ra'acar. Aṅgē lassiyā na'kh malā uchyā. Ās īryas nē likha'ā parh'ā akhuar ārgē baggē khakhrī, ar arin ormar majhī majhī nannar. Khane ās hō sikhra'āgē kalā biddyas, darā taṅghai ālin ānyas "Ē paccō eṅgā jok'em tūkhil darā sattū kama'ae ci'ae ēn sikhra'ā kādan." Paccō tūkhil dālī sattū urmin musgyā ciccā. Pāḍes abrā kharōā gutṭhin ceḍdas kī keras. Candō ēḍ mund gūṭī nantarām ra'cas, pahē sikhra'ā pollas. Dhērkunā paccā kāgaj gutṭhin ekēstī ekēstī khondas injyas kī erpā kiryas. Bīrī putbīrī dhūghur manjkautī erpā ārsyas, ā bīrī paccō malā ra'acā, ās khaṭī kīj, ā ūkhānū cūtkas ra'as. Paccō barōā darā mīkhyā mokkhā. Anti paegisgē hō bāca "oṅṭā darā



kocā uiyon, bar'ōs holē mōkhos, makhle ēn pairī mōkhon" bācā. Iḅan urmin ās chāchēm mendas, ād khandrā khane chāchem urkhas darā mōhā helras. Ād cōcā billi ūrōcā darā khed nōḅhra'āgē amm ciccā, nōḅhras kī ukkyas khane ā asman ciccā, munjyas khane menjā "arā jokendrim mōkhoe kā hurū?" Ās bācas "ōkhō ra'ī anti cī'ōe?" ād bujhrā, "parheas kī teyār manjas āūgem akhdas." Afīḷajgut khusmara'ā helrā.

Irb alar gad'hā beddnum beddnum ṭhaukam ār gusanim kērar. Paccō cādē cādē tingya "emā pacgis gā sagrī gutṭhī nanā akhdas." Khane ār āsin menā helrar; "ērā gā atgar nanā gad'hā ekātarā ra'ī." Ās ā gad'han ontā rahri khalnū mennan irkas ra'acas. Tanghai pūthin bēgarnum biridkas kudyas darā ānyas, "pūrb dishā kalā dahrē heddēnum rahri khalnū menalaggi." Ār kērar darā ekāse menjkar ra'acar annem khakhyar. "ṭhaukam tengā ongdas" bācar kī ās gahi ōhmā nanjar. Ānnū annum bēlas gahi sōnā gahi pānbatā khalb kērā, adin bēlas emā kēras darā kūbī gusan pakhnā kiyā uiyas kī mōḅhras kēras. Adin beddāgē kharā baggē dēorā bhagtārin sagrī nanāgē eddas pahē nēḅō pollar tengā. Ā paccō tanghai ālas Bhokhō pādēs gahi bārē nū tingyā. Bēlas cādē āsin edtācās kī ānyas, "enghai alon beddoe hōle ningā kharā baggē annem cī'on." Ās balnāṭī eleā helras. Kūbī tarā pūp beddāgē kēras. Saiṅtahi pakhnā kiyā ṭhaukam iryas, asānum uiyas ciccās, antile gā tanghai pūthin iryas darā achat ghī'in dhūan arā endrā endrā ondrāgē bācas. Ār urmī ondrar. Khane ās barmba'ā helras darā bongkas kēras darā "pakhnā nū ērā" bācas. Ār iryar kī ṭhaukam biddyar. Bēlas ajgut khusmārnnum darā kharā baggē alō annem ciccās kī tanghai kōhā mantrī kamcas. Undul bēlas Bokkhō pādēsīn bācas "gucā sendrā kā'ot, patran ērā gā mak laggō kā malā?" Ās ānyas, "laggō." Saiṅt gahi mākan piṭyar. Erpā kirtō bīrī irbarim pāṭī pāṭī ghōrōnū bara'alagyar. Bēlas gahi ēōkhnū ontā bokkhō urhyānum kērā darā ukyā. Adin bēlas cādēm dharcas darā muṭṭheas. Antile Bokkhō pādē mantrīsin menjās, "tengā pānbatā pālinū tingkae, akkun enghai muṭṭhinū endrā ra'ī?" Ās akbakkras kēras darā uruṅ chāchem ra'acas kī jīyanū bujhras "āulā gā ekāsem tingkan pahē akkun endr bā'on, akkun enghai katthā jhūṭh manō," bācas: "ē urbayō ēō ullā ningan phasto'on akkūgā Bokkhō pādēs gahi jiyā kālō," "ṭhaukam tingyas" bācas kī bēlas eddas ciccās. Khanegā ontā bokkhō mānim keeki ra'ī. Khane bēlas ā Bokkhō pādē mantrīsin jok endrim kōhā nanjas darā urmī katthā nū āstī salah hō'alagyas.



9. KŪARS DARĀ NAŪAS.

Ort naūas darā ort kŭārs iyār nanjkar ra'acar. Kŭārs uṇḍul naūasin bācas "ana iyār gucā eṅghai sasurār kalot." Naūas ānyas "ṭhaukam gucā kalot." Kŭārs taṅghai urmi saprāran attyas darā ghōrōnū argyas kī kēras. Naūas hō taṅghai pothan taṅgeas. Kānum kānum ḍahrēnū ond addā kŭārsge erkḥā capeā. Aōgē naūasin bācas, "ana iyār ondā uṇḅ ḡhōron dharā ēn bāhrī urkhā kādan." Taṅg iyāras ḡhōron dhareas. Kŭāras taṅghai kieri gutṭhīn urmin uiyas darā bāhrī urkhā kēras. Khane naūas taṅg iyāras gahi kicin attyās darā ghōrō nū argyas darā taṅghai pothan asanim ambyas kī kēras. Khōkhānū kŭāras barcas, darā pothan taṅgeas kī khōkhā khōkhā "khokkha'ā iyār, khokkha'ā iyār," ba'anum calras. Naūas ghōrō nū argkā bārī ārsyas darā ālar jaunkhaddiō bācar kī parchācar kī maṅkhyar. Naūas bācas "khōkhānū ort ālas barālagdas paghā gutṭhī ās gusan ra'i, ās ārsōs holē ḡhāsi khoyāgē taikē." Ās ārsyas darā ba'āholras, "Ēn jaun khad-din, ēn jaun khaddin." Ālar āsin ānyar "kalā naūa niṅg urbas gahi ḡhōrōgē ḡhāsi khōyā." Ās kharā kollam manjas darā ḡhāsi khōyā kēras. Ās gahi taṅg iyāras asal naūā ra'acas, erpā ūlā piṭrī nū kḥa'i babū cūtkar ra'andar darā bīrī argnā gūṭī malā co'onar. Kōhāle bīrī manjā ā gūṭī mal co'ouar; khane balin tisgar kī ērnar gā irbar gahi mēd asigkī ra'i, khane dēorā bhagtārin endṭa'āgē eḍdar. Khane ā kŭāras ās pothā gutṭhīn taṅgekas ra'acas ānyas, "Ēnim Dharmēs gahi bār cickā bēl ra'adan, hōle ī dēorār gahi lindinū mancī saṭrai kālai" annem manjā; ennē ennem ormar nē dēorai nanā barnar ār gahi ennem manī, khōkhānū ā pothā taṅgeka naūasinim ānyar, "nānim ērā endrgē ennē manjā," khane ās bācas, "Ēnim Dharmēs gahi bār cickā bēl ra'adan hole chutrai kālai," khane chutrā kērā, aulantīm ā uḡgō kŭārasim jaund khadī manjas darā naūasin ujjnam gar'herā ciccār.

10. AGHNU KUMBHRAS.

Ontā paddānū ort bēlas ra'acas darā ā paddānūm Agḡnū nāme kumbhras hō ra'acas, āsim bēlas gahi bhaṇḍārī ra'acas. Ās gahi ālī ērāgē khōb dau ra'acā. Ā bēlas gahi taṅgdas adi gane rityārkas ra'acas darā jiyānū āndas "ī

kumbhrāsīn ekāse pittācakan hole adin inim uiyon, adi gane rityārkan.” Aghnūs akkhas darā jīyānū ānā helras “iklā’am oᅅghai erpānū āsin khakkhon hole piᅇā khaccon, darā piᅇkantī hō loutā’ācakan hole bēs laggō pahē.” Undul aᅇi gutᅇhin bhaᅇūrī kudda’ā kēras darā barnum barnum ūkhyā. Aulā bēlas gahi taᅅgdāsīn taᅅghai erpānū ᅇhaukam khakkhyas darā lauā helras. Launū launū piᅇā khacyas. Ās ā lasan oᅇᅇā kuiris gahi batgīnū occas darā pacrī hedde nū atrā utrā ᅇempā gaddas ki iᅇᅇācakas ki kēras. Kuiris khanjpa gutᅇhin khadnar bācas ki mākhām batgī tarā kēras āsanum iᅇᅇā īryas darā “khalbar talnar” bācas ki sōᅇᅇā trū laucas attī khatra’ā khacyas. Lauckantī ērdas gā ās bēlas gahi taᅅgdas taldas; khanegā aᅇgut elcā helras. Antile cāᅇem Aghnū kumbhras gusan kēras darā chāchem urmi katᅇhan tiᅅgyas. Aghnū kumbhras ā kuiris gustī dᅇibā occas ki ānyas “nēkan hō ambkē ᅇengā ēn isin hebrā hō’odan,” bācas ki taᅅghai erpā occas. Antile ā keckā ālasīn mahal gusan occas darā ekā erpānū bīrī cūᅇālagyā āsan kēras darā ā bēl kukkoe gahi cālᅇi “ᅇisga’ā ᅇisga’ā” bācas ki mēkhā helras. Bīrī mēkhānān menjā pahē bujhrā “īs sagar mākhā khildī kasbir gusan ra’acas darā akkun barcas ki mēkhdas” bācā ki malā ᅇisgācā, khane ā kumbhras oᅅghon mīkhyas ki ānyas “balin ᅇisga’ā makhle ēn isan taᅅgro’ōn ki khōn” bācas ki ā keckā bēl kukkosin kheserū phasī nanjas ki taᅅgas darā taᅅghai erpā kēras. Bijyā khane ērnar gā bēlas gahi taᅅgdas mānim taᅅgras darā keckas ra’as. Ormar aᅇgut oᅇkhā olkhā helrar. Ā bīrīm kumbhras hō khotorkā aᅇi gutᅇhin cēddas ki aᅇi bisnā naᅅgū ᅇi barcas darā cīkhānā gutᅇhin menjas darā “endr manjā endr manjā?” bācas. Khane tiᅅgyar “bēlas gahi taᅅgdas taᅅgras darā keccas.” Khanegā ā kumbhras hō taᅅghai cirkhin kacᅇācas darā oᅇkhā helras. Antile bēlas ānyas “akkū kalā murdan ho’ā bassar cī’ā; ālas keccāsim eᅇyō kalpār’or.” Āsin cēddar ki occar darā adhar kaᅅkgutᅇhin cēᅇa’ā kummā helrar. Ār ganem ā kumbhras hō oᅇkhā oᅇkhā kaᅅk gutᅇhin occas, sarhā kamcar darā āsin aiᅇyā lacear ki cicc ūrcar darā ormar jok gechā kērar ki ukkyar. Ā Aghnū kumbhras erpā kānā lekha’ā manjas darā gecham kēras darā astlem khēkᅇelan tūrā helras darā tūrnum tūrnum ā sarhā guᅇi barcar darā ekā bīrī cicc ālasnū laggālagyā ā bīrīm mēkhā helras “adhā bēlkhān darā bīrīm Aghnū kumbhrasgē cī’ikē.” Ār ormar menjar darā iᅇᅇarkī sarkha’ā helrar, darā tāᅇm tāᅇm ānyar “menā gā endr ba’as, nē nē ānnar, jīyā paltā’ra’ālaggi,” oᅅghon ās ānyas “adhā belkhan darā bīrīm Aghnū kumbhrasgē cī’ikē makhle ormar eᅅg lekha’am manor.” Antile ās cāᅇē cāᅇē urkhas darā chāchem taᅅghai



erpā kēras darā taṅghai nalakh nū bhajna kuṛāgē lakkas ra'as. Antle masraṅtā urmī nēgjōg nanjar kī santan pettar darā erpā kērar. Bēlasin teṅgā helrar enne enne gā Lālus ānyas. Bēlas ā kumbhrāsīn eda'a taiyas. Ās dhap dhap ra'a korāgē lakkas ra'as, "Gucā bēlas eda'a lagdas, akkugā nīnim bēl mano'e" bācar. Ās mal pattu'ū darā ajgut manur lekha'a taṅgan ēdnum kēras. Bēlas ānyas "adhā rājī niṅgāgē ci'idan" barā eṅdas gahi addā nū nīnim bēl manā." Ās bācas "babā ēn ekā ortan anti eṅgā rājī khakkhro'o darā calāba'a ongon? Ībaggī devān mōshōḍī ra'anar arin uiyā." Bēlas ānyas "niṅgāgem ēn ci'idan eṅdas tānim sarsā māfyā niṅghai nāme nanjas." Antle kumbhras bēlas gahi taṅgkhēdō ganem ra'a helras.

11. PACGIS GANE PACCŌ GAHI KHE'ENĀ.

Ort pacgis darā paccā ra'acar. Ārgē khaddar malā ra'acar, pahē irbarim taman dabra'alagyar. Pacgis gollar gane biṭṭhī kānum ar gane Gangā Jamunā khār kuṇḍī kālagyas darā ar gahi nēgoar nannan ēralagyas. Undul ālar gahi khē'enan īryas kī bācas "an paccō ēn khēon hole eṅan ambkē bassā pahē khār nindō hole aiyā bohāba'ake ci'ikē" enne Ag'han cirdī nū bācas. Māghe barcā khane nārfī trū keccas kēras. Paccō ās gahi ānkan jīyanū uiyā, taṅg natti bagarin bācā "anā khaddarō nimbas bācas, eṅan ambkē bassā darā māḍā, eṅan khānū dhakkē, endr ba'adar?" Ār bācar, "uiyae" arā uiāgē ad āsin birnānū khandā attācā kī aogānū laccā ciccā. Āsārnū cēp possā darā khār khosrā nindyā, khane ad āsin kumyā luisrā luisrā ho'a helrā. Ās gahi khēkkhā khāiyā kī kōkō manjki ra'cā. Ad ēōkhnū kumyā tamānim gechā occā kī darāṅgā nū ijā darā āsin hibrā helrā, hebrō birī ās gahi khēkkhā adi gahi khēsrān tōrcā darā ammnū saṅgem tiḍḍā, khane paccō "ujdas" bācā kī anā helrā "bichra'a bichra'a ba'adan malā mendae." Anti saṅgem bohārar kērar.

12. IRB SAGRĪ NANUR.

Onṭā ālas mandī gahi sagrī nanus ra'acas arā nannas mukkā gahi sagrī nanus ra'acas. Undul enne manjā ār irbārim iyār nanjar darā rāji ērā kuddāgē urkhar. Kānum k̄anum kohāle paddānū barcar darā bēlas gahi khatnā erpānū kērar; dērā gahi khāpus khattus ārin menjas" nimmū endr guṇ ra'ī darā ekā gusan kādar." Ār bācar "ēn mukkā catār'ū ra'adan darā is mandī catār'ū ra'adas;" khane urmī gahi sekrā nanjas kī urbas gusan occas darā tiṅgyas "iōdā ālar ond ser unnur arā iōdā ālar sattū gahi mūkhur arā iōdā ālar arkhrā gahi arā iōdā ālar dūd'hi gahi arā cār anni arā iōdā ālar rupaiyā arā iōdā ālar pāe rupaiyā onnu mūkhur ra'anar;" bēlas bhandārisin pēsa'alagyas darā aulā hō ār gahi sekrā occas darā bācas "innā irb ālar barekār ra'anar ār nannār nannā tamhai hunar darā mōkhnā gahi rāyan teṅgnar," khane bēlas bācas "kōrēdim ārin eḍa'a ēn ārgē ci'on."

Anti kōrē kōrē mōkhnā onnā amkhī mandī saprātācas darā bita'āgē pēsas khat'ūrin, arā urmī biccā, khane āsin onāgē eḍas darā āsin ānyas "niṅghai mane lekhā mōkhā asman darā irkan" khane ās mōkhāgē ukyas; asmā gahi chāhak mī'i nū barcā khane ambyas darā cōcas. Anti bēlas eḍdas darā bācas "urucniṅga'ā mōkhuṇḍi mokhkae." Anti ās bācas "malā ennegē masrā gahi khal ra'ī darā adi gahi ciṇḍ darā kuilā andōā darā ātigē malā onḍkan;" khōkhānū ā khess gahi addan eḍtācas, khane mānim annem ra'acā. Iti bēlas bācas "ṭhaukam ra'ī niṅghai hunar. Anti nin mukkā sagrī nanu ra'adae niṅgāgē mane lekhā mukkā malā khakhri?" Anti ās bācas "nēhō eṅgan beṅjā pollō." Khane bēlas ānyas "eṅghai rāji ra'ī darā eōdā ālarin beṅjḍan darā annu ēn niṅgan pollon?" Anti āsgē jāt gahi kukkoen bidyas darā urmī kiorī dhibā ciccas darā biṅjyas ciccas; gahbar manjā khane pairi menjas "daule khandrkae?" Anti ās bācas "endr bā'on gamkārnā trū mūi uiyāgē addā malā khakhṛā bijimā'ā; ennegē ērā dud'hi adi gahi bai ti ajgut cā'i." Khane bēlas ānyas, "isin jācnā cahi." Ās adi gahi taṅgyō tamban eḍdas darā menjas "idin ekāse nanjkar darā pardkar?" khane ār tiṅgyar "id lēllē rācā, a biri taṅgyō gē nāri kōrōā khane dud'hi batyā, khane ērā dud'hi trū poskam." Idin menjas kī bēlas irbārin ekā ekā juljīyas, kōhā kōhā nalkhan ārgē ciccas.



13. LŪRAKHŪ KUKKOS.

Onṭā kukkos ra'acas. Ās gahi taṅgyō tambā malā ra'acar. Taṅgji rot'ō ra'aca. Irb ālar ā dāhrē nū barālagyar. Ār tām tām kacnākarnar, "kukkosgā khōb calākī ra'as; isin nām thak'ot" bācar kī ar irbārim ās gahi erpā kērar, ās gahi taṅgji andhri ra'acā arā erpānū kērar kī bācar, "em i kukkos gahi taṅg māmū bāgam hikdam." Taṅgji andhri ra'acā khane endran ārin cinhō; undul ulend pāhi ra'acar. Khōkhānū ānyar, "ān ayō akkū em kādam, bhagnāsin erpā ēragē arā taṅgtāci bagārin ēragē taikē;" ād manā nanjā, pahē ar malā māncar; khōkhānū ād taiyā. Ās gahi khēkkhā khēser darā khēbdānū sagri sōnā rūpāti jhabrārkā ra'acā; paddā hedde gā kōrem āsin oocar, endran hō malā ceṭtācar, pahē paddānti ko'hem gecchā kērar khane āsinim urmī morā jhapin ceṭtācar darā tām khōkhānū dhirem kānar arā āsin ānyar, "nīn jhapin iklam hō ambkē tīsg'ā, ayā nerr ra'i." Ās cirkhin ceṭṭas, mund mund kālālagyas. Elkhrnā bēra manjā darā kīrā khōb lagā helrā. Ār khōkhānū dhēr geccham ra'anar, khane ond addā kēras darā jhapin tīsg'as kī ērdas gā ayā arkharā gullē ra'i, khane ukyas kī asanim kūl urc ninga'ā mokkhas; urmin munjyas cīccas; khane ar ārsyar darā ārin bācās "māmū nerrgā jhapintī urkhā darā idī puttā gahi latānū kōrcā kēra." Ār ānyar, mokhāe arā eman thagdae, gucā ceṭā'ā anti cōcas kī ceṭṭas kī mund mund kālā helras. Kānum kānum onṭā paddā gusan ārsyar, khane abrā ālar ā kukkosin ānyar, "ē bhagnā kālā i paddānū ninghai bālān bisā." Khane ās paddā tarā onṭā erpānū kēras. Khanegā tiliyar addō tī kūlhū natagta'anar, khane ās ānyas, "nīn ekāse ālar hikdar addō tī gā kūlhū malā natagta'anar, ālan gā u'inar." Ār ānyar "eksan āl beddom darā kūlhū natagta'om?" Ā kukkos bācas" ēn irb āl ci'idan khendor?" Ār ānyar "ci'āṣē endrgē malā khendom." Taṅg māmū baggar āsin bālā bisāgē taiyar, khane ās ārinim bisā helras, mulli salyā kēra, ā khōkhānū ānyas "gucā menāgē, bisāgē ba'anar kā malā," anti geccham ijar khane ānyas, "ērā māmū irbārim bison kā?" Ār ānyar, "ha'i bisā." Onghon ānyas "ērā māmū irb janārin bison kā?" Ār ānyar "ha'i; irbānim bisā." Ennem kaikōbēr ānyas. Ā khōkhānū rūpāian nēcas. Ārin irbārinim dhārtācas cīccas. Anti tām ekā dāhrēnū kēras ayam paddā kirrā helras. Dāhrēnū ṭoraṅg ra'acā, khane āsgē ṭoraṅg ṭoraṅg barnā manjā. Majhā majhī ṭoraṅgnū onṭā bhālū urkhā darā ās gane



arbānakhra'a helrā darā rūpi'a ās gahi chauhācīt manjā kērā. Ā ḍahrēnum ort ālas ghōrōnū argas darā barālagyas asan ārsyas darā ijas kī ār gahi arbānakharnan ērā helras. Khane ā kukkos bācas “guchrā guchrā, ēn bhālun rupi'a erkhtā'alagdan, ningāgē hō erkhtā'a tukki hole rupi'a enghai khōṇḍ'a darā gamchānū hēār kī barā ; nīn hō erkhtā'ōe.” Ās annēm nanjas, urmī rupi'a khōṇḍas darā gamchānū hēcas cīccas. Ā kukkos oṇṭā rupi'a bhālū gahi erkḥ cuppinū ghusyācas darā ā ghōrō urbasin dhartācas cīccas. Ās dharcas khane ā kukkos rupi'a dharcas. Anti ās gahi ghōrōnū argyas calā boṅgtācas. Ā āla's dhēr gahrī guṭī ā bhālun igar jigar nanjas. Barētēkan nū oṇṭā rupi'a urkhā, khane ās endr ba'a helras, “akkū ēn ghōrō gahi mulli ho'om ; pahē tānō laucas darā oṇṭā hō malā urkhā, ā kukkos ḍahrenū barcas darā oṇṭā khār gusan mithā'i mōkhā lagyas. Asanim dhubi'ar hō kicrī nōrālagyar. Ār ās gahi mōkhnan ērālagyar, khane ās ānyas, “endran endran paddānū gā mithā'i gahi lūṭ maṅjki ra'i,” khane ā dhubi'ar bācar, “anā babū emhai kicrin ērkē, tani emhō kādam.” Ārin kalā cīccas darā nāme tīngkas ra'acās “Cērō dupahar.” Anti ār kērar khane urmī bēs bēs kicrin khōṇḍas kī ghōrōnū argas darā calā occas. Khōkhānū dhubiar gohār nannar “ērā harō ērā harō emhai kicrin Cērō dupaharas ho'alagdas.” Ālar ā dhubiarin ānyar, “cērō dupahartā katthan innā nīm gohār nandar?” Ār gahi katthan nēhō malā pat'acar. Hārī kēras kī oṇṭā khār gusan bar'hī chekeā. Ā ganem oṇṭā paccō taṅgnati sasar ho'ar cī'alagyā. Bar'hī kātā pollar. Khane ā kukkos ānyas, “ē paccō ning natin mund kartādan ā khōkhānū niṅgan hō kartto'on ;” arā nāmen tīngyas “Erpājaunkhaddis.” Ā paccō ānyā “bēs beṭā karta'a.” Antile kartācas darā boṅgtā'a helras khane ā paccō gohār nanjā, “ērā khaddarō, ērā khaddarō Erpā jaun khaddis eng nattin ho'alagdas.” Ālar ānyar, “ān paccō, ning jaun khaddisim janū, annūhō eudrgē gohār nandī.” Ādi gahi katthan nēhō malā pattācar. Khōkhānū ās urmī cījan ondras kī taṅgji gahi erpānū barcas darā urmī hāl ās ma'ā bitcā adin taṅgjin tīngyas darā urmī cījan hō ēdas.

14. MUKKĀ NĒKHAI KHEKHĀ TĪ SINDRĪ OCCĀ. ĀS GAHI DIM ĀLĪ.

Cār jan ālar saṅgī guiyā nanjar. Ortos jātnū sindrī bisus ra'cas. Ortos jolhas, ortos kankohul'us, ortos sonār jatiyas ra'caa. Ār sannī nū bienum



bionum guiyā nanjar. Oṅhon ennē bācar “bhairō nān gucā nannā rāji nalakh nanā kālot.” Ār ennē salhā manjar kī taṅga’ā kamharan dharcar kī urkhar darā dhērim ullā gahi pāb lkyar darā toraṅg kērar. Ā toraṅgtā mann guṭṭhī kita’ar darā khaikā jhūri khatarkā ti dhīnkī man-ālagyā. Aiyam oṅd mākḥā khēpnā manjā, khane tām tām ānyar, “isan toraṅg ra’i namā pālī pālī khāpnā ra’ō.” Antī maṅḍī ondar kī bācar “bha’i kankohūl’ū ningā isan ōr nannā ra’i, endrgē nin hēberkae be’edae.” Khane ās bācas, “cūtā,” ar cūtyar. Ādhā idhī mākḥā manjā khane ās bācas “cō ukkan ra’on;” kisan oocas darā kankan dharcas darā chulnum chulnum āli gahi mūṭhan kameas. Antī ijtācas darā ānyas, “o’ā bha’i sōnār.” Ās cōcas darā khāpā helras, khane atrā itrā innum ā alin īryas khane bācas “id siṅgrāckā malkā ijjkī ra’i ēn ādigē atnā mundhurnā kam’on;” ennē bācas kī ā birim pasrā nanjas, khesēr gē arā khebḍā gē arā khekkhāgē darā khedgē darā cuttīgē, anti attācas ā khōkhānū jolhāsin cōdas. Ās dhērim gaṛ’hi ukyas kī īryas darā, alin īryas kī bācas ādigē urmī ra’i pahē kierī mallā; cāḍē sarābācas kī hīḍitādeas darā kierī isyas, anti kūrṭācas darā sindrī bīsusin ānyas, “o’ā niṅghai pālī kiryā.” Sindrī bīsus cōcas kī khāpā helras kī atrā raspasarnā menjas kī īryas kī bācas “urmī ra’i pahē kaprēnū sindrī mallā,” idin īryas kī kīyan otthras darā adi gahi kaprēnū ṭḍyas; arā ād ujyā. Anti bijyā kērā. Ormar cōcar kī bar’hi kukkos āndas “idin ēn uiyon, ēn kamaekan.” Jolhā kukkos ba’ās “ēn kierī iskan kī ciokan idin ēn beṅjro’on.” Sonār kukkos ānyas “ēn siṅgār nanjtāckan, ēn beṅjron.” Sindrī bīsus āndas “ēn mānim sindrī ṭḍkan ēn beṅjerkan enghai āli nē ho’ō?” Eunnem laggā nakhrnā manjā. Ānum bīri argyā khane bācar “korēdim ek’am manā necka’ā gucā istē kālot.” Kānum kānum kērar darā oṅtā muni bhagtāsin khakkhyar āsin raibarī nantācar. Ortos ba’ās “kamaekan,” nannas ba’ās “ēn kūrṭāckan,” nannas ba’ās “ēn attāckan.” Khane ās bācas “nē adi gahi kaprēnū sindrī ciccā āsim adi gahi ālas taliyas.” Ār bācar “gucā kālot;” uruṅg tarkārim ra’car; khōkhānū oṅhon laggānakhra’ā helrar, “ēn ho’on” ennem mannum hāri kērar kī oṅtā Dharmes lekḥa’ā khadāsin khakkhyar. Āsin raibarī nantācar, khane ās bācas “āsim adi mētas nekhai khekkhāti sindrī ocoā, kameas ās tambas, attācas ās bha’is, pūnrtācas ās taṅg kakas taliyas; khane ar ne’okhyar, sindribīsus gahi āli mānjā kērā.



B.—TALES = KHIRĪ.

16. ORT KUKKOS DARĀ ĀSGAHI BANDRĀ.

Ort āli ra'acā ādigē lauhr mannā ullā ārskī ra'acā, annum ād kharrā ondrāgē ṭoraṅg kērā darā kharrān bidyā, tetteram pulli, khanegā mēkhā helrā “barā nik'im ibrāgē ra'adar hole tetta'ar ci'ā, engā kukoe manō hole pos'agē ci'on, arā kukkō manōs hole mōkhāgē ci'on.” Ā ganem oṅṭā lakrā barcā darā tētār ciccā.

Āli kharrān ondrā ki barcā. Jok ullā khōkhānū lauhrnā manjā, kukkō khaddim manjā. Nitkī lakrā ērā kalī darā ānī “okhō paccō pardyas kā argas,” ād ānyā “argas akungā bōlō bōlō jagdas.” Anne annem kukkos pardyas darā oṅṭā bandrā pōsā helras. Lakrāgē bhēṭim malā ci'idās. Lakrā erpā bar'i hole ās ṭonkā kādas bhel ṭonkā kalī hole erpā bardas, uiyā kādas khane hō bandras ho'odas kī kādas. Ekā bīrī lakrā uinā khal kalī hole mundim ātrī gaddī nū cūtdas darā jhaprkas ra'as, khane bandrā candilā nū ukk'i “naū rē tātā rē” bā'i. Annem annem lakrā heddē barcā kī ānī “nīn urbas endr kēras?” Jhunkū bandrā ānyā, “ās erpānū jharā bōrē'e oṅ'ōs kā uiyā bar'os. Hārī mana'a, aḍḍo ilcī, makhle usāṅgīn iōṅ kī kaprēn lau'on palakro'ō kālō,” lakrā ilcī darā kalī. Undul ās bandran occas darā injō pitā kēras darā tāuā nū cīco hō occas, injō pitnar darā bandrā ganem kurnar mōkhnar. Aulā hō lakrā kērā darā ās nukhras bandran ānyā, “endran mōkhdae bha'i engā hō ci'ā?” Bandrā ānyā “kierī tarā ambā bar'a mūṭā, maṇḍī guṭṭhi ra'i emsara'a hō ongoe.” Khane lakrā elenāṭī gecchā manī darā ānī “engā hō ci'ā lē endran mōkhdae?” Khane ās oṅṭā choṭekunā cōppō injō ciccā darā bā'i “khannan minkhā darā anglā'a.” Lakrā copkārki ra'cā, bandrā gahi katthan pattā'ca darā khannan minkhyā kī anglā. Khanegā bandran sārhin dharcā kī ciccū oṅṭā kōhale pannā māṇḍkā ra'cā adin otthā kī lakrā gahi bā'i nū gargaṛa'a sajjā darā tam urbasin ānā helrā, “cō'a, dadā, cō'a dadā mūṭāsin sādhan dadā.” Ā ganem ās cōcas kī lakran mugrā trū passas kī pityas; enuem Jhunkūrae mūṭas gahi bā'itī tam urbasin bachābācā.



16. TETENGĀ DARĀ LAKRĀ.

Ontā tētēngā darā lakrā iyāri lagābācā darā ēṇḍdim nūkhur nūkhur bicā kērā; sanni sanni pardkā patrā nū mukunḍī mukunḍī kaparācā; aiyā tētēngā taṅghai khanān mundhrā; khane lakrā nūkhṛā kērā, pahē lakrā kōhā huṇḍile ra'i, khane mukunḍī khopānū okāse nūkhro'o; khopā gusan kērā darā mukhlidrā anuntī tētēngā “kokrōe cōe” bācā kī kērā darā lakrā gahi khebdānim dharcā darā ānyā: “bidkan gā iyār” bācā, khane lakrā ānyā “oṅghon nūkhurnā r'āi iyār” bācā pārmūnd nūkhṛāgē cājkar ra'acar āḍgē tētēngā khanan mundhrā, khane lakrā kaprā kērā kī mukunḍī khopā gusan nūkhṛā anti tētēngā “kokrōe cōe” bācā darā kērā kī lakrā gahi khebdānim dharcā; ennem pārmūnd lakrā nūkhṛā khane tētēngā bidyā; anuntī lakrā taṅghai khan mundhrā khane tētēngā nūkhṛā kērā pahē tētēngā paksānū nūkhṛā khane lakrā paksā gahi kharkhan menjā arā “kokrōe cōe” bācā kī kērā darā paksānū kap iryā, khane ṭhaukem bidyā; khōkhānū lakrā oṅghon khan mundhrā, khane tētēngā kērā kī tombānū argyā, anti lakrā kērā kī paksānū kapā kudi, lakrā tētēngā tarā ḍikkān nanjā khane tētēngā lakrā gahi ḍikkānū kōrcā kērā, khane lakrā khōb boṅgā helra; orot laṅgras ra'cas boṅgā pollas khane ās gusan kērā kī ḍikkāntī tētēngan othortācā.

17. ORT KUKKOS GAHI BACHU.

Ontā lipī orā ra'acā ādi gahi nākḥ oteng khadd ra'acā; mūndtā lakrā ēndtā nerr; mūndtā bachu, nākḥtā ālas; urmi khadd pardyā khanem taṅgyō lakran ānyā “nīn patrānū urmi lakrā gahi bēlmanā kalae”; nerran ānyā “nīn pokhāri nū urmī nerr gahi bēl manāgē kalae”; bachu darā ālasin ānyā “nīm irbarim eksan kālōr asānim nimhai jīnā calro'o nīm iklam hō ambkē chīḍr'a.” Taṅgyō gahi ānkā lekḥā ibrā urmī kērā; alas bachun oōcās kī kalā helras; kānum kānum ontā bāndh ārsyas ayā bēl khaddar emalagyar; adānim ijjas kī ērā helras; bēl khaddar ānyar “ēndran ērdāe bachu khāpū?” Ās ānyas “nimhai emnā mulkhan ērdan.” Ar ānyar “nīn hō saṅgē bēcoe?” “Ha'i bēcon” anti ānyar “em mulukhdan nīn eman beddā, bed'oe hole em niṅgāgē



ingrīn eion, pahē ningan bed'om, hole niᅅghai bachun ho'om; anti ār mulkhā helrar; ārin ās eō bēr mulkhyar āō bēr biddyas; antile ās mulkhyas, khane ās gahi bachū amm onnā lekhā manjā kī āsin amm nū uglācā, khane ās amm ulā ulā kēras kī nantārā urkhas, ennem kaiko bēr manjā; ār āsin beddā pollar. Hārcar kī erpā kērar darā khatᅇtinū cūtyar darā amm maᅇdīn ambyar ciccar, taᅅgyō tambā ārin menjar “nīm endrgē maᅇdī amm malā oᅇdar mōkhdar?” Ār ānyar “em bachū khāpus gusan ingrīn gachrekam adin eior hole oᅇnom;” taᅅgyō tambas ānyar “cō'ā bētā, oᅇnā adigē jok tihā malā, ekām kukoen singrot kī hō'ot darā ās gane beᅇjot eiot.” Beᅇjā ullā oᅇtā nannā kukoen gahnā girā tī jhabrācar dhēr dāu kierin atācar darā taᅅgdan gullē gutᅇthin khassar kī marakh kā kicrin kūrᅇacar darā irbārin bachū khāpus gusan ondrā helrar; taᅅgdā māyā tinglī bhankārī darā ā nannā kukoen caurtī dhuknū tī ondrā helrar; bachū taᅅghai khāpusin ānkī ra'acā “nīk mēyā tinglī bhankārō darā marakh kā kicrī ra'ō ādī gahi khekkhā nīm dharkē”; antile ās annem nanjas, idin iryar kī ār kollam manā helrar darā taᅅgrī gahi conhātī tām gusanim uiyā helrar. Bēlas taᅅghai debānar gusan salah ho'ā helras ekāse i bachū khāpusin piᅇā oᅇgon? Ār āsin bācar “patrānū lakrā gahi dud'hin ondrāgē taiyā hole lakrā āsin mōkhō nambai khadd bachro'ō.” Bēlas dēorar gahi ānkā lekhā bachu khāpusin lakrā dud'hin ondrāgē ᅇoraᅅg taiyas, ās tharan oas kī kēras darā ārsyas kī endran ērdas kharā baggē lakrā pancait nanāgē khondorkī ra'ī arā āsin iryā kī mōkhāgē lamcomrā helrā; anti ās gahi kōhā dadā lakrā ra'acā ād āsin iryā kī khōb khus manjā dhēr ulānū ingrīs gane mulakāt manjā kōrē kōrem urmī menjā kī āsin ānyā “bhaiā nīm endr barokae,” ās ānyas “dādā nīmā sukh nū ra'adar emāgē khōb dukh manī, bēlas eᅅgan lakrā dud'hin beddā taiyas, adin eksan khakkhrō,” ād ānyā “sannikā jok tihā ambkē nanā, ēn niᅅgāgē eō baggē cāᅇ manō āō eion,” arā urmī khadmākhō lakrā gahi dud'hin bintācā darā oᅇtā lakran ceᅇtācā darā oᅇtā nū ārgā kī bēlas gusan taiyā ciccar. Ād mahal gusan āreyā kī garjārā ati paddāntā ormar ajgut manjar kī lakran iryar kī asrā helrar darā ānyar “gecham ra'ā ci'ā niᅅgāgē adhā rājī dahēj eiom,” antile āstem lakran kirtāca ciccas. Dhēr ullā gahi khōkhā nū āsin oᅅghon bēlas debānar gahi ānkātī pokhārintā puᅇdrī pūp ondrā taiyas ekayā kōhā kōhā nerr ra'acā, ās cikᅇnum cikᅇnum kēras darā endran ērdas ajar ajar nerr bedrā hedrā'ari'ī arā mōkhāgē lamcomrī, pahē heddē ārsyas kī iryas taᅅg dādas hō aiyam ra'as; taᅅg dādās nerr ās gahi kōrē kōrem menā helrā anti khōkhā nū ās ānyas “niᅅgā



dāda sukhē ra'adar emāgē khōb dukh nū ra'i bēlas oṅgan pūp ondrā gē taiyas," anti tang dādas ānyas "choṭkā jok tihā ambā nanā ēbaggī ningā gē pūp gahi eāṅ lagō ā baggē ēn ondrō'on ei'on," anti nerr gutthin pūp ondrāgē taiyas darā khonḍos kī onṭā nerr pūp ceḍḍā arā onṭā nerr tān ārgyas kī erpā barcas, mahal gusan barcas khane ālar īryar kī kharā eleā helrar darā āsin ānyar "em niṅāgē adhā rājī dahēj ciom" ās ānyas "onḍ chatkā lauā īryar kī eiā hole endr hō malā manō, ās gahi ānkā lekḥā īryarkī chītear ciccar darā nerr pettā mokkhā kī taṅgā aḍḍā nū kērā, antile bēlas hārcas darā ēkam or tī āsin piṭā pollas; khane tihā nanjas is gahi bachūnum urmī bhēḍ ra'i, āūgē ādin piṭōt bacas kī ānyar "niṅhai bachun darā hāthin laṛto'ot," ās oīkḥnum barcas kī bachun tiṅgyas, bachū ānyā: "ambā eleā bhayā ēn jīto'on"; laṛnā ullā hāthinsingrācar kī ondrār. Laṛnum laṛnum bachū enne kūlan kussyā attī hāthī gahi kūl bidig'ra kērā; ālar īrya kī ajgut manjar. Dhēr ullā gahi khōkhānū āsin ānyar "niṅhai bachūgē pannatī laṛnā manō," khane ās alkḥnum barcas kī tiṅgyas, khane bachū ānyā "bhāiā akkugā oṅgā khe'ēnā manō, āūge nūn akkuntim punā aṛī punā dabnā beddar uiyā darā ēn khēon hole urmī khēson' aḥṛan khocolan aḥrā nū sajkē kī utkē oī'ikē." Ās bachū gahi ānkā lekḥā urmī nanjas. Bachū laṛnum laṛnum pannā nū iōḍā bajrārā ātī adi gahi kukk bidigrā darā kērā khanegā ālar ajgut riryārā helrā, bacan ās oīkhā oīkhā khēson aḥṛan darā khocolan mocā mocā aḥrā aṛī gutthinū sajas kī mundhyas. Aḥrā bhītrē bhītrē urmī bhaūrō dumbā darā tinī manjā; jok ullā khōkhānū bēl kukkoen bacohā gē dhēr baggē paikar jumrar kī barcar, khane ās aḥrā aṛin calkḥas ciccas, khane kharā baggē bhaūrī gutthi dumbā tinī gutthī urkhar darā ār gahi mēḍ nū nindyā darā ajgut utgā helrā, khanegā ormar ās gahi khed nū khatrā khatrā anā helrar "manāba'a bachū khāpū manāba'a niṅāgem bēl kukkoen ciom darā nīnim saūsē rājī gahi bēl ra'oe." Khane ās urmin manābācar darā aulantim ās saūsē rājī gahi bēl manjas.

18. SIRU PAḌE.

Ort ālas aḍḍō khendā pēṭh kēras. Khindyas kī kirralagyas, dahreṇum bīṛi puttyā kēra, khane ās ba'a helras "punā aḍḍō ra'i bīṛi puttyā ēn mund bhāre onṭā ṭōlā nū bhar mākhā ra'on; bijjō hole ka'on," ās aḍḍon onṭā kulhū nū khaṭcas darā tān ā chaprīnū cūtkas ra'acas. Pairī bīṛi kālāg-

aḍḍon kollālagyas, ā ganem kulhū urbas iryas kī ānā helras, “ānā bhāi endr-
nā aḍḍon koldae?” Ās ānyas “bhāi cērō pēṭhnū khindkan, puttyā āṅgē
isanum ra’ackan.” Ās ānyas, “ānā hō luceā ī aḍḍōgā eṅghai tali, ī kulhū
dim dhanbāca.” Aḍḍō ālas ānyas “malā, ēn cērō khindkan.” Kulhu urbas
ānyas, “malā eṅghai kūlhū dim dhanbāca paddantā ālarin menā se.” Aḍḍō
urbas paddantārin panc badcas, ār ormar ānyar malā īs gahi kulhūdim
dhanbāca,” ās khōkhanū torāṅgnū kēras panc baddāgē, beddnum beddnum
Siru pāḍen khakkhyas darā taṅghai urmī katthan tīngyas. Siru pāḍe ānyā
“hā nīm sendrā bardar kī eṅgan lihā lihā bādar, kalā ēn malā kādan.”
khōkhanū khōb nihorā nanjas; khane Siru pāḍe ānyā “kalā phalnā ullā
ālarin khonḍko’e ra’akē ēn kāon kī teṅgon cion.” Ās barcas kī idkā ullā
nū kharā baggē pancarin khonḍas, ār ormar Siru pāḍē gahi pāb ērā helrar.
Dhēr gahri nū Siru pāḍē jhalāṅ jhulungrā jhulur nūti barī. Adin iryas kī
kulhū urbas ānyas “lagē pāḍē sāheb ābirintim niṅgan ērdam nīm baram malā
bardae.” Siru pāḍē ānyā, “ē harō barālakkan, oṅtā pokhāri nū cicc lagyā
injō uliā adinim pesā pesā mokhkan”; kūlhū urbas ānyas, “ērā bhairō menā
endr iklam pokhārinū cicc lakkan irkar kā menjkar ra’adar?” Siru pāḍē
āganem ānyā “menā bhairō iklam kulhū gahi aḍḍō dhanbāckan irkar kā
menjkar ra’adar?” Aḍḍō urbasin ānyā, “kalā niṅghai aḍḍon kollar kī ho’ā,
bhalā ēn ērdan nē niṅgan chēkoe.” Āganem ās aḍḍōn kulyas kī ho’ā helras
arā ormar aṅgal aṅgal ērā helrar, baakan nēhō āsin rokā chekā pollar.

19. LITĪ BĪRĪ CHATRĪ KUKKOS.

Ort paccō ra’acā, adi gahi taṅgdas gē Litī bīrī chatrī nāme ra’acā
ās āiyā kādas darā gohlā pundas kī bhunḍī ōran piṭāgē sagar khane khēde-
kas kuddas. Bīrī manī khane bardas darā taṅgyō kōhāle ṭhethrā lekḥā
asmā mikhī darā balī gusan taṅgac kī ra’i. Ās bardas khane bā’i, “hairē
eṅgdas uiyā hōuidas arā bhunḍin hō piṭdas” bācā kī khōb khusmārī, annem
annenum cākhnā ullā barcā taṅgyō hō bihnin occā kī kērā. Ekā khal khōb
usskā ra’i adin āndas “id namhai khal ayō,” khal urbar ānnar “anākō
anākō Litībīrī chatrī emhai khal nū cākhdāe?” Khanegā nannān āndas
“id mallī gō ahai ād namhai;” anne annem bihnin munjyas ciccās.
Khanegā taṅgyō kadrārā darā āsin ḍaṅgtī khēdā helrā. Boṅnum boṅnum



ond addā daṅgrā mocā lagyar arin ānyā “dharā khaddarō ! dharā khaddarō !”
khane ar āsin menjar niṅgan endrnā khidi ; ās ānyas “pottan umbalkhon ciā.”
Khane ar āsgē umbalkhon darā pottan ciccā. Ās kānum kānum oṅṭā
cigālō gahi mandā nū kōrcas. Taṅgyō daṅgtī handrā helrā khane ās ā
pottan darā umbalkhon daṅgnū lerbherambācas. Antile taṅgyō ānyā
“akkūgā eṅgdāsin piṭkan” darā taṅghai erpā kērā. Mākḥā bīri ās barcas darā
“ayō ayō” bācas. Ād ānyā “ekā ortar mēkḥdar ? Eṅgdāsin gā piṭkan.”
Khane ās kānum kānum Birindāban khakhaṅḍapur ṭoraṅnū kēras darā aiyam
ra’ā helras. Asan mankhā kharā baggē ra’acā. Mankhā menā mōkhā kāli
khane ās khaddan nōrdas mūjdas darā man gahi dhodhrō nū kōrcas ra’as.
Mankhā gutthī barcā darā nūrkan iryā kī ānyā “anā bētā nē niman emtācā
mūjyā.” Khadd gutthīn ānyā “em āsin teṅgom hole gā nīm āsin kussā kussā
piṭor.” Mankhā ānyā “malā piṭom bētā teṅgā.” Pisā khadd gutthī kiriyā
mankhtāca darā ānyā, “i man nū ort khaddas ra’as āsim eman sēbā nandas.”
Mankhā āsin mannanti ettāgē ānyā darā āsin cuākhā ṭāṭā helrā. Antile
ās nitkī dud’hi binā binā mōkhā helras darā khōb sauangyā manjas ; ās gahi
cuttī hō sōnā lekhā bilcā helrā. Mankhā āsgē tiriyō bidyā ciccā, darā
menā mōkhā kāli, hole ā tiriyō tim enne ba’ā ba’ā mēkhālagyas : “Daṅgē
daṅgē baṅḍī bhaisā sing lage ḍar ṭṭe khūrī khūnde pathal phūṭe.” Khane
bhais menā menā barālagyā. Undul khār nū emā kēras darā khājro’o bīri
oṅṭā cuttī caḍrā kērā khāne ās ādin atkhānū tiṭcas darā khār nū ambyas
ciccās. Kiyā tarā bēl kukoe khaddar emālagyar, ar ādin iryar darā ānā
helrar “ahae khadiyō endrā barālagī barē ādin dharot.” Antile atkhan
dharear darā kollyar kī ērnar gā oṅṭā sōnā gahi cuttī, ar ādin ondrar ānyar,
“i cuttī gahi ālasin beddor, hole em maṅḍī amm ōnom makhle malā.” Bēlas
caugurdī beddāgē taiyas pahē nēhō pollar beddā. Khōkhānū oṅṭā khākhā
bacā “ēn beddon.” Ar kharā baggē lauan iriyar ciccā, ādin pettā mōkhā
darā Birindāban khakhaṅḍapur ṭoraṅg kērā kī ās gahi dūdhi bhandānū
ukkyā. Ās “kahū rē” bācas darā taṅghai tiriyon libdācas. Khākhā cādem ā
tiriyon pettā darā hāḍī kērā kī ukkyā ; ās khēdā kēras khane hāḍī occā ; annē
annenum mahalnū ondrā darā tiḍḍā darā ciccā. Khane belas gahi ālar
pettar, ās kōrcas kī tiriyon nēcas. Khane ar ānyar “iyam ra’ā, bēl kukoen
niṅgā ciom.” Ās bācas “eṅghai kharā baggē mankhā ra’i, ādin ekāse
ambon.” Ar ānyar “abran hō isanum ondrā,” ās ānyas “eksan mankho’on ?”
Khane ar ajar kōhā addā nū kurkhī hēcar, antile ās tiriyon nēcas darā



ūrāhelras “daṅgē daṅgē baṇḍi bhaiṣi siṅg lagē dār tūtē khūri khūnde pathal phūṭe.” Khane adin menā menā khadd darā budhī urmī duyārā darā sāṣṣōerā barā helrā.

20. ORT ANDHRAS DARĀ KUBRĀS.

Ort andhras arā ort kubrās ra'acas. Kubrās oṅṭa hō ēkā pollālagyas, andhras oṅṭa hō ērā pollālagyas, kubrās ānyas “ēṅgan ghōrō argā hole ēn dahrē ēd'on.” Andhras khus manjas. Annem kuḍḍā kuḍḍā ujjālagyar. Undul tembnum tembnum oṅṭā bēlas gahi mahal gusan kērar. Asan endran ērnar, bēlas gahi oṅṭā taṅgdā ra'acā ādi gahi mūd tḥor chattī rāi, “endrgē ennē manjā” bācas ki bēlas paṇḍit guṭhiyarin eḍḍas darā menjas. Ār anyar “id bēs malli idin piṭar o'ā makhlē nim khē'oe.” Bēlas conhāti malā pityas backan ānyas “idin nikim hō'or.” Backan nēhō hō'ā malā biddyar. Khōkhānū andhras darā kubrās gē ciccas; ār occar ki kērar oṅḍ aḍḍā toraṅg nū ḍērā nanjar darā khaṭā helrā. Bēl kukoe darā kubrās ukkar ra'acar, andhras cicc ūrālagyas. Ūrum ūrum mojkha khan nū kōrōā darā ās khannan niṅṅrā helras, āganem ās gahi khannantā jalā khacrārā, ās ērā helras; khanegā andhrā bācas “akkugā i kukoyen ēn otkhānūm uiyon isin piṭon,” bācas darā kubrāsīn lauā korā helras. Lauṅum lauṅum kubrā gusan ennē latthcas ekdanti ās gahi kubrā uḡgārā kērā; idin iriya, bēl kukoe, “hae kubrā hae kubrā” ba'anum ēōkhān korā helrā; āganem ādi gahi oṅṭā chatī kōrōā kērā. Antile gā iriyar ormat kōre manjkat khane bēlas gusan kirriyar ki tamhai urmī katthan tiṅgyar. Bēlas ajgut manjas ki andhras gē nantarti khai biddyas darā arinum khadd lekhā uiyas darā saṭṣē rājin argē ambyas.

21. ORT KUKO'E GAHI KENDRĀ MANNĀ.

Oṅṭā paddā nū chau bhair ra'acar; ormartī sannī ort kukoe ra'acā; ādin ār kharrā conhā nanālagyar. Ondul ād amkhi irt'agē arkhā mocālagyā, khane taṅghai aṅglin mocarā darā bācā “i khēsōn eksan cīcro'on, ēṅgdā baggar ēror, hole endr khēsō bāor. Enne malā, ēn arkhā num cīcro'on;” arā ād arkhā num cīcrā. Ā amkhin taṅgdā baggar mokhar khanegā ajgut embālagyā āṅgē ādin menā helrar, “ān koe innā amkhi nū endrā sajjki?” Ād anyā

endran hõ gā malā.” Pīsā malam patt’anar khane tingyā ciccā anglin mocorkan khane arkhānūm cōirkan. Ār bujhrā helrar : “ bhairō, idī gahi khēsō ī kōrhē embā laggī hole gā ahṛā adkā kōrhem laggō.” Antle ormar tḥag-carkī ādin tōrang tarā occar, asan onṭā macā kamear darā punā kicin kūrṭācar kī macā nū ādin oktācar; ormar geohantī adin oretcār tī injū’a helrar. Kōghar ormar salah nanjar darā bariyam nantarā cenkear ekāse cōkhor nakarkar ra’acar anne annem injar; khōkhānū sannis gahi pālī manjā, khane ānā helrar, “ bēs lau’ā kāṛā, makhle niṅānim lauom kī piṭom.” Ās elonātī mānim injū’a helras, mund ī dāṇḍin pāriyas, “ Sāmbhar sāmbhar bainī koe lesār lūgā, bainī koe lesār lūgā.” “ Bindhū bindhū dādā tōr ekan bairī dādā, tōr ekan bairī,” ennē taṅḍī ānā helrā; ennem pāriyas darā cāran injas, ad ādi gahi majhī khōkhānū lagyā, ad keccā kērā; khanegā taṅg dādā baggar ānā helrar “ kalā kāṛā mōcā, nīn janū piṭkae,” khane mucyas antle ānyas “ kank mallā dādā bagārō.” Ār bācār “ nīn janū piṭkae kāḍae kā,” bēgar ep āsin kank onḍrā taiyar, kaṅkan biḍḍyas kī cīkhḍas, ā ganem onṭā nerr barcā kī menjā, “ endrnā cīkhḍae?” Ās urmī tingyas, khane nerr ānyā “ ēn niṅhai kanknū pojordan eigan ho’okē darā alghem uikē cī’ikē.” Ās annem nanjas; antle iriyār gā amm malā ra’acā, khane arin satte uḍḍū nanjar kī taiyar, tūsā gusan kēras kī cīkhā helras, mūkhā menā helrā “ edrnā cīkhḍae?” Ās taṅghai urmī katthan tingyas, mūkhā ānyā, “ injō darā kakrō piṭā,” āspityas darā mūkhā bācā : “ arī gahi tōkānū ēn okdan ho’okē darā alghem uikē cī’ikē. Ār ahṛā mōkhor hole nīn injon mōkhhē darā khocolan mōkhor hole kakron mōkhhē,” ās urmin iriyas khattyas, ar ahṛā mōkhnar khane injon mōkhḍas, khocolan cābnar, khane kakron cābdas darā taṅghai bakhrā ahṛan darā khocolan onṭā puttā nū sajjas. Ā puttāntī bās kundyā. Ā uḷgom onṭā jugiyas tembā kālālagyas darā asan erkḥā ukkyas. Bās ānyā “ Ambā erkḥā, ambā erkḥā; idgā bhaiyas gahi idkā bās.” Antile jugiyas cōcas kī ānyas “ idgā kendrā bēs banō.” Ās tāryas kī kendrā gah dāṇḍī kameas. Antile kōhas gahi erpānum tembā kēras. Kendrā kharkḥā helrā : “ Āmbae kharkḥae ambae kharkḥae kendrā idgā dokhas gāni erpā talī.” Anne annem kōghar gahi ormar gahi erpā nū bācā. Khōkhānū sannis gahi erpā nū kēras khane bā’i : “ Kharkḥae, kharkḥae kendrā, idgā bhaiyas gahi idkā bās.” Khane sannis menjās kī jugiyasgē arkhī jharā cīccas kī uniktācas. Antī ākondran nuḍaskī nannā kendran āsgē cīccas darā ās gahi kendran ek’am birī asedās khane taṅḍīdim gottam urkhī. Jok ullā



4012



khōkhānū ās cākhagē taṅg dadā baggar gahi gōhlan nēcaś. Ār āsin ānyar “kāla kārā maṅḍī bita’ā ekā gūṭī uiom.” Ās bācas “hā’i dadābaggarō bito’on,” taṅgdīdim ūlā ūlā bita’ā lagyā, gōhlā bicehrar ki barcar khane nōdhrar ki ukkyar; ād ūlā tarā khollā khollā uī’i, ās ārgē ho’ā ho’ā oī’idas. Antile tām hō ukkyas ād jhakmakrā bile nutim birkhā’agē urkhā, ār iryar ki ajgut manjar darā utān khatrar helrar. Antlē ormar saṅgem ra’ā helrar darā khōb urb manjar kērar.

22. ORT DHIDHRAS.

Ort ālas ajgut urb ra’acas. Ās ullā mākhā arkhī jharā nū mulkhas ra’-ālagyas. Taṅghai āli jōkharti nalakh nanta’ā lagyā. Ekā ortos ēṅdas adin hō modhras ēḍdan arkhī jharā nū ra’acas. Taṅghai āli undul jharā lacā darā ormā jōkhārin ontā’ālagyā. Taṅghai ālāsin ānyā “ekā ortas niṅdas sahi akhdae hole ī sarkhin pesce kī niṅdas gē oī’oe.” Sarkhin pettas darā tarkutintim ērā helras, pahē cinha’ā pollas. Khōkhānū ā āli taṅgdāsin ānyā “ērā bēṭā nimbasgē sarkhin pesar oī’ā.” Ās ciccās. Ā urbas iryas ēṅdas jōkh manjas khane taṅgdas gē khai beddā kēras. Ās ontā gunjan dharcas, ledrā jhapras darā kharā baggē rupiyā occas kī onḍ aḍḍā tūsā ḍahare nū ukkas ra’as, kukoe khaddar amm hō’ā barnar, khane gunjan ēḍdas darā kukoe khaddarin ēḍdas. Ort kukoe thaukam gunj gane tulṅacā. Ādi gahi khōkhā kēras darā ukyas. Ār āsin timbus ba’anar kī malā kaenakhrnar, piśā ārin ānyas “ana maī nīm janū kaenakhra’ā barcan.” Ār ānyar “endr nīm emāgē dalī oī’ā oṅgoe?” Ās bācas “oī’ōn.” Ār ontā kēṭaran ciccar darā ānyar “ondā kōran ninda’ā.” Ās bācas “kēṭaran endr oī’īdar baugin sē oī’ā;” bācas kī tundyas; ond kēṭer nindā khacyā, iryar kī ār ajgut manjar. Piśā khed amm ciccar, ondar mokhar kī ās calras. ḍahrenū ācākā kecas kēras, dhēr ullā nū mendrā “nimbas ḍahrenū kecas,” khane ās urmī dhan khurjīn mulkhtā-cas kī nīkim gusan jōkh ra’ā calras. Erpā erpā kuddas darā āndas “ēṅgan jōkh uiyor?” Ār ānyar “ī dhidhras endr nalakh nanos,” anne annem ās taṅgā pāhī nanjkā ra’aoā ā erpānū kēras. Ā dhidhrasin ār khēr khēḍāgē uiyar. Jōkhar uinā khaltī bar’ōbīrī “guchrā, ḍaharentī dhidhrā” ba’anar kī lathnum kōrṅar urkhnar. Khōkhānū dhidhras tām urbāsin ānyas “ēṅgā hō eka’anum khal gaohrar oī’ā.” Ās bācas “nīn endr uiyā oṅgoe dhidhrā,” ās ba’as “uyon,”



khane ond addā ajgut kōhā marcan gachras ciccas. Ās nitkī ond gōhlā baggē laṇḍī laṇḍī addon ho'odas darā kādas. Daharē nū oṇṭā kūtā gaddas darā ānyas "ēngāgē nē maṇḍī ondror, ārim mund i kūtā ṭhokkē antlē ho'okē." Urbas gahi ānkā lekḥā taṅgdādim nitkī maṇḍī hu'i, undul malā ṭhokcā geohantī iri ajar baggē jōkhar uyāgē lakkar ra'anar. Sōnā gahi diluānū jhukurdas. Ād khōkhā kiryā kī kūtān ṭhokcā khane ormarin gohlā kuddin ugtā pagsin nunkhyas darā otkhāsim uidas. Maṇḍī occā darā idin nēkan hō malā tiṅgyā, urbas undul dhidhras gahi khallan ērā kēras, ērdas gā khal gurgurrā usskā khottkā ra'i; barcas kī taṅghai jōkharin kēbā helras, "ās otkhāsim ekā lekḥā'a khallan ussas, nīm ekāse uidar?" Khane ār kōphē āsin kadrāra'a helrar. Ā kukoe ā dhidhras gahi bheddan akhā darā taṅgyō tambas gusan ānā helrā, "ēn dhidhras gusan ra'on." Ār ānyar "ān bēṭī ās gusan endr irrkī ra'oe? niṅāgē bēs sobhā jaundkhaddi beddom ciom." Ād malā pattācā backan ānyā, "ēn ās gusanum ra'on." Khane dhidhras ganem beṅjyar ciccar. Ār irbārim tamhai khall tarām gecham ra'alagyar. Undul ās jōkharin uglācas darā tān sōnā gahi diluānū jhukra'a lagyas aulā ās gahi khai boṅkī kērā darā āsin khimciyā, khane ās pollas nunkhā, ād ānyā "ēo ullā nīn niṅgan dhidhrā ēd'oe? akkū ambā dhidhrā manā." Aulantin jōkharim nitkī uyā khosā helrar darā irbārim bēlar lekḥā hāthī nū argā helrar, nē nē mund āsin sadha'a lagyā ās ārin sadha'a helras darā khōb bitṭhī nanta'a helras.

23. TIMBU PACCŌ GAHI KHĒR.

Oṇṭā raṇḍī paccō ra'acā ād nitkī tembā kālagyā. Undul enne manjā oṇṭā erpānū tembāgē kērā. Ā erpantā ālargē ci'āgē endrā hō malā ra'acā; anuhō ā paccō malam pattā'i. Khane ā erpantā ālī ānyā "endrā hō malā paccō endran ci'on." Anuhō ā paccō ni'idim ni'i khane erpantā ālī ānyā "oṇṭā khēr bi gā ra'i paccō jok endrāhō malā"; khane paccō ānyā "adinim oṅgā gē cia'e," antile erpā urbanī ā bi dim cicā; khane paccō occā kī kērā darā bācā "innā malā mōkhon nēlā mōkhon" bācā kī uiyā cicā, khane bīyanti khērkhadd urkhā darā, "ciū ciū" bāi; khane paccō "endrā cīkhi" bācā kī iri hole khērkhadd rai. Khane "adin pōs'on" bācā kī ādin pōsā helrā; tembā tembā undrī darā adar gutṭhin khēr khaddāgē ci'i. Ennem khēr khadd pardyā kī cīkhālagyā "Kokrōe cōe" ba'alagya. Undul ā khēr paccōn ānyā "ēn



innā lassā kādan” bācā, khane paccō ā khēran ānyā “i khēr ekāse lassō;” khēr ānyā “ēn janū ekāsem lasson” bācā kī kērā. Khal urbāsin ānī “ēngan khoyāgē helāba’ot” bā’i khane ār ānyar; “i khēr buid ekāse khoyō idin helāba’ot,” ennem minnum minnum onṭā kōhā urbas gahi khal gusan kērā darā ānyā “ēngan khoyāgē helāba’or?” bācā, khane ār hō ba’anar “i khēr buyā ekāse khoyō darā idin helāba’ot” ba’anar khane khēr bā’i “ēn janū khoyon nimāgē nalakh cār rāi kā?” bācā khane ādin khoyāgē helābācar kī tām mandī onāgē erpā kērar; ār gahi onar barāgē ād khossā kī khalinū argā kī man maiṇyā ukī rāi. Antile bācar ērnargā khoyā gahi munjrā darā argāgē hō munjrā. Antile ā khēran ānyar, “nābom aulā mullī hō’ā barkē.” Khane khēr ā paccō gahi erpā kērā. Ā paccō khēran bā’i “lassā kādan bāckae okhoe mullin ondrkae?” Khēr ānyā “nābom aulā mullī hoā barkē bācar.” Ār nābyar khane khērgē hāl taiyar “mullī hōāge barā.” Antile khēr mullī ondrāgē kērā, khane ār ba’anar “okho khēr endran hō malā ondrkae, endrnū ho’oe?” Ād ānyā “ciā to ēn janū ekāsem hō’on.” Ār ānyar “ēō baggē ho’oe?” Ād ānyā “ēō baggē ci’or ābaggē ho’on.” Khane ār onṭā dhēr kōhā khes kud’hān edar cicar. Khēr ānyā “hu kudhantā khessan enghai khēbdānū sajār ci’ā, ēōdā enghai khēbdānū samō aūdim ho’on” bācā; khane ār adi gahi khēbdānū sajā helrar, anti khalinti khess munjā laggī pahē adi gahi khēbdā malā nindī. Anti khalintā khess munjrā, khane khēr ā paccō gahi erpānū kērā darā khēbdantā khessan otthrā. Anti ā paccō gahi erpā khess trū nindyā kērā. Anti paccō ānyā “khēr enḡdas nalakh nanjas, akkugā khēr enḡdāsin ēn beṇjon cion,” bācā kī kanyā beddāgē kērā darā ānā kuddi “khēr enḡdāsgē kanyā ci’or?” Khane ālar ānnar “hāḡḡī paccō khēr khaddgē ekāse kanyā cior ād ekāse enḡdan pos’ō.” Enne ba’anar kī nēhō malā ci’inar. Paccō hārcā kī erpā kiryā. Khane khēr ānyā “ekhō paccō kanyā beddāgē kirkī biḡḡkī?” Paccō ānyā “nēhō malā ci’inar khēr bēṭā.” Khane khēr ānyā “kalai paccō nīn polloe beddā, akku ēnim beddā kādan” bācā kī khēr kālā heirā; kānum kānum ond gusan cigālō khakhrā darā ānyā, “endr kādao iyār?” Khēr ānyā sasrār kādan iyār, gucā nīn kādae hole. Cigālō bācā “kālon bādan iyār pahē endr nū kālon.” Khēr ānyā “barā iyār enghai khēbdānū kōrā darā gucā enghai sasrārnū bes bēs onā mōkhāgē khakhro’ō.” Khane cigālō khēr gahi khēbdānū kōrā. Kānum kānum ond gusan lakrā khakhrā darā khēran ānyā “endr kādao iyār?” Khēr ānyā “sasrār kādan iyār, gucā kādae hole, enghai sasrārnū dau dau onā mōkhāgē khakhro’ō.”



Lakrā ānyā “kālāgē ka'on pahē iyār endrnū kā'on?” Khēr ānyā “iyār kānan jhakhdae eṅghai khebdānū kōrā” khane lakrā khēr gahi khebdānū kōrcā. Kālā helrā, kānum kānum oṅd gusan tīnī darā bhaūrō khakhrā. Ād hō khēran ānyā “endr kādae iyār?” Khēr ānyā “sasarār kādan iyār gucā nihō kādae hole.” Tīnī darā bhaūrō ānyā “kālāgā beddan iyār pahē endrnū kā'on.” “Barā iyār eṅghai khebdānū kōrā.” Khane tīnī darā bhaūrō hō khēr gahi khebdānū kōrcā. Antile kālā helrā, kānum kānum oṅd gusan cic darā amm khakhrā, khane ānyā “endr kādae iyār khēr?” Khēr ānyā “sasarār kādan iyār gucā kāloe.” “Anā iyār kālāgā beddan pahē endrnū kālon?” Khane khēr ānyā “barā iyār eṅghai khebdānū kōrā eṅghai sasarār nū bēs bēs onā mōkhāgē khakhro'o.” Amm darā cic hō khēr gahi khebdānū kōrcā. Anti khēr kālā helrā, kānum kānum oṅtā bēlas gahi paddānū ārsyā darā oṅtā kōhale simbāli man gahi argā nū ukyā kī ba'a helrā, “kokrōe oēe, belas khaddātīm ci'idas kā eṅg gane arbā nakhardas?” bā'i, idin bēlas menjas kī taṅghai sipāhirin ānyas “kālā, hu khēran dhara'ar kī gullē gahi dilāṅginū sajar ci'a, latpatrā'ar khēāneka'a.” Khane sipāhir kērār kī dharcār kī ondrār darā gullē gahi dilāṅginū sajar cicār. Khane khēr tīnī darā bhaūrō guṭṭhin ānyā, “urkhā iyār onā mōkhāgē idigem gā ondrkan. Khōb mōkhā onā sē.” Bhaūrō tīnī dumbā guṭṭhi urkhā kī urmī gullen mokhā cicā darā ādhā gullē dhekkā manjā kerā. Pairī birī bēlas ānyas “ērāto harō, khēr latpatrā kī keccā kā argī.” Antile ērnargā khēr ujjā darā gullēgā dilāṅginū malkī, arā jok jok ra'acā ād hō dhekkā manjā kerā. Antile bēlasin tiṅgyār “khērgā ujjā darā gullēgā dilāṅginū malkī, jok ra'i ād dhekkā lekhā manjā.” Antile bēlas nannā ullā ānyā “bhāis kōrnā gōesālī sajar ci'a; bhāis guṭṭhi bhar mākhānū tirkhō kī piṭō ci'o.” Khane sipāhir bhāis gahi gōesālīnū sajar cicār. Khane khēr ānyā “urkhā iyār lakrā onā mōkhāgē enne gem gā niṅgan ondrkan.” Khane lakrā urkhā darā urmī bhāisan piṭyā darā adi gahi khēson cippyā. Pairī birī bēlas ānyas “ērāto khēr keccā kā malā.” Khane ērnargā urmī bhāis kickī ra'i. Antile ānyas “innā ērā gōesālīnū sajar ci'a ērā tirkhar kī piṭā'anneka'a.” Khane ērā erpānū sajar cicār. Khane khēr cigālon ānyā, “urkhā iyār onā mōkhāgē ennegem gā ondrkan.” Khane cigālō urkhā kī urmī ērān dharcā dharcā piṭyā darā urmī khēsan cipyā. Pairī birī bēlas ānyas “ērāto khēr keccā kā malā.” Anti ērnargā urmī ērā kickī ra'i, bāckan khēr ujnām ra'i. Khane bēlas ānyas “mesgānū khuta'ar kī jurtār ci'a.” Khane mesgānū



khutcar ki jurtacar cicar. Khane khēr anyā “urkhā iyār cic onā mōkhāgē, ennegem gā ondrkan.” Khane cic urkhā darā erpānū lagyā anti erpan bassyā. Khane khēr uḥyārā ki simbālē man mēyā ukyā darā anyā “belas engane arbānakhardas kā lardas kā taṅgdān ci'idas?” Khane belas āndas “ambr ciā khēr enḡdan ciom.” Khane barcas darā taṅghai khebdantā amman othras, khane cic tēbrā kērā. Antile bēlas onṭā maṅdbā patāl khūtā nanjas ki taṅgdān biṅjyas cicas. Khane khēras bēl kuko'en ondras ki ā timbū paccō guyā barcas. Antile paccō iryā ki khusmārā helrā ki anyā “enḡdas khēras gā kanyā biddyas” bācā. Antile ār ā paccō gahi erpānū ra'a helrar.

24. BĀRIYĀ KUKOS GAHI ĀLĪ.

Onṭā bāriyas gahi onṭā taṅgdas ra'acas. Āsin tambas beṅjā bidyas khane taṅgdas anyas “nē engan co'obirī hō okkōbirī hō lauā ci'ō adinim ēn beṅjro'on, nē malā lauā ci'ō adin ēn malā beṅjro'on” bācas; antile tambas eksan eksan taṅghai arbā parbar ra'acar aiyā hāl taiyas; khane hāl mennar ki nēhō ci'a malā beddnar, nīkim ci'a hō beddnar, onṭā ālī ad āsinti kōrhe akhū rāacā adi gusan hāl kērā khane ād anyā “ēn ās gusan kālon” bācā; khane cādē cādē samā jorā nanjar ki adin ās gane biṅjyar ciccar, khane ās barāt tartī kiryas ki okkā bidyas ā birim lauāgē jūtan othras, khane ād bācā “ra'a khōkhā gā lauōim pahē onṭā katthā menā, niṅghai arjāckā maṅḍī ōnon aulā laukē, akkugā paccō paogir gahin onālagdan.” Khane ās pairim cōcas ki addōnū ālō gutṭhin lādoas darā nalakh nanāgē kālā helras. Kānum, Kānum onṭā bēlas gahi rāji nū ārsyas khane endran ērdas khaikā khārnū dōngā kālī barī; adin iryas ki ajgut manā helras ki katyas ki kēras; endran ērdas onṭā bhetāgō khoppā darā adi gahi khanjkā bhetāgō ond bita'a darā adi gahi goṭā sauā hāth ra'i, idin hō iryas ki ajgut manjas darā kēras; ēkā paddā nū ā rājintā bēlas ra'acas aiyām taṅghai addōn khutcas khane ā paddantā bēlas taṅghai sipāhirin paddā gahi caugurdā ērāgē taiyas “ēra to namhai paddā nū ēka'am tartī nikim barcar ki dērā nanjkar ra'anar kā malā;” khane sipāhir ērāgē kērar; khane endran ērnar, onṭā ālas gahi dhēr ladnī addō darā ās gahi muddi guthyar ra'anar ās gahi onṭā ghōrō ra'i ās sōnā rūpātrū jhabrāckā ra'i; ār kērar ki bēlasin tiṅgyar cicar khane bēlas anyas, “kalā āsin ērāgē pāhī ci'a” bācas; khane sipāhir kērar ki ā bāryāsin anyar



“bēlas guiyā innā oṅṭā tamāsā manō bēlas ormārin pāhi cicas eṅghai rājinū jetkā ālar, tamāsā ērāgē barnarneka’ā ; nē malā ērā bednar ār akkunim eṅghai rājintī urkhnarneka’ā ” ba’ās, khāne ā bāryās ānyas “ bēs ēnhō kal’on ; bēlas māyātī ēddas khane endrnā malā kalon ” bācas ; antile mākhā birī tamāsā nanāgē ōr nanjas khane ālar khōb baggē khondrar darā tamāsā manjā ; ā khōkhānū ormar gorgorā bēlas gane ukyar, khane bēlas ā bāryāsīn ānā helras : “ ē bhāi ēngā ekā tarā hō rājī malā kuddkan ra’adan, āṅgē ēn nannā rājin baldan adi gahi cālan hō baldan endr endr alō ra’ī adin hō baldan ningā bisukhīndu ālay ningā urmī rājin aiyāntā nēgeār darā urmī alō gutthin akhdae adin teṅgā,” khane ās ānyas “ ēnhō baldan pahē niṅghai rājinum barekan khane eṅṭotaṅg ajgut katthan irkan,” khane bēlas ānyas “endran irkae” khane bāryās ānyas “ oṅṭā khārnū khaikā calkurnū ḍongā ēknā irkan ; hīrī barekan khane irkan oṅṭā khānjkā bhetāgō ond bittā arā adi gahi goṭā sauā hāth gahi ra’acā adin irkan kī ajgut manjkan ” ; khane bēlas ānā helras “ ērato īs gahi katthan nīkim patto’ō khaikā calkurnū ḍongā gahi kānan arā ond bittā bhetāgō gahi sauā hāth goṭān nē patto’ō.” Khane ormar ānā helrar “ īs pūrus taldas khaikā calkurnū ekāsē ḍongā ēkō, ond bittā bhētāgō gahi goṭā ekāsē sauā hāth manō ” ba’āhelrar. Antile bēlas āsīn ānyas “ ibrā katthan eṅgan ēdo’e hole ēn eṅghai urmī rājin darā eṅghai erpānū endrim alō ra’ī arā eṅgdā bagārin ēn eṅgan hō niṅgāgē bison eion, makhle polkoe ēda’ā hole ēn niṅghai aḍḍon niṅghai jōkhārin darā urmī niṅklai ālon ekdā aḍḍōnū barekī ra’ī niṅgan darā niṅghai ghōṇon urmī khakhon ” bācas kī hārā jitā manjnakhrrar, antile ērā kalā helrar. Mund bhetāgō gusan kērar khane endran ērnar bhetāgō khānjkā gā ra’ī pahē sauā hāth gahi goṭā mallā, khane bāryās iryas kī marḥhiyas kēras anti, ār ba’ānar “ akkugā isan polkae ēda’ā akku gucā khārnū eksan khaikā calkurnū ḍongā ik’ī adin eman ēda’ā ” anti khār gusan kērar, khanegā ērnar khār niṅdkā rāī amm sōysōyri’ī ḍongā kālī bar’ī, khane ā bāryās hārcas kēras ; khane bēlas kiryas kī ās gahi urmī oījan darā āsīn darā ās gahi ghōṇon darā ālon hō taṅguyā ocas darā ā bāryāsīn kulhū pikhta’ā lagyas. Khane ās erpā malam kirdas khane ā bāryās gahi taṅgkhai taṅghai jiyā nū ānyā, īsīn nīkim ṭhāccas āṅgem malā bardas, bāckī ād hō oṅṭā ghōrōnū argyā kī taṅghai ālāsīn beddāgē kērā, khane dabrenū irya oṅṭā khār nū khaikā calkurnū ḍongā kālī barī, khane ād ḍongan dharcā kī ānyā “ eṅghai barnā guṭī ennem ra’oe kā malā ” khane ḍongā ānyā “ ennem ra’on,” khane ād ānyā “ ennem



malā ra'oe hole ēn bar'on ki tōngātī palkon darā cienū basson" bāca kihāri kērā ki ir'i ontā ond bittā gahi bhetāgō nū sauā hāth gahi gotā pañjkā. Khane ā bhetāgon ānyā "ēnghai kirnā guñennem ra'oe kā malā," khane ād ānyā "ennem ra'on." Bāryās gahi āli ānyā "ennem malā ra'oe hole kirron ki niṅgan kaṅkur ra'a caḍ'on" bācā darā kērā darā eksan taṅghai ālas dērā nanjkas ra'acas asanim dērā nanjā. Khane ā rājintā bēlas adim hō tamāsā ērāgē pāhi nanjas khane ād hō tamāsā ērāgē kērā; ormar tamāsā ērāgē khondrar darā goṅgor'a ukkyār, khane bēlas ā bāryās gahi ālin ānyas "ānā bhāi niṅgā rāji rāji kuddae āugē urmī rājintā anthan ākhdae darā ērdae ēngau hō teṅgā" khane ād bācā "ēn hō baggē rāji malā kuddkan ra'adan, pahē niṅghai rājinū barckan, khane khaikā calkurnū doṅgā ēk'i darā ond bittā gahi bhetāgō adi gahi gotā sauā hāth irkan darā ajgut manjkan" khane bēlas ānyas "ērāto harō is gahi katthan nīk'im patto'or?" khane ormar ba'a helrar isgā pūrū ālar lekha kacnakhardas." Antile bēlas ānyas "ibrā katthan ēngan ēdar oi'ā hole ēn ēnghai rājin darā urmī khurjin niṅgāgē oi'on" bācas khane hārā jītā manjar ki bhetāgon darā doṅgan ērāgē kalā helrar; bhetāgō gusan kērar ki ērnargā ond bittā gahi bhetāgo darā sauā hāth gahi gotā; antile bēlas hārcas; khār gusan kērar darā asan hō ērnargā khaikā calkurnū doṅgā kāli bar'i; antile bēlas hārcas kēras; anti ā bāryās gahi kha'i kiryā ki bēlas gahi ērpānū kōrcā darā taṅghai urmī cījan othrā darā taṅghai jōkhārin aḍḍōnū ladtācā darā ērin othrā arā kiryā ki taṅghai ālāsin kulhū pīkhānā ērpantī heres'ānā natigyā ki othrā darā ormārin ondrā'ā helrā; antile daharē nū ukkyār khane bāryās taṅg khain lauā bidyas, baackan ād ānyā "niṅghai arjāckā maṅdin onon hole gā lau'oe, gachrkat be'edat, akkugā urmī ālō niṅghai ra'acā, ēnghai dim manjki rā'i, nin ekāse lauoe?" khane ās malā laucas darā irbarim conhā tule ra'a helrar ki ujjan khēpālagyar.

25. IRB KHADDAR GAHI KHĪRĪ.

Irb tūar khaddar bhaiyā bahin ra'acar. Taṅg da'i ekestim aurkā ond khess beddar ki ondrā'alagyā. Adin taṅgdis khā'edō biri khāpālagyas. Undul irbarim khēs kha'ednā gusan ra'acar, aulā khākhā gutthi kīndā panjkan ondrā darā ar gahi khess ārtācka gusan ṭiddā ciccā. Taṅgdi



iryas darā endr ālō bācas kī pettas. Anti khatrnakhrā mokkhar khane daule embā lagyā. Antle khākhan menā helrar. “Katai dūrē rē kauā kind pakelā, kauā kind pakelā,” khane khākhā bā’i, “satō tungri pār baini kind pakelā, baini kind pakelā.” Enne ba’anum pārnum eō goṭā tuṅgri kaṭtnar āō pārnum kānar. Antle satō tuṅgrin kaṭṭyar kī ṛnar gā kharā kōrhē panjkā dim ra’i. Irbārim argyar darā kūl ūruoningā’ā mokkar. Antle taṅgdisgē ammōnkā lagyā, khane taṅg dayan ānyas, “amm ōnkā laggi dai.” Ād satte goṭā aurkan cōkkhā darā caugurḍi lebdāca darā taṅgdisin oṅṭā dhodhrōnū nuddā kī ekātarā amm kharkhyā attram kērā. Ā khōkhānū sāt sai bandrā kindā mōkhā barcā. Abra urmī argyā kī mōkhā helrā; oṅṭā jok kārā ra’acā ād pollā argā, ād āsin iryā darā abrā baṅdran ānī “ci’ā se harō ēn oṅṭā jātilō oṅṭā āl khadd irkan ra’adan.” Abṛā ānyā “endr jātilō kāṛā,” urmī oṅṭā oṅṭā tiḍḍā. Ād pētṭā mokkhā darā ā kukkosin ēdā ciōā. Urmī bandrā jummrā āsin carriyā mokkhā, captan asānum ambyā kī kērā. Ā captan ort jūgyas occas darā ēktārā aḍcas darā kuddā kuddā tembā helras. Ās gahi taṅgdai amm ondrā kirkī ra’acā ayam bēlas gahi ālar emālagyar. Ād asan bīṛī lekhā ethra’ā helrā. Ār adin bācar, “gucae niṅgan bēlas ēḍā lagdas,” ād ānyā, “bēgar punā kieri darā bēgar sindrinū ekāse kā’on.” Khane kieri darā isuṅ sindri ondrar. Antle ānyā “bēgar ḍūli jahāj nū ekāse kā’on,” khāne ḍūli, jahāj, ciṛō laḥṭi endran endran ānyā, urmin ondrar. Khane bēlas gusan kērā kī ra’ā helrā. Jūgyas tembnum tembnum ā bēlas gahi mahal kēras darā balinū ukkyas kī assā pārā helras. “Ṭimkī ṭikir timkī ṭikir, pānī āne gele, didi rājā rānī bhelē, sāto sai bandrā didi, ciṛ khālai didi phār khālai.” Ā kukkos gahi taṅgdai ā mahalnū ra’acā ād urkhā darā ās gahi assnā pārnum menjā darā ṭhaukam yād nanjā, arā bujhur bujhur cikhā helrā. Antle ā kendran ās gustī khindyā kī patkācā, khane ayan tim jhakmakrā taṅgdis urkhas; ād āsin cikhā ṭātā helrā, cikhā taṅgdis gahi katthan bēlas guyan tiṅgyā darā ās hō teṅgā helras. Bēlas mayā manjas darā āsgē rājīnū pēskā ciccas.

26. BĪRBAL.

Birbal nāme ort ālas ra’acas. Ās gahi enne bān ra’acā, ekā biri ās alkhdas khane cēp possālagyā; ond cān ās iklam hō malā alkhdas āttī cēp hō

malā possā. Āsin alkhta'āgē bēlas rakam rakam gahi tamāsā nantācas annuhō malā alkhyas. Khōkhānū bēlas āsin tanghai belkhanti othras cīcas. Kānum kānum ond addā oṅṭā maṭhnū dērā nanjas darā ond kōrānū cūtkas ra'acas. Uruṅ manjā khane ort kusāri bisus pēthenti kīrrālagyas. Ās hō oṅṭā kōrānū cūtyas, uruṅ manjā khane irb andhrā andhri tembnr m tembnnum barcar darā ā maṭhnum ond kōrānū ra'acar. Khōkhānū ort ālas tanghai gadhan beddnum beddnum barcas, ās hō oṅṭā kōrānū ra'acas. Ā maṭhnū cāriyō kōrānū oār rakam ālar ra'anar; adin tām nēhō balnar, ormar bujhrnar ēnim thaūkā ra'adan. Adhā idhī mākhā bīri andhras tanghai paccen gottha'ā nandas darā alkhdas. Abirim paccō ānyā “akkun ekāse laggī paegī,” as bācas “ē paccō akkungā tinō tirlōk ēṭthri'i.” Elnē bācas ā ganem gadhā biddus ejras darā ānyas, “tinō tirlōk ēṭthri'i hole ērāto enghai gadhā ekā tarā ra'i?” Idin menjā kī paccō bācā, “cō'ā paegī, cō'ā paegī natgā, natgā,” ā ganem kusāri bisus ejras darā bācas, “khabardār ra'ā, enghai kusārin nēhō ambkē natgā urmi ganaokā ra'i.” Ibrā urmi katthan Bīrbal menā lagyas darā ā ganem alkhyas, khane ajgut possā darā bijjyā; khane ērnargā kōrā kōrā nū ālar ra'anar ormar tanga'ā katthan teṅgā helrar ekāse ekāse nū isan barckam. Bīrbal hō tanghai tiogyas “mal alkhnāgē enghan bēlas othras cīcas darā alkhta'āgē rakam rakam gahi tamāsā hō nantācas pahē mal alkkan; pahē innā nim enghan alkhtāckar.” Antle ormar tanga'ā tanga'ā dahrēnū kērar.

27. OṅṬA LAKRĀ DARĀ TĒṬĒNGĀ.

Ort urbas gahi kharā baggē guṇḍi addō ra'acā. Khāpāgē ort kukkosin jōkh uikas ra'acas. Ā kukkos ullā ullā tōraṅ tarā menta'ā ho'ālagyas. Aune annem oṅṭā sikrā khadd biddkas ra'acas. Idin pōs'on bācas kī erpā occas darā addō khāpnā tarti sagarkhane ādigē carā beddā beddā ondrdas. Undul oṅṭā tēṭēngan bajhābācas darā piṭā biddyas, ā ganem tēṭēngā bācā “enghan amba'ā, ēn niṅusan jōkh ra'on.” Ās bācas “nin endr nalakh nanā oṅgōe?” Tēṭēngā bācā “ninghai gāy addōn khāpon.” Khane ās malā pītyas. Nannā ullā oṅghon tōraṅ tarā occas darā oṅṭā khoppānū kaprkas ra'acas, khane ērā helras tēṭēngā gāy addōn ekāse khāpō. Tēṭēngā oṅṭā sakhuā mannū argyā kī attrā ittrā ērā kuddi; gāy addōgā menā lakki ra'i. Ā ganem oṅṭā lakrā barcā darā addō guṭṭhin dhara'āgē habrāckī kuddi. Tēṭēngā



lakran iryā darā ānā helrā, “ēnghai addon endrgē elktā’ādae hō mutā, akkun kērkān hole kukkon khottōn.” Lakrā menjā darā attrā ittrā erā kuddi darā bā’i “nē hō mal ethernar darā nē ēngan mikhī.” Anne annenum oūghon ṭhaukam iryā, tēteṅgā mann māiyā ra’i “adim ēngan mikhī idin elcōn” bācā ki oūghon harbrār’ā helrā. Tēteṅga bācā “ēndr hō mutā ānkan malā mendae? akkun ittkan hole pitā khaccōn.” Lakrā ānyā “barā tō ettā, ēnghai oṅṭā pall gē hō malā khakkhro’oe.” Tēteṅgā gārkhā guṭī ittyā darā ijjā. Lakrā “elektō’on” bācā ki angalkī ra’i. Āganem tēteṅgā lakrā gahi ba’inum dēgōā. Lakrā “cābo’on” bācā pahē cābā’ā hō pollā. Tēteṅgā kūl tarā boṅg kōrōā darā pottā guṭṭhin parmā helrā. Lakrā ufrārā’ā helrā kī bai mūiyan nīrgirki kuddā helrā. Idin iryas kī ā kukkos ajgut alkhā helras. Lakrā āsin iryā darā ānyā, “ēngan bachābā’ā bha’i niṅghai jōkhāsin manābā’ā, endrā beddoe ādinim niṅgā ci’ōn.” Pisā ā kukkos bācas “anglā’ā,” ād anglā, khane tēteṅgā bai tartī boṅgkī urkhā darā manṅū argyā. Aulantim lakrā ullā ullā oṅṭā oṅṭā māc pitā pitā undrī ci’ī. Antī ānyā “tēteṅgā gahi katthan nē gusan hō ambkē teṅgā, makhlē lajjābāor kī ālar bā’or sannī kunā tēteṅgā kōhā lakran ekāse pitā oṅgā. Iklā nīk’im gusan teṅgoe aulam niṅgan piṭōn kī mōkhon ēn sagarkhane sarkha’ā kālon.” Antle annem nanālagyā. Ālar māc guṭṭhin hō erā erā ajgut manā helrar. Īs ekestī innelā ennē māc piṭdas. Ās lakrā gahi piṭnā ci’īnān malā teṅgdas, backan āndas “khāpnā tarā beddā beddā īnim piṭdan.” Undul erpānū tēteṅgā darā lakran bujhur bujhur ajgut alkhā helras. Khane ālar ānnar “īahrāmōkhū endrnā alkhdas?” Ās āndas, “nīmhai katthā guṭṭhinum menā menā alkhdan.” Dhēr gahrī honnem alkhnum ra’as. Khane bācar “teṅgā se hō, endranā bīrīmtim ijga’ā alkhdae?” Pisā ās ānyas “ēnghai alkhnan teṅgon hole innam ēnghai jīyā kālō;” ār bācar “nē niṅgan endr nanō, kā endrā mōkhō, teṅgā niṅgan gā em kul ūlā nūrūkam ra’om.” Khane ās tiṅgyas; “oṅṭā tēteṅgā oṅṭā lakran piṭā lagyā, adinum alkhdan.” Ār ānyar “idīgēm mal teṅgdae?” Ās bācas “teṅgoe hole piṭon kī mōkhon bā’i lakrā āṅgē malā teṅgālakkan.” Ār bācar “niṅgan majhī nū innā kīd’ōn darā balin ūd’om darā adhā jōhom, ekāse lakrā isan barō.” Lakrā gā ullā ullā collā tarā sarkha’ā kālā lagyā, tiṅgyas aulā ṭhaukam menjā darā kadrārā. Ālar āsin majhī nū khatī nū kīdar tiṅnā debbā kiyā hō oūtyar. Adhā mākhā bīrī ormar khandrar khane lakrā bareā darā alghē ormārin kūṭī nanjā kī khatī bārī cōdā kī oṭhrā darā kummyā kī boṅgā kerā, jōk geochā occā khane ond addā thaukam ejras. Ās akkhas kī elcā helras,



khōkhānū jīyan dhīth nanjas darā jīyā jīyā ānā helras, “mōkhō tā mōkhō tanī tamku to san’ōn kī mōkhon.” Ā ganem lakrā bācā, “akkū eksan bongoe, ambkē tengā bāckan khane tingkae.” Ā bīrim cunnā othro’ō bīri cunautī kharkhlyā, khane lakrā ānyā, “akkūn mōkhōn ba’adan khane endran kharkhdae?” ās bācas “endran kharkho’on aulantā tetengā dim janu ra’i.” Lakrā ajgut ilcyā darā okkrā kī ānyā, “ra’ā bhai akkun ambkē othra’ā, ambkē othra’ā, engan jok gecchā bongā ci’ā.” Khane ās astlem epā kiryas, ormārin tiāgyas kī ekāsēnū bachrkan khane ormar ājgut manā helrar.

28. CIGĀLŌ.

End thaur cigālō ra’aca, mukkā cigālō tanghai ālasin ānyā, “anā pacgī akkugā kōrem bedddat mōkhdat, khaddar manor hole ekāse pōs’ōt, kalā mahtos gusan bēs kunā ghātī ra’anā khallan gachrkē. Ā cigālō kērā darā mahtosin ollagyā darā ānyā, “gōr laggī dādā.” Mahtos ānyas “bhaiyā kōrem ra’akē, innāgā endr barekae, sannis gahi epā tarā kōrem ra’anar?” Cigālō ānyā, “dādā jīyā badegā kōrem ra’adam pahē ning bāynālī gahi ullā ārskī ra’i āūgē ānyā khaddar manor hole ekāse pos’ōt igē dādas gusan kalā jōk’em gadđī ābō khallan gachra’ā āūgē gā barekan.” Mahtos ānyas “bhaiyā tgalī ēkā khallan ci’on, ra’ā ningri bagar gane bujurnakhrā ci’ā, kalā nēl benjā gutī barkē.” Cigālō aulā kirryā. Mund ullā cigālō bareā darā mahtosin ānyā “okho dādā khaddar ciāgē bācar?” Ās ānyas “anā kō mōdharkan choṭkā nēlā barke.” Nannā ullā mahtos naib kōhā kōhā allāgutthīn ocas, abrā gahi nāme Caūrā, Bhaūrā, Tilkā darā Lodhā ra’acā. Abran kieri tī jhaprā cicas. Cigālō oñghon bareā darā gecchantī menā helrā. “Khaddar darā nāsgō āulantā kattihā gahin endr bācar dādā?” “Hiri barā kō innā menjkan ra’adan;” cigālō hedde bareā darā ukkyā ā ganem “dēkh re, Caūrā, Bhaūrā, Tilkā, Lodhā” bācas kī kicrin calkhas ciccas, abrā allā khēda’ā helrā. Cigālō umlā erkāhā pitā chernum bongā helrā, bachrā kī mandānū kōrcā. Khanegā cigālō ānyā, “endr manjā hō? endr manjā hō!” Mēt cigālō ānyā “ningyō gahi pōṭṭā, id engan khal gachra’ā tai’i, enghai jīyā ka’alagyā, khallan ne’ēdan khanegā allan ondras kī lilyācas.” Ad ānyā “ehō pacgī ennem nē akha’ā kērā, ekāsēm jīyā bachrā ambā kalā, ekāsēm pos’ōt.”



29. IRB BHAIYĀ BAHIN.

Ort bēlas gahi satte jēn bīrīr ra'acar, ār gahi majhinū nēkāge hō khaddar malā ra'acar. Khōkhānū sannigē osrā khaddar manjar, eklā nibbyā aulam abrā bīrīr khaddarin kumb'hār gaddī nū hibryar darā khatinū oṅṭā lūrḥin darā calkin kīdkar ra'anar. Antle bēlasin tiṅgyar "idīgā khadd calki darā lūrḥī ra'i." Ās khisāras darā sannī bīrīn mal bēs nanā helras. Abrā khaddarin ort kumb'hāras ara paccō taṅgkhai ra'acar ār occar darā posa'a helrar ; jōk pardyar khane kumbhras ā kukkosgē kaṅk gahi ghōron darā kukkō khadd gē kaṅk gahi oṅṭā khindyas kī cīcas. Bēl mukkar pokhārī ema'a kālagyar khane abrā khaddar hō bēcnum bēcnum pokhārī taram kālagyar, kukkos āndas "Enghai ghōrō amm onae," kukoe ānī "enghai kērketā khaddā amm onae." Bēl mukkar ānnar "endr kaṅk ghōrō amm onō kā, kērketā khaddā amm onō?" Ār ānyar "endr ālar lūrḥī kā calki khadd pākhar?" Abrā mukkar bujhrar "īrgā mānim abrā khaddarin talnar, bēlas akh'os gā naman piṭos." Ātūge ār ormar ārin piṭagē amm mandin ambyar cīccar darā bēlasin ānyar "abrā khaddar gahi khēsō khappom hole kōṛē manom." Bēlas cādem piṭācas darā khēsō oi'itācas. Ā kumbhras ār gahi mēdan pokhārī pindī nū mandyas khane ayātīm oṅṭā laraṅg urkhā darā daule pardyā. Bēl mukkar mejhra'agē sibā khārar darā tōkkhā kērar, khanegā astelem oṅṭā ḍaṅḍī mendrā, "Bainī gē bainī muddai māgē phūl, lahas caṅhbē bainī kēōrā phūl, bainī kēōrā phūl." Ār ārsam polnar. Khōkhānū bēlas barcas darā emcas kī lēṭher ukyas, khane gā oṅghon ī ḍaṅḍī mendrā, "Bainī gē bainī babā māgē phūl lahas utār bainī kēōrā phūl, bainī kēōrā phūl." Enne ba'anum ār ittyar darā ās tambas gahi tinā darā ād debbā khōsgā nū ujnā manjar kī ukyar. Bēlas bujhras ibrā engdā bāgārim talnar, cīkhā helras. Anti abrā mukkarin ormārin piṭācas.

30. UNKHŪ ĀLAS.

Ort kuṛukhas ra'acas, ullā ullā unkhālagyas. Oṅṭā ālas gē satte khaddar ra'acar. Ormārim biṅjyas. Kōhā khedō gahi khēkkhānū baugī ra'acā, adi gahi manjkātī mōkhā onnā arjācar. Pacgis ullā ullā jhārā onā



tikhil gahi arkhī onā lagyas, mandī onā pollalagyas; khane onā bambhnas baroas, tunkī nū dēvtan dharcas kī tembā lagyas, khane paegis bācas “ēngdā ēngāgē amm maṇḍī malā irtī” idin menjas kī bācas, “nīn niūghai kōhā khedon othra’ar ci’ā, ād bisahī rāi,” khane ormā khaddarin oktācas darā tīngyas. Khane ār bācar “othra’ā ci’ā.” Anti kōhas ānyās “ēōdā ho’āgē ungdī āudā khess tikhil ho’āe.” Ād ond baugī dhibā bākya maīyā ārkō ābdā tikhil sajjā darā ād erpanti urkhā, kōhas dahrē ēd’ā kā ārstā naihar kalā helras; khane kānum kānum, dhēr’im gecchā kērar, chindra’ā polnā tī ukyar, khane ad pēn ērā helrā, khōkhānū ād kūgā helrā, anti ās gahi tōlongan kajyā kī cūtyā, khane ās jurōntā kantō tī adin mūcyas kī astile guchras darā erpā baroas. Khōkhānū ād ejrā darā ērā ērā oikhī. Anti oikhnum ulukhnum nantarā kalā helrā, annum bīrī puttyā; khane pattrā heddē onā kōhā mannan iryā kī asan cūtāgē kērā; ā mann nū oīrā khākhā oūtālagyā. Ādhā mākhā manjā khane oīrā ejrā kī tēngernakra’ā helrā “ekā tarā beddā mōkhā cōrō kērkār?” Khane khākhā ānyā “uttar rāji nū onā paddā rāi aiya onā bēlas ra’as, ās gahi khēbdā khurpī, aiya poegō pucyā ād urkhī udin pet pet mōkham” anti oīrā ānyā “ekāse kōpē manō ās gahi khādi?” Khākhā bācā “nīd’im namhai pikan hō’or kī ās gahi khēbdānū saj’or hole ās gahi khēbdā kōrē manō.” Idin ā āli menjā darā cōcā kī ond sōrā guhārin bākya darā sōrā nū tīpōā darā baugī nū uiyā; bīrī argyā khane ā paddā tarā kalā helrā; kānum kānum ārsyā eksan pōkhārī ra’acā asan kōg’bar sannir emālagyar ār tām tām kacnakhrā lagyar, bēlas innā khē’os kā ujjos; idin menjā kī ād bācā “endr katthan kacnakhrdar,” khane ār tīngyar, adin bācar “ān paccō, endr nalakh nandī baugīnū endrā ra’i?” Ād bācā “biccī mandar,” khane ār bācar “paccō mandar akhdi, guca’ā ēng bēlāsīn ērā” khane ād kērā darā bēlāsīn iryā poegon otthra kī, ā guhārin kassār kī khēbdānū tapa’ā nanjā, khane urmī khorop khēs khaiyā; ond bīrīnū ās cōcas kī maṇḍī mokhas ondas; ā paccōn “baid āyang” bācas darā erpā ciccās, ād ra’ā helrā. Urmī ālon ās ci’ā helras.

Āgalim tang sasrus kīrā manjas darā lēttē maṇḍī arkhā cēkhel hō malā khakhra’ā helrā, khane khakhdārkas mōkhā onā helras. Urmī munjā khane kank bisā ā paddā sato bha’ir saṅge ho’ar kalā lagyar, onā dhibā, dhibā eṇṇ trū bisālagyar. Undulnum enne manjā kōhas adi gahi cālinū ondras ā bīrī ād cūhoā, ās gahi kankan khindyā darā menjā, “anā paegi kohondā mōkhoe, “ci’āyang” bācas ād kohondā gahi dhīdhrā gahi kiyā mūcyā kī onā



mōhar sajjā, ultā darā ciccā. Ās oecas kī kālagyas khane ort baniyas menjas “ēō dhibā kohondā gahi?” “Mund dhibā gahi bācas,” khane ās ciccās, taṅghai erpā kēras, nannā ullā oṅghon kank ondras, khane ād bācā, “anā hō niṅghai āli ra’i?” Ās bācas “nīn malā kadrāroe hole ēn teṅgon.” Ād bācā “teṅgā mudhū.” Ās bācas “nīnim gā taldī” ā birim isuṅg darā bālkā darā kicri darā amm othrā kī khajyā. Anti emtācar darā mandī ciccā. Bēlas gusan hāl taiyā, “eṅghai ālas barcas,” khane bēlas monjrā manāgē barcas. Urmī kōrē gaṅdan menjas kī āsin bācas, “nīm āyaṅ baṅg taldar, em khaddam, emhai nanjkan onā ra’akē.” Anti ās taṅgyon bhairiu tambāsin hō ondras darā adi gahi baugī ti kōrem ujjyar ukkyar.

31. TURĀ KHADDAR DARĀ TAṅGRĪ.

Pāce jen turā khaddar ra’acar, ort kukoe ra’acā, abrār khāl ukhri gahi tihānim ballāgyar. Ār sendrā kālā kālā ahrā mōkhālagyar darā endrādīm manō annū hō ondīm tihā malā lagyā. Undul ād bācā, “dādā bagārō eṅgāgē ādhē pauā ci’ā, hudim nīm khata’ar mōkhā” anti ār annem nanjar darā undul enne manjā sannis luku’i luru’i pūpan menjhras kī erpā bardas. Khane ormar bācar “ambā ho’ā majyā ēri hole nam gane bara’ā beddō.”

Pahē ās malā ambyas, ondras khane īryā darā ānā helrā, “idi gahi man eksan ra’i?” Ās bācas “eksan ōrā khākhā malā kā’i darā ālar malā kānar asan.” Khane ād bācā “ēn hō asan kālon” darā nannā ullā pairim cōcar khane ād hō tussā bekkhā lagyā. Annun kōg’har sarābācar kī mund bhāre kērar darā ās adi gahi kirta’ānānū tiryas kēras darā kānum kānum enne khadyar ekati ād taṅghai pafran darā balan darā muddī bichiyā hasli pūn darā khebdantā bickani darā mūi gahi bulāki darā kaprentā paṭbasī ho’āgē pullī, khane taṅgris ceḍdas darā okoe ṭoraṅnū bīri putyā. Kōg’har malā khakhrar khane ṭoraṅg kandā arkhyas darā irbārim adinum mōkhālagyar; khōkhānū ās ārin beddāgē urkhas darā ekā ekā geechā kēras.

Aulam saītnū oṅtā bēlas ā ḍahre num bejras kī kīrrālagyas khane bācas asan ērā isan hukā outa’ā. Ā bīri attrā ittrā ērālagyar khane ortos bācas, “ahai thu’ithu’ira’ā mojkhā oū’i.” Antle kērar darā ānā helrar “nē ra’adar? Cio ci’ā,” khane ād ci’i. Khane ār nirkhnar tuppā tuppā darā ānnar “khēkkhānū



oi'ae." Khōkhānū khekkhānū cicā. Khane khapmār dharcar darā ād eikhā helrā. Khane ambyar darā ciccan oocar kī kērar darā bēlasin ānyar "ort āli isan ra'i, ād bīrinti kor'hem sug'har eth'ri'i." Khane bēlas tānim kēras darā mundtār lekhā cic nēcas; ād ās gē hō hebrā hebrā ei'i, khane ās hō tēbdas ei'idas darā ās khekkhānū nēcas kī adi gahi khekkhan dharcas darā adin occas khane ād taŋghai kicrin khandā khandā tirirki kērā.

Antlo sannis barcas darā orma' bha'ir darā ānā helras "ond bhayā jarabjurub kandā ūlā maŋkkhae" darā pāce so'iye ānyas, khōkhānū balin tiŋgas kī ērdas urmī ra'i. Pahē āli malkī darā ormar bācar "guoā beddā kālōt" darā urkhar darā jok gecchā kērar khane adi gahi kicri khatrki ra'i, ledrā manjkā khane adi gahin cincā cincā petkas kēras darā ā paddā ārsyas khane ās taŋghai ohayan badlācas kī māk manjas darā gohom khalnū kōrcas, idin iryar kī, bēlas darā paddan tā ālar piŋagē gandās darā ballū darā tarri darā barchā darā urmī piŋnā cījan dharcar kī urkhar darā ād erpā maŋyā argyā darā ānālagyā, "boŋgā dadā;" ās āndas "kiyā khed mūkhyā darā maŋyā marag tŋhecā, eksan boŋgom?" darā khōkhānū piŋyar darā ahran khatrār darā bēlasgē irtāgē oocar; khane ād ānā darā irtā helrā "ho'o babū duro ālar gahi ahran irdan" ā bīri bēlas menjas darā bācas "nīn ender ba'ādī" anti ād tiŋgyā darā bācā "eng dadas māk manjas kī barcas ās gahi khēs ahrā tali," idin menā taprem urmī bitāckā ahrā darā khēs ra'acā adin nēcas darā khupy- as darā kicri jhapos, ā bīrim uŋyas darā taŋgrī gahi dhibā occas kī ra'acās aiyam.

33. RANDĪ PACCŌ GAHI TAŊGDAS.

Ort ranđi paccō ra'acā ād bēlas gahi erpānū pellō ra'acā. Dāli gahi mōe gutthī arā adar gutthīn ho'ār ho'ār mōkhā ōnālagyā. Bīrir gutthīar gē pūp malkō bīri ārgē adin tōkkhā tōkkhā ondor ondor ei'ālagyā. Undul enne manjā bēlasgē sakhin mocā lagyar, khane mukkan bācar "id malā bi'io ambā mocā." Anti paccō iryā darā bācā "innā engāgē mo'e cuni ambē ei'ē pahē idin ei'ē," khane ār ciccar darā khane erpā ondrā kī irtāgē lār cārrā darā malā mocyā darā malā amkhī irtyā; pance ullā manjā khane lajjen khōkhyā kī bācā "engdā bagārō ēn aulā nēc'an darā sakhin kukk ocean pahē tikhil goŋtā malkāti malā mukkin ra'en." Anti manjar kī ār jokendrīn



bakhrā adigē ond ārkō tikhil ciccar. Ād ondrā darā ā sakhin gahi kukkan mocāgē basgā helrā, khane kukk ānalagyā, “ān paccō mendī kā, engā menjh’oe tanī tanī basag’ai”; ād ānyā “nē ba’ānai” bācā ulthi bahrī boṅgkī boṅgkī urkhā; khōkhā kiryā darā basgī, khane annem minī; antilē basagyā dim palkā helrā, khane ād ānā helrā, “ān paccō mendī kā, maj’hinum palak maj’hinum palak” idin menjā kī maj’hinum palkyā darā endran irī, oṅṭā kukō khadd ēkā ēkā sobhdas; khōkhā nū āsin ānā helrā “ēn betrā’on hōlegā ālar engan ānor id eksan khadd bidyā” ba’or kī alkhōr, ennē bācā kī āsin erpā ulthi malā othrā.

Ās erpā ūlā ra’ā ra’ā pairī sannī ra’adas darā kukk cappō bīrī jōkh darā put bīrī paogī mandas darā; ād lasskā khessan khaida’āgē āsin dāngan ci’i darā kā’i darā ēkā ēkā manjā; khane undul cēp poēnā ūllanū adār manjkī ra’acā, adin khāp’āgē ānyā kī kērā; khane khākhā gutthī barcā darā alkhān darā adran hō mokkhā, khane paccō barcā kī keppā, khane ās aulā “ekāse rāji ra’i” ba’cas kī erpanti urkhas kī dahrenū ukkyas kī bāgra’ā lagyas; arā ās gahi cuttī dig’hā ra’acā.

Ās gahi nāmen taṅgyō Sārū kūār pinjyā darā landī luhārī manjā khane bēlas gahi taṅgdā ema’āgē kālagyā, khane āsin īryā darā khatrā darā mundbhāre kālāgē malā biddyā pahē khōkhā tarā kiryā darā erpā kōrcā kī cūtyā darā nārī kacchyā darā mandī amkhī bichrā; bēlas onāgē ukkyas adin beddā helras “kukoe okhō ra’i?” darā bīrī tingyā endrgē ād onā malā biddī. Anti khūb menjar darā rōgen ēr’ār. Anti ād bācā “Sārū kukkosin eng gane beñjor hōlegā mandī ōnon” bācā.

Khōkhānū ā paccōn edarkī adin ānyar “ningdāsin ci’ae,” ād ciccā darā rāe lekkhā beñjā manjā. Ār gar’he ūlam ra’alagyar darā khadd kharrā manjar. A khōkhā khasrā manjas darā ender hō nanā poldas, khane taṅgyō khaddā rin ānī “kāla ning māmus gusan darā ning ājas gusan darā māk abrā ne’ār ondrā’a, hōlegā, irtou ci’on.” Khane ār kērar darā undul bācar” innā hūsin hō sendrā ho’ā darā ās gē oṅṭā liōi ghoṛon ciccar meccā partā argyar darā mund kālā māk gahi mūin darā margan darā orkhan mockas kēras; khōkhantā ālar “ēn piṭkan ēn piṭkan” bācar darā cōdkar kērar; ne’okhrā, khane bācar “amm onkā laggi” darā urmī mākan khondar darā āsin keppar; khane ās urmī mūi margan ēdas. Antle ekā gusan amm onā kānar asānim sansanra’ā khā’i, khane khōkhānū oṅṭā gaḍḍi pokhāri nū kērar, ād hō khaiyā, khane bēlas ānā helras “cī pokhāri amm ēn mankhā ci’on, ēn



merhō darē ci'on." Anti nannas anyas "ēn khēr ci'on," darā ormar bācar. Khōkhānū ās ghōrō argkā bārī ānā helras, khane ās gahi ghōrō gahi khed mulkā helrā darā anti mukā anti karmā anti kūl anti cōkh; enne mannum mannum urmī mulkhiyā khane amm urkhā darā ormā ālar ondar darā erpā kālā helrar; mund bēlas ūsryas khane taṅgdā ānā helrā "okhō baṅg sārūs" darā ormā nātā ālārin menjā, khōkhānū taṅgris tiṅgyas; khane āsin beddāgē kālā helrā darā kānum kānum āsin mulkhkā pokhārī gusan kērā darā ānā helrā "okhō enghai Sārū kūr rā'ādae"? khane āsin nād pokhārī ulṭī urkhā malā ci'i; ād ās gē mōkhā onāgē ci'ālagyā. Anti ās undul bācas urmī mōkhtācā, pahē sannī injō malā mōkhtāchī, khane ās injō beddā helrā. Ā bīrī ād nū ac hitiṅgyās, ās cāre urkhas darā irbārim barcar kī kōrem rā'ā helras.

33. ORT KUKKOS ARĀ LAKRĀ.

Onṭā ālas gahi ort rot'ō taṅgdas ra'acas darā ās kundras ā mākhām lūr uiyur asan barcar, khane tambas menjas, "ī khaddas gahi ekāse ekāse ullā kā'ō." Khane lūruiyur paṅḍit gutthiyar bācar "isgā jok ullā gē iyām barcas, ennegē ekā ullā is gahi beñjā manō aulam lakrā ho'ō." Idin menjas kī tambas darā taṅgyō sendrā kālā malā ciccar darā ṭoraṅg aḍḍānū otkham malā ambyar.

Pardyas, anti beñjā gē kharā baggē ālon khondyar. Naumahlā kamtācas kī barāt occas darā ekā kōr'hē ōhmā gane kēras darā beñjā manjā darā aulam rokkā bidā menjas. Barnātī darā ḍahrenū ās jahāj ūlam bācas, "innā gem anyar lūr akh'ur enḡan lakrā dharo'ō, pahē kōrem urmī manjā kērā darā daule kālagdat;" khane ād bācā "takhlē gā nīn lakrātī kharā elodae hūṭā?" Ās bācas "ēkāse muṭhan trū ād ra'i adin ērā hō argan." Anti ād bācā "ēroe?" Khane ād bālkā asmā khaskā gahi enḡarkā u'ikā ra'acā adin dharcā kī dōlī ūlam kamcā kī ēdā darā ciccā. Ād ā ganem ujnā manjā kī āsin dharcā kī dōlintī urkhā darā āsin occā darā ṭoraṅg kōrō; muntā ānkā lekhā manjā.



34. BABHNAS GAHI KATHĀ.

Onṭā babhnas ra'acas, ās ullā ullā tembā tembā taṅghai kūlan urdālagyas. Undul ās tembāgē onṭā paddānū kā'lagyas. Āsgē dahrenū onṭā ekkā khakhrā, ās bujhras innāgā bēs tembon kī ahrā mōkhon. Annem ba'anum ba'anum ās onṭā khār gusan ārsyas. Khane ā ekkā ānyā, “ana babhnā'oe ī khār gusan engan u'iār ci'a hole khār nū barhī nindō hole ēn arg'on kī kattā'on ci'on.” Khane ā babhnas bujhras, bēsīm bā'i “ēn gā ullā ullā tembāgē bardan,” enne bujhras kī asanim u'iyas ciccās. Pardyā khane undul barhī nind'ā khane ekkān eḍḍas, anti ekkā barcā darā babhnasīn argā kī hō'a helrā; majhā majhinū kērā kī ā babhnasīn ānyā “ana babhna'oe aulāgā mōkhā beddālakkāe innā endr, innā mulkhto'on ci'on.” Babhnas ānyas “ṭhaukam mulkhta'a pahē tanī hū manan menā endr bā'i. Anti mulkhta'āgē bā'ō hole mulkhtoe ci'oe.” Manan menāgē kērar khane man ānyā “mulkha'ar ci'a.” A dahrenū onṭā Sirūpāḍes barālagyas. Anti babhnas bācas “ṭhaukam mulkhtoe gā mulkhtoe, pahē Sirūpāḍesīn menā anti ek'am nanoe.” Sirūpāḍes ā babhnasīn bachāba'agē tihā nanjā. Ekkā menjā “endr Sirūpāḍē ī babhnasīn mulkhto'on, aulā engan mōkhā beddālagyas.” Sirūpāḍē menjas anūhō bēgar menjkā manjas kī ekkā sin ānyas “tānī kūṭī nū ondrā endr ba'adae, kathā mal mendri'i.” Anti ekkā onghon tanik kūṭī nū barcā kī menjā. “Endr ī babhnasīn mulkhto'on, undul engan mōkhā beddālagyas.” Sirūpāḍes ānyas, “tanik kūṭī nū barar kī anā hole mendro'ō.” Ennem Sirūpāḍē ṭhaknum ṭhaknum ekkān kūṭī nū eḍḍas. Anti kūṭī nū barcā khane babhnasīn Sirūpāḍē ānyā “dēgha'a babhna'oe endran ērdae.” Babhnas cāḍem dēghcas ciccās. Anti ekkā Sirūpāḍen dhirāba'a helras darā ānyā “amm onā kāloe hole ēn asan niṅgan dhar'on.” Sirūpāḍē amm onā kērā khane ekkā adi gahi khedḍnim dharcā darā ānyā, “dharckan eksan kāloe?” Sirūpāḍē ānyā “dhara'āgā polkcae; pōroe jaran gā dharackae.” Khane ekkā cāḍe cāḍe khedḍan ambyā darā pōroe jaran dharcā. Anti Sirūpāḍē boṅgā kērā. Antle ekkā bācā “ērke nīn dhēkārī sekra kāloe asan niṅgan dhar'on.” Antle Sirūpāḍē dhēkārī sekra'a kērā, asan ānyā, “hō dinkī ī aḍḍā okkā okkā bā'i pahē innāgā endr hō malā bā'i.” Khane ekkā asan barackī ra'acā, adīm ba'āhelrā, “okkā okkā.” Anti Sirūpāḍē bācā, “ha'i asanim ra'adae.” Sirūpāḍē asti boṅgā. Ekkā ek'am ōr ti Sirūpāḍen pollā dhara'a. Antle endr bahānā nanjā, taṅgdā bagārin ānyā, “kalā babū sirūpāḍesīn



ānkē, gucā ingyō keccā māḍāgē gucā.” Ekkā gahi khadd taṅgyō gahi ānkā lekḥā sirūpādē gusan kērā darā ānyā, “gucā ingyō gā keccā kērā.” Eṅgdā bagārin sikhābāckī ra’acā, “nīm māḍā hō’ō birī kukk tarā dharta’akē hole ēn āsin dhar’on.” Sirūpādē ānyā, “endr māni keccā?” Abr’a ānyā “ha’i māni keccā;” hole gā Sirūpādē barcā kī kukk tarā malā dharcā, pahē taṅgdā bagārinīm dhartācā. Anti māḍā hō’ō birī bācā “mār rē keccā gā khānan andrā’i, idgā minkhī ra’i.” Anti ēkkā menjā kī khānan andrā’a hēlrā. Anti Sirūpādē uiyāgē bācā, uiyā darā kōhāle pakḥuan cōdas darā adi gahi kuknū kacracas. Ekkā keccā darā kērā. Ad adin ekam ṛti dhara’a pollā.

35. IRB BHAIR GAHI KHĪRĪ.

Kānā darā Kujā [irb bhair ra’acar. Kānāsin ērā khāpta’alagyar darā Kujāsin khadd bēstta’alagyar. Erpantā ālar nalakh nanā kānar ā birī Kujāsin ānyar, “bābūs erkhos hole pakra’akē” darā Kānāsin ānyar “nīm ēran māsi khalnū ghāsi ra’i ayam mentā’a hō’okē.” Khane Kānās māsi khalnū ēran mentā’a ocas. Khane aiyā māsi guṭṭhī cankārki ra’acā, khane Kānās māsin cājdas mōkhhdas, khane ērā hō māsinīm katarkuṭurrā pesi mūkhī, khane Kānās ānyas, “ērā eūgan bēsta’a” bācar kī urmī ēran pita’as erpā kēras. Khane endran ērdas Kujas? Lēllēs irkha’as, khane pakhrācas kī thelhelambācas kī jhāṭṭā nū artācas ciccās. Kujas menjas “ekhō Kānā ērā hō” khane Kānā ānyas “ēn māsi mōkhhdan khane bhēsri’i, khane urmīn pitkan cickan.” Kānās menjas, “anā hō khaddas jē hō,” ēhō irkha’as khane pakhrāckan darā jhāṭṭānū artāckan ra’adan.” Anti Kānās bācas “anā Kujae niṅgan kicrin pakhra’agē bācar khane khaddasin pakhrāckae, niṅgan lauor erpantā ālar baro’or hole.” Khane Kujas ānyas, “anā hō niṅgan ērā mentā’ā taiyar khane pitkae; niṅgan hō janu lauor; gucā hō boṅ’ot hō.” Khane Kānās ānyas, “anā hō boṅ’ot hole endran ṅnot hō?” Khane Kujas ānyas “gucā hō pitkae abrā ēran ho’ot kī abrānim mōkhot.” Khane oṅtā ēran occar kī ṭorang tarā kērar. Anti ēran mōkhō birī pollar mōkhā khane ānyar “barā harō heddē nū nīkim ra’adar hole ahra mōkhā.” Anti lakrā barcā, ādigē mōkhā cicar. Mokhā khane adin ānyar, “lagēhō ajjō khīri teṅgā.” Khane ad ānyā “lagē natī nīm teṅgā;” abrar ānyar, “lagē ajjō nīnim teṅgā.” Khane lakrā ānyā “Kānā kē karāb kaluā, Kujā kē karāb



biyāri.” Antī ārin ānyar “akkū lagē nīm teṅgā natti,” khane ār bācar, “Kānā dharī kangōjā, Kujā dharī pūnc; mār sār kē” bācar khane lakrā boṅgā darā kālā helrā khane ār ānyar, “boṅga hō ajjō khār boṅgoe holegā cambi malā ethro’ō dara pakhnā pakhnā boṅgoe hole cambi ethro’ō, hole ēō gecchā boṅgoe em khēd’om,” lakran khēda’a helrar, backan ād maṅḍā nū kōrcā, khane pollar; ār ā potṭan saṅgem occar kī khēda’alagyar. Khōkhānū mākhā manjā khane oṅṭa mann nū argyar darā endr manjā, ā mann gusanim ort bēlas beṅjrā kālagyas dērā nanjas. Ormar khāndrar darā bēlas gahi khattī ṭhaukam ajgom atkā ra’acā, ekā ajgō Kānā Kujā aragkar ra’acar. Ormar khāndrar, khane Kānā Kujasin ānyas, “anā dadā potṭan tiq’on ?” Kujas bācas “ambā hō, lauor.” Anuhō Kānās tiḍas ciccās, darā ṭhaukam bēlas gahi kūlnum khatṭrā, pahē adin nēhō balnar. Mākhām ortos ejras kī bēlas gahi potṭa urkhā īryas; anti ormar cōcar darā urmin ambā boṅgar. Khane ār ityar darā Kānās dharcas dhulkin darā Kujas dharcas ḍhāl tarri darā kālālagyar, kānum kānum dahrenū jētkā dumbā darā bhaurō khakhrō adin Kānā taṅghai dhulki nu sajjas darā mundeas. Kānum kānum oṅṭa bēlas gane lauenakrnā manjā darā ā bēlas gahi dhēr baggī paikar rāanar. Īr Kānā darā Kujā irb rot’ō. Kānas khōb dhulkin asdas darā Kujas ḍhāl tarri trū uchlār uchlār nāldas. Ekā birī ār maī’a khōb banduk gahi guli hebra’alagya ā birī Kānas taṅghai dhulkin umpyas khane anthannum dhēr baggī dumbā bhaurō ār tarā kēra darā ārin parmā utgā helrā. Khane ār bācar “ērā Kānā Kujā eman bachāba’a, em nīmāgē rāji oi’om” khane Kānās gahi tīnī bhaurō dumbā bareā darā dhulki nū kōrcā darā ārgē kaikō gōṭaṅg paddā khakhrā darā ār paddā trū ujja okkā helrā.

36. SATE BHAIR GAHI KATHĀ.

Sāt bhair ra’acar, sāt jan nū chau jan beṅjrkār ra’acar darā sannis dīndam ra’acas. Sannis laṅḍī ra’acas. Ās iklam nalakh nanā malā kālagyas, pahē taṅgnāsgō bagar gane erpā nū ra’alagyas; khanem khhanem oṅālagyas darā cūtkam ra’alagyas. Ās gahi bhair īryar kī khisāralagyar pahē endrhō pollā nannā lagyar. Anti undul enne bācar “gucā isin ujnā bārī kūbī sajōt darā māḍot oi’ot” darā ār annem nanjar darā ās umpyas kī urkhas darā artī mund erpānū barcas ra’as. “Mār rē isin māḍkat ekasti barcas.”



Anti bácar “ gucá undul tōrang kálot dará lakráti isin dharta’ót ” dará ásin otkhásinim ambyar dará tām ond cōkh manjar dará ásin ambyar ciccar. Anti ásin ontá lakrá dhara’agē barca, khane ás bácas “ ontá lakrá endrgē barokī; kalai sau mund barkē hole engān mōkhā ongor.” Khane dhēr ekan lakrá barca dará ásin mōkhā beddá lagyá dará ás urmī lakránū ontá ontá ugtan laucas dará abrar sangem tām hō erpā ondras kī barcas, álar dará taŋghai bhair iryar kī elcā þhelrar pahē ás ugtan ettacas dará urmī lakran ambyas dará ciccas dará abra taŋgá aḍḍānū kērá. Dhēr ullá khōkhānū endr manjā, ár onghon tōrang kērar bās ondra’agē dará kūm kama’agē. Ar kērarkī ásin ambyar dará cāḍe cāḍe khardyar dará kērar, ás otkhásim tōrang nū ambras kēras dará tōrang nū bās khoppā gusan kádas dará ennē ba’adas “ hīrá bajhaba’á ongoe.” Bās ennem báca “ sausē tōrang nū kalár dará menkē ” ás kudyas, khōkhā ontá bās gacchra, khane taryas kī ondras dará kūm kamcas, ár ásin eksan hō íca’á malá ci’inar tām injō bajharnā khāl nū ionar. Khane ás ond aḍḍá eksan khūrītá amm itti ásan iccas; khane ár injō khettā khettā ondrnar dará ás gahi nū ontá hō malá bajhra’á lagyá. Baggē ullá khōkhānū ás gahi kūm nū ontá hīrá bajhra’á kērá; injō bisá bisá dhibā khonḍar dará ormar mēlá kērar ghōrō khendā dará dahrenū ontá sāt pursá gahi dāg ijtácar dará tām tām salah nanjar idin dēghnā lekh’á ghōrō khendot dará mēlānū āršyar; ár gā kōhá kōhá ghōron khendāge érā kudnar, pahē ás urmī ghōron kál’á kál’á menjas, “ endr ghōrō sāt pursá gahi dāgan dēgh’á ongoe?” ekdá hō malá gacchra’á. Khōkhānū ontá tiṭṭu ghōrō gacchra’á dará báca “ ēn dēgh’on.” Anti ás adinim khindyas. Dahrenū dāg gusan āršyar kī ormar tanga’á tanga’á ghōron dēghṭa’á helrar pahē nēkhai ghōrō hō pollá dēgh’á. Khōkhānū khadyā dará ormar gahi ghōrō gahi khedd esrá dará keocá dará álar hō asanim keccar kērar. Anti khōkhānū á tiṭṭu ghōrō dēghḍá helrá dará kaikō bēr dēgheá kērá dará ás kōrem kōrem erpānū āršyas dará taŋg nāsgō bagarin tiŋgyas dará khōkhānū ormārin taniim pōsas.

37. ONTÁ LAKRÁ DARÁ BARIYAS.

Ontá lakrá ontá kūbi gusan amm onāgē kērá, khane ad ek’am örti kūbi nū khattrá kērá dará kūbi ulam ra’i. Á kūbinū ontá bariyas amm ninda’agē



kēras darā lakrā āsin iryā darā nēa helrā, “ana bariyas engan otthr’ā ci’ā;” khane ās menjas “ekāse otthr’on?” Khane lakrā bācā, “kāla ninghai giṭhyan ondrkē hole ēn aiyā kōr’on hole natag’oe.” Ās kēras darā giṭhyan ondras darā kiyā ettācas darā ciccās. Lakrā giṭhyanū kōrcā, khane ās natagyas darā maīyā othras darā khōkhānū endr manjā? lakrā ‘ā bariyasin mōkhāgē igir jigir nanī. Khane ās bācas “ēn ottharkan darā engā nīn mōkhā beddī?” Ar irbārim addon panc badcar. Addō lakran bāca “mōkhāe ci’ae bariyasin eman sagar khane dik nandas mēdnū laddas darā khesērti hō natagta’as.” Anti khōkhānū tatkhā manan panc badcar khane tatkhā mann bācā “mōkhāe ci’ae lakrā bariyasin engan dik nannar, khanjon annū hō onṭan gā enghai khanjan mōkhnar onṭon gā lebdā’anar.” Khōkhānū onṭā sirūpādēn badcar. Sirūpādē barcā kī ānyā, “nīm kōre kōre tang’ā tang’ā katthan tengā, hole bā’on.” Khane ār tangā’ā tang’ā urmi katthan tingyar ciccār. Anti sirūpādē lakran bācā, “ekāse kōrcē khane ningan otthras?” Khane lakran giṭhyanū kōrcā kī ēd’ālagyā, khane bariyasin bhirtācā ciccā; arā ās laucā darā pityas ciccās.

38. PACCŌ PACGĪ DARĀ CĪGALŌ.

Onṭā erpānū paccō darā paegis ra’acar. Paegis nitkī pār Gangā u’iyā kālagyas darā paccō nitkī khīrī mandī ho’ar ci’ā lagyā; undul onṭā Sirūpādēs khakkhyas darā menjas “endr kādī paccō?” “Ana babū paegīsgē mandī ho’odan ci’īdan.” Sirūpādēs bācas, “ē paccō, paccō āli hikdī darā khārnū baggē amm ra’i anti ekāse kāloe, bār ēn kārtāa’dan ci’īdan” arā ānyā “ān paccō mandin ēn kumēn nīn khōkhānū kholan dhar’ae;” ennem nanjā, khanegā kaṭnum kaṭnum mandin adhā ondā ciccā. Nannā ullā hō ennem nanjā darā ullā ullā ā paccō khīrī mandin ho’ālagyā. Anti paegis menjas, “an paccō endrgē nitkī koc’ā nandī kī mandī ondarḍī?” paccō ānyā, “ē paegī onṭā cīgalō janū dahrenū ṭhak’ī darā ūnī.” Khane paegis ānyas, “ē paccō lagē nēlā ēnim erpānū ra’adan” annem nanjar. Paegis erpānū ra’acas darā paccō tonkā kērā, luhārī bēranū paegis kukkan bagras darā kicrin kūryasonṭā khollā kanton cakcas darā mandin kumyaskī kā’lagyas. Dahrenū Sirūpādē khār gusan khakkhyas darā menjas, “endr kādī paccō,” paegis bācas, “ē babū paegīsgē mandī ho’odan ci’īdan.” Sirū pādē bācas “khār nū

amm baggē ra'i, ekāse kaṭoe ēn kumon mandin, nīn kholan dharas" darā mund lekha'ā mandin onā lagyā; ās kanton otthras darā kholanim mucyas ciccas, khane sirupādē kīrr uryā kī einheā paegis hēkdas darā ānyā, "ra'ā paegī niṅghai ugtā pagī nū corgon." Paegīs pannā gahi khutī kamtācas darā ugtā pagī nū thōkcas ciccas, khane sirupādē corgā kērā, curgī khanegā lindīnim hotrācā, khane Sirupādē bācā, "ra'ā paegī thaka'ekae, niṅghai khēran ēn khay'on." Undul dhēr cīgalon oceā darā khēr khara'ā kērā. Mund paegis khēran guchābācas darā tāttran dharas darā kuslī gusan ukyas, mund nannā nannā cīgalō kērā khane paegīs abrān tanī tanī thōthcas khane abrā ba'ā helrā "anā harō ajgar kōhā gayā ra'i, ajgut jōr ti thōth'i." Urminti khōkhānū banrā cīgalō kērā khane gā adin jōrti thōthcas darā ciccas khane ād ba'ā helrā, "khēr ba'adar paegis ukkas ra'as kā harō." Anti ād ba'ā helrā "ra'ā paegī niṅghai kohdan kharon," khane ā paegis urmī kohdan cōkkhas darā cindan khassras darā mesgānū nuḍarkas ra'as. Cīgalō saṅgī oceā darā kohdā khara'ā kērā ekdā mesgānū argī adinim tukdas cī'idas, khane cīgalō gutthī ba'ā helrā, "anā harō paegīs gahi kohdā gā ajgar kussī" anti khōkhānū banrā kērā khane adin kōr'hēm tukyās ciccās. Anti ba'ā helrā "nīn ba'adae paegīs gahi kohdā kussī ba'adar, paegīs hikdas kā harō." Anti paegīs hō eklam'ōrtī cīgalon pitā pollas darā cīgalō hō ās gahiṅ endran hō khara'ā pollā. Anti khōkhānū ba'ā helrar, paccō paegī "ekāse cīgalon thak'ot, anti endr'ōr othrōt?" Paccō ba'ā helrā "paegīs keccas kēras ekāse nanon?" Cīgalō ānyā, "bhōjē nanae" darā ānyā, "an paccō bhōjē onāgē ed'oe kā malā?" Paccō ānyā "endrgē malā ēdon natti?" Paccō endr nanjā dhēr baggē gōthā khonḍā darā pakhnā darā undul paegīsīn nuṅdā; cīgalō gutthīn urmin bhōjē onāgē eddā, khane ādi gahi edkā lekha'ā cīgalō gutthī barcā. Anti paccō endr nanjā gōthā kudhā nanjā kī adin dagēā ciccā darā pakhnā oceā; khane othar othar amm nū sajj'ā, khane choyē gōrgor bā'i, hole abrā cīgalō bā'i "ēngā cī ajjī ēngā cī ajjī," paccō bāi, "ra'ā natti bi'ā cī'or hole janū ormargē manō hole khatton." Ennem kaikō bēr nanjā darā dhēr gahrī manjā khane bācā "barā natti bagārō akkū biccā"; abrā barōā khane endr ba'ā helrā "ē natti bagārō annem ra'or hologā nīm baccānakro'r kā arbānakro'r āṅgē barā ormārim pāghātī khūt'on" darā urmī cīgalon pāghātī khutcā; baekan banran sikrīti khutcā darā pāti pāti oktācā darā mēkhā helrā. "Pannā kotogā cādē barkē janū paegī hō hō!" Cīgalō gutthī bā'i "endr ba'adi paccō?" Paccō bācā "ē natti ekh janū



mikhkan," ennem mund mikhya; mundtāgē eksan paogis kaparkas ra'acas asanti kōhāle mugaron otthras kī barcas kī urmī eīgalon tarkūtintī lauā helras darā urmintī khōkhānū banrā gusan ārsyas darā adin laucas khane sikrin esā dara urmī eīgalō pāghān natga'ā darā khacā khacā ekātarā ekātarā bongā.

39. ORT CIHUT ALAS.

“Dahrē ēkōe hole saṅgē ēkkē, eksa'anīm okko'e, hole kapkr kī okkō, nanna guī'ā kālō'e, hole cihut tī ra'ake.”

Ī ānkan parkhāgē oṅṭā ālas urkhas. Ās ghōrōnū argyas darā kālā helras. Kānum kānum ond addā ās amm ōnāgē kēras darā amm ondkā khōkhānū dobhānū oṅṭā kakrō iryas darā ānyas “ānkā ra'ī dahrē ēkō bīri saṅgē saṅgē ēkkē” darā eṅghai saṅgē gā nēhō malkar āūgē ās ā kakrānim pettas darā taṅghai kuk hē'enā nū gusyācas darā jōk gechā kēras darā ontā mann gusan ghōron khutcas darā tān ond addā cūtyas darā khandras kēras; khandras khane oṅṭā ajgar nerr asānim ra'acā āsin nunkhāgē bara'ā helrā; ekannē ekannē heddē bara'alagyā annēm annēm ba'iyān kōhā ānglālagyā, ā ālas gā khandrālagyas darā ās gahi saṅgē nēhō malā ra'acar; ā kakrō kuknū ghusiyāckā ra'acā, ād iryā darā nerr ekannē ekannē heddē bara'ā lagyā annem annem kakrō, pagāntī urkhā darā taṅghai bakkān ānglā helrā darā nerr bācā “āsin parmōn” bācā ā ganem kakrō nerr gahi phēnim parmyā, khane nerr ajgut ufrār ufrār asanim keccā kerā, ā khōkhānū ās ejrās darā iryas ajgut manjas darā kakrō gahi nalkhan bujhras, darā kakrō eksan ra'acā asanim uiyas ciccās, khane ās ī katthan parkhācas, “dahrē ēkōe, hole saṅgē saṅgē ēkkē” darā ās mund bhārē kālā helras. Kānum kānum ond addā dhēr ekan ṭhakbar ukkar ra'accar. Ār dahrē ikū ālarin phasta'alagyār, asanim ās hō ārsyas; ṭhakrū āsin hō asan okkāgē ēdar. Ār endr nanjkar ra'acar, oṅṭā kūbin patgālī trū aḍar darā ā māiyā pitrī aty'ar darā tām kūṭī kūṭī nū ukkar ra'acar darā nik'im bar'or hole ārin majhinū okta'alagyār darā ār kūbī nū mulkhar kālālagyār darā ār gahi lattī pattī jetkā ra'ī adin hō'alagyār; khane ās ārsyas khane okkāgē ēddar darā ānyar “nīn majhinū okkā.” Ās ond kuṭī nū dharcas darā cōcas khane ormar kūbī nū khatrar kērar. Khane ās iryas, “eksa'anīm okkōe hole kap'erkē kī okkē” darā. Ās asteki hārī kēras darā oṅṭā paddā ārsyas khane bīri putyā



kērā, khane ās ā paddānum dērā nanjas darā kumbhrār gu'iyā khattū tauā ne'agē kēras, endran ērdas kumbhras gu'iyā oikhnār olkhnar darā āsin bācar "innagā em gu'iyā kattū tauā malā innā emhai kukos gahi jiyā kālō." "Ekāsenū" menjas khane ās tīngyas "ontā belas gahi taṅgdā ra'i ad rakas ra'i adi gane ontā kukkos gane pāti pālī bhar ṭolantā ālar gane beñjā manī darā ad bhar mākhā piṭi darā ci'i darā innā emhai kukkos gane beñjrnā gahi pālī ra'i. Innā engdas gahi jiyā kālō aṅgē em oikhdam olkhdam." Anti ās bācas, "eṅ niṅdas gahi badlā bēl kukoe gane beñjrā kālōn, eṅagē o'ā." Ā kumbhras khus manjas kī engdas gahi jiyā bachr'ō darā ās gē eōdā cār lagyā āsgē ciccās darā ontācas mōkhtācas, ukhyā khane beñjrāgē barāt urkhā. Kumbhras ā nannāsinim saprācas kī occas darā ās ganem beñjā manjā darā biñjyar darā ontā erpānū kidar ciccār. Adhā idhī mākhā birī adi gahi mu'itī eṅdotā nāg nerr urkhālagya, adin ās ērdas darā, kukkan othrā khane ās kainoiti kukkan khaṅdyas ciccās darā nerr ufrārā darā urkhā kērā darā, ad niman manjā kērā darā mund lekhā āsin mōkhā pollā. Pairim ālar khondrar nitkī gahi manjkā lekh'ā māṅan othra'agē pahē ar nicōt khandra'ālagyar. Ormar ajgut manjar innā endrgē malā tīsgī; urkhar khanegā irbārim urkhar. Anti khōkhānū ās idin iryas "nannar gu'iyā kālōe hole cihut ti ra'akē" darā adin ondras darā taṅghai erpā barcas.

40. ONTĀ LAKRĀ DARĀ ĀLKHADD.

Ort āli ṭoraṅg kērā kharrā ondra'a, kharrā hō bēsīm baggē khakkhrā kērā, ad baggēm mūcyā darā tetṛā hō pollā, khane ontā lakrā asanim ra'acā adin ā āli ānyā "ē babu barā'a tēt'a" lakrā bācā "endṛā ci'oe darā paccō" ā āli bācā, "ana babū endṛā ci'on idīgā othā ekh ra'i, kukoe manō hōlegā beñjon ci'on darā kukkō manos hole saṅgī jōrtōn." Anti lakrā tētṭā ciccā. Jok ullā kērā, khane lakrā ontā khākhan menāgē taiyā endr lēllē manjā, āli gusan barcā khane tīngyā "kukoe dim manjā." Baggē ullā kirkī ra'acā, khane lakrā ontā khākhan ērā taiyā, ē'ō kōhā pardyā. Khākḥā iryā darā tīngyā, "akku tanī tanī amm guṭhī undri" darā. Onghon ērāgē taiyā, khanegā khākḥā iryā darā tengr cicca "akkū kanyā manjā." Anti lakrā tānim kērā darā beñjrā darā ondrā helrā; ondornum ondornum ond aḍḍā maiyā darā dippā darā



kiyā gaddi ra'acā, asan lakṛā ā kukō'e'n endr bācā "lagē nin isan kaḍarkā nanao darā ēn attrā bahri urkhā kā'adan" darā ād mūhi mūjhra'alakki ā birim adi gahi khan ba'i nū sagri umblā ciccā, khane ād andhri manjā kērā; khane lakṛā asanim adin mokhā. Anti taṅghai sasrārū kērā darā taṅg sāsān ṭhak'a helrā "An ayō ningdā gēgā kalā khanemti khan nunjnā manjā urmi nalakh ukyā kērā, jok ullā khatri sannī enḡsārīn susar nanāgē taiyā'e." Adi gahi ānkā lekḥā sannī taṅg sārīn taiyā ciccā darā kalō biri ḍahrēnū dhicuā ḍrā ḍandī pāri "Boṅō'e kō'ē coṅō'e kōe hudin eṭṭā lekḥ'a khōlā, guṅgū lekḥ'a kukk." Ā kukō'e lakṛan menjā, "hudā bhaṭu hu ḍrā endr bā'i bhaṭu?" Ad bācā "endr bā'i, mai guca'e"; ennem kaikō bēr ā ḍrā pāralagya. Eksan adin mokkhā ā aḍḍānū ārsyā darā ā kuko'en kaḍarkā nanāgē bācā darā tān māiyā tarā kērā; mūhi mūjhra'a lagya, ā birim māiyā tarti umblā ciccā khane ād hō andhri manjā kērā darā lakṛā ityā darā mokkhā ciccā. Khane ād sasrār nū kirrā darā taṅg sāsān bācā, "ē ayō majhli hō kērā ki adigē nārīti unguṛ hō ausāndim malā, āṭigē sannī maiyan taiyāe ār gahi susār nanō." Taṅg sās pattācā darā taiyā ciccā. ḍahrēnū kalō biri dhicuā ḍrā ḍandī pāri, "Boṅōe kō'ē coṅō'e koe, hudin eṭṭā lekḥ'a khōlā, guṅgū lekḥ'a kukk." Taṅg sārī menjā, "hudā bhaṭū endr bā'i hū ḍrā bhaṭū?" Ād bācā "endr bā'o mai guca'e," kērā ki ā aḍḍā nū eksan irbārim ukki ra'acā asan adin hō kaḍarkā nanāgē ānyā darā tān kērā bahri urkhā darā mūhi mūjhrō biri barcā darā umblā ciccā khane ād andhri manjā, khane adin hō mokkhā ciccā. Anti ās sasrār kiryā darā taṅg sāsān bācā sannigē hō kūl nunjnāti ufrārā ki kuddi, kōhā dādāsin taiyā'e malā ra'os ēros ki baros." Adi gahi ānkā ād kōhāsin hō taiyā ciccā. Ās ḍahrē khisārnum kālālagyas darā dhicuā gahi ḍandī pānan menjas darā urmi katthan bujhras darā sōttan cēḍas darā kērā darā ād ānyā, "lagē dādā nin isan kaḍarkā nanā'ēn bahri urkhā kādan darā ās chāchem darāṅgā hēḍḍenū kaparkas ra'cas darā ekā biri barcā ki umblā lagya ā birim kukknim passas; ād keccā kērā darā khōkhānū āsan mūhi mūjhra'a helras, khane taṅgri bagar gahi punan iryas darā kollam manjas darā taṅgyon urmi kathan tiṅgyas ciccās.



41. DĀNO DA'ĪT.

Onṭā bēlas ra'a'cas, ās gahi mahal ṭoraṅg ūlā ra'acā. Undul onṭā Dāno da'it barca kī ā bēlasin darā bīrin irbārimin mokkhā ciccā. Ār gahi irb khaddar ra'acar, onṭā kukos darā sannī kuko'e. Irbārim bahri urkhar darā cikhnar. Ghōrō menjā “endrgē cikhdar?” Abrā khaddar tingyar ciccār “Dāno dāit embāsin darā ingyon mōkhā laggī darā khōkhānū eman hō mōkhā biddī.” Khane ghōrō bācā, “ēngan kollā darā irbārim ēng maīya argā” bācā; khane ār adi gahi ānkā lekh'a nanjar, khane ghōrō ārin occā darā bongā helrā. Dāno dāit ārin mukkhā copyā darā abrā khaddarin khēda'a helrā; khēdnum khēdnum ārsā helrā khane onṭā bassar gahi jhundnū enne ba'anum kōrcar “Bassar khoppā hikdī hōlēgā eman bachāba'oe.” Bassar dhēr kōhā addā nū ra'acā darā Dāno da'it ārsyā khane addā mundhrā kērā. Anti bassar khoppā ūlā kōr'agē addā beddā kudyā; pollā beddā khane bāsnim kattā helrā darā tāryā darā ārin ārsyā; khane ghōrō urkhā darā arin bongta'a helrā; bongnum ond addā lau larang ra'acā āsan ghusyārar; khane Dāno da'it beddā pollā, baakan dhēr gahrinū khakhyā. Khane ghōrō onghon ārin bongta'a helrā pahē asan lau larang argāgē manālagyā; Dāno da'it argā lagyā khane larang khacrā kērā darā ād ārin khēda'a pollā. Ghōrō bongnum bongnum ond addā dhakarkātī khattra darā keccā kērā. Khane ār ghōrō gahi khebdan darā adi gahi khēddan occar darā khēddan ēret darā khebdan dhāl kamcar darā ār ā ṭoraṅgnum ra'a helrar, ra'anum ra'anum māc gutṭhin lauc lauc mōkhā lagyar darā undul ā rājintā bēlas sendrā bēcā kēras, ṭoraṅgnū ās gusan cicc ghatrā kērā, khane taṅghai ālarin cicc beddā taiyas darā ār mann nū argyar kī ērā helrar eksan cicc gahi mojkhā cū'i. Ār ond addā nū cicc gahi mojkhā co'onan iryar darā asan ondra'a kērar darā ayā abrā bhaiyā bahin gahi ērpā ra'acā darā kērar kī cicc nēcar khane cicc ci'agē bāhri urkhā khane ār adin iryar darā tambai urbāsin barca kī tingyar, “niṅghai tatkhā hō adī lekhā malā jumro'o;” khane ās adigē taṅg dādāsin eḍdas darā ās gusti taṅgrin nēcas khane ās malā ciccās. Khane ās āsin piṭa'agē tihā nanjas āsin piṭ'on darā taṅgrin u'iyon, darā āsin bācas “ēnghai rājinū ujdae kalā ēngāgē māc piṭā ondra'a.” Khane ās māc piṭā'a kēras. Taṅghai ā ghōrō khēdd ēretan occas darā ekā bīri onṭā māc maīyā ēreṭ calābalagyas ā bīri onṭā halmān maīti ās gahi ēreṭ gahi ṭopinū umblā ciccā khane



ĕret gahi sĕernā hĕ malā minri darā māk boᅅgā darā calā kĕrā. Anti ās annem hĕ ā halmānan ĕret tī tukāckās kuddas, khane halmān bācā “endr lauā beddae nīn bā’oe ā lekham nanon, eᅅgā ambā lauā.” Ās bācas eᅅgan bēlas māk lauā taiyas khane nīn eᅅghai ĕret nū umbulkī ciekī.” Khane ād bācā, “guĕā anti ēnim bēlas gusan kādan” bācā ās gusan kĕrā. Ārsnā bĕrānū bācā “eᅅghai khessĕr nū pāgā lagābā’ā darā bēlas gusan ho’ā” darā ās ghisyār nūtim kālālagyā; kĕras kī bācas “idīn eᅅgan māk lauā malā ciocā;” khane ās irbārinim ambyas darā ā kukkosin bācas “kalā darā lakrān lauar ondrā’ā, “lakrā āsin mĕkhĕ hole adin ēn u’iyon” ās halmānan bācas “akkū endr nanon?” Halmān bācā, “eᅅgāgĕ nau man gahi oᅅtā mugrā kama’ā darā guĕā lakrān lauĕt.” Sarnān tāiyas darā mugran kameas darā halmān saᅅgĕ kĕrā. Ā tĕraᅅgtī nannā tĕraᅅg kĕras darā tĕauk’am ārin Dāno daīt khakkyā darā āsin mĕkhāgĕ kĕrā; dharcā khane halmān taᅅghai mugrantī ond mugrā laucā. Khane ‘Dāno daīt’ “ambā lauā, bā’or endrim bā’or ēn nanon ci’on;” halmān bācā, “lakrā lauāgĕ mugran kam’āe.” Ādi gahi ānkā lekĕ’ā mugran kameā darā lakrān laucar darā bēlas gusan ondrār. Anti bēlas ek’am ōr tī āsin piᅅ’ā pollas darā taᅅgrin hĕ occa pollas. Khane bēlas ās gane lara’āgĕ tĕancas darā āsin ānyas “lagĕ eᅅghai darā niᅅghai majhinū larā’i nanot.” Ās gā otokh ālas darā ās gahi phaud hĕ malā ra’acā, darā ās halmānan menjas “ekāse nanāgĕ manĕ?” Halmān āsin bācā, “ēn phaud khonda’ā kādan” bācā darā ā Dāno daīt gusan kĕrā darā ānyā “jetkā niᅅghai sanger ra’anar ārin khondā’e!” Dhĕr ekam Dāno da’it gutᅅᅅhin khondā darā oᅅtā tuᅅgri nū larā’i nanāgĕ kĕrā darā urmī Dāno daīt gutᅅᅅhin ijtāca darā halmān bācā “ekātarā hĕ ambkĕ kalā eᅅghai bĕgar ānkātī” darā tān oᅅtā khoppā kĕreā darā tamaāsā irī darā kukkos khebdā gahi dhālan dharcas. Majhī nū ijkas ra’as, ātīdā baggĕ cār calābācar pahĕ oᅅtā hĕ āsin malā lagyā. Ā khōkhānū tām tām kacconakhra’ā helrā “ī baggĕ cār munjrā laggī pahĕ āsin oᅅtā hĕ malā lagyā,” adin halmānan menjā. Anti Dāno da’it gutᅅᅅhin ānyā “innā ē’ō baggĕ mĕkhā oᅅgdar ā baggĕ innā mĕkhā.” Anti urmī Dāno da’it gutᅅᅅhī phaud tarā kĕrā darā jetkā alarin dharcā dharcā carrā carrā mĕkhā ciocā. Anti ā kukkos ā rāji gahi bĕl manjas darā ā rājīnū rāji nanā helras.



C.—TRADITIONS AND LEGENDS.

42. RŪIDĀS TĀ KURUKH BĒLAS.

Ort bēlas arā bīri ra'acā, ārgē onṭā eklā taṅgdas ra'acas. Ā bēlas bhagat ra'acas darā nēt nēg uiyū darā andhrā laṅgrā ṭhuthā guṭhiargē ciū khattū ra'acas. Ekam ortar tembā barālagyar, hole ārin nīdī khekhā malā kīrrā ciālagyas; nik'im onṭā dhibā nēālagyar, hole dhibā eṅd ciālagyas, nik'im onḍ anā nēālagyar, hole ārgē cār anā ci'ālagyas; nīkim pance aurkā khes nēālagyar, hole ārgē dasse aurkā ci'ālagyas. Nēkhain hō baccā puccā malā nanālagyas, muhin ērā ērā raibāpī hō malā nanālagyas, baccā puccā kacnakhrā hō malā ciālagyas; ās emar darā ullā ullā pairī bīri ciā khattālagyas. Undul enne manjā Dharmes tembū ālār gahi mūṭhan dharcas kī bēlas gahi garhē gusan kēras darā bali gusan ijjas kī tembā helras. Khane bēlas uruṅg menjas darā urkhas darā bācas, "endrā bēddae je ēn niṅgāgē ci'on?" Ās bācas "Anā bēlāyō ēn teṅgāgē carmārdan endr ākhōe ci'a ongoe kā polloe." Ās bācas "ēn pollōn ci'a darā nē ci'a ongō enghai gā urmi ra'i; anti dhēr tembū ālargē cioccan hole niṅgā ciā pollōn? Neā akkun ēn niṅgāgē ci'on." Khane tembūs ennē baggē dhibā nēcas ās ci'a hō pollā helras. Khane gā endr nanjas, taṅghai erpā aḍḍō mekhō mankhā bhaisā hāthī ghōṛō guṭṭhin urmin bīsyas; anū hō ci'āgē malā manī, khane munjā nū taṅghai ālin khaddāsin Tillī erpānū bīsyas darā tān onṭā dōmas guyā bīsras darā tembūs gē dhibā ciocas. Ā bīri nik'im khēālagyar, hole dōmārin bassālagyar. Ā ullā nū ī nēgdim ra'acā, ār dhēr gecchā gecchā bisīrkar ra'acar; āḡgē ērānakhrā hō pollālagyar. Bisīrkā gahi dhēr ullā khōkhānū undul enne manjā bēlasgē taṅgdas bēmar manjas kī keccas darā kēras mākhām mākhādīm keccas. Mākhām dōmar gusan bassāgē cēdor kī hō'ā helrar. Ā bīri bīri khōkhā cīkhnutī kalā helrā. Adhā idhī mākhā dōmas gahi erpā ārsyar darā mēkhā helrar khane urb dōmas cōcas darā adi gusan dhibā nēcas, khane adigahi bakhrānū taṅghai urbar ciocar; ās dhiban occas darā ā bēl jōkhāsinim dōmas bassāgē cōdas. Ās ciocan dharcas kī ārgane masrā kalā helras. Dahrēnū adi gahi cīkhnan menjas kī āsḡgē sōggē lagyā darā adin menā helras, ennēgē ās adin lakhā pollas, bīsīrkā ullantī



ērāhō mal nakhrkar ra'acar arā Tilliyār lekham adi gahi kieri hō marakhkam ra'alagyā; ād āhō cikhnāti lakhā pollā, ās hō hēbdērka ālar lekha ethralagyas, āōge ās menjas khane ād hō cikhā cikhā urmī katthan ōrentī tingyā; ās menjas kī tān hō cikhā helras darā cikhnum cikhnum bācas, "ēnim ra'adan." Khane irbārim khūb cikhā kalpārā helrar. Ā birim onghon. Dharmēs timbū ālar gahi muthān dharcas kī ityas dāra ār gusan kēras kī bācas, "nim enḡan khūb lōla nanjdar kī mānckar, āōgē ēn hō nimāgē dau ci'īdan" bācas kī keckā khaddasin ujjtācas darā ānyas "kāla i Rūīdasin hōar kī nimhai dim rāji manō." Antile ayang baḡ guthyar khaddāsin occar kī kērar darā taḡdas gahi nāmetī Rūīdās nāme oṅta punā gaḡhen kamecar ekdā innā gūṭi rai; antile dhēr ullā rāji nanjar darā kōrim keccar.

48. CIC CĒP.

Hullō birī oṅtā kōhā nād ra'acā, ād ālar gahi kānā barnā dahrē nū aḡlki ra'alagyā. Ād kōhā tuḡnri lekha kōhā ra'acā; adin ballālagyar āūgē adi gahi bai nū kōralagyar; ēōdā ālar ā dahrē nū kālagyar āūdā ālar malā kirralagyar. Khane Dharmēs ānyas "i dahrē nū dhēr ālarin nitki nitki kānā ērdan anti oṅtā hō kirnā malā ērdan." Antile Dharmēs ārin beddāgē ityas. Khane kōhā mudda'in iryas ēōdā ālar ā dahrē nū kānar ār ormar ā nād gahi kīl num kōrnar. Khane Dharmēs ālar gahi muthā nū manjas darā oṅta kōhā addō nū nau nau man gahi ēṅd balaman laccas kī kēras; ād ārsā helrā, khane; "arē baṅdā addō" bācā; antile ā nād gahi kīl ulā kēra kī oṅtā balaman kīyā jobcā darā oṅtan maiyā jobcā; khane ā nād keccā kēra; kittā helrā khane adi gahi gamkārnā merkhā gūṭi ārsyā. Khane Dharmēs ānyas "idin cic trū malā bass'on khane dhēr ullā gūṭi gamkāro" bācas kī cic taiyas, cic tainantī mund halmānan ānyas "ana bhagnā ēn nād bassāgē cic cēp taiyon, ād ōlō darā cic sagrō, aḡrā lagā helro'ō hole damuān dhokkē hole ēn cican tēbo'on." Antile Dharmēs cic cēp taiyas darā ā nād ulliyā darā urmī khēkhēl nū aḡrā laggā helrā. Halmāns oṅtā tēlā man nū khōb tēlā paṅjki ra'acā adinin mōkhānū lōbhras kēras, damuān thoka'āgē mōdhras kēras; cic aḡrā lagnum urmī khēkhēl biṅdrā kēra. Halmān gahi mochā endrā jholrā kēra. Khane halmān taḡhai mochan tēlā mannu nū nirgrā khane tēlā man mōkhāro manjā darā innā gūṭi ennem lakkā bāri ra'i. Ānti satise rāji darā satise rājinta ālar darā urmī ālō ullyā; ā birim bhayā bahinī



ūlā kōrā ci'ā" bācas kī kōreās. Kōrnānti mund ānkas ra'acas, "cie khōb handkārō'ō hole punnā āri nū khēnā amman ondarkē darā eohkē" bāckas ra'acas. Khane eican darā kuilān kūtinū sajjar kī khōb dhuka'ā helrar arā cie khōb handkārā helrā, khane punnā āri nū khēnā amman ondrar kī echa'ā helrar kī dhukā lagyar. Annem annem urmī kuilā ōlā ōlā cind manjā; khane kūtin calkhar khane Dharmēs khasrā khudrū manjas kī kūti nū kōrckas ra'acas ās sōnā rūpā trū khōb jhabrāras kī urkhas darā ārin anā helras, "ērā gā nīm ekāse poldar dhukā, ērā ēn akkun bēs bēs ālon bidkan kī jhabrārkan darā urkkan. Akkun nīm hō khakhdar, hole lagē kūti nū ormar kōr'ā nīmhai mukkar dhukōr" bācas khane abrā bārā bhāi Lodhā darā tērā bhāir Assurar hō ormārim kūti nū kōrcar. Khane ār gahi mukkar kūti nū kuilan darā eicau nindar kī dhuka'ā helrar, cie handkārā helrā khane ār ōlā helrar darā ūlā ūlā kair kōēr manā helrar darā uparārā kacar'ā helrar, khane Dharmēs āndas "khōb dhuka'ā akkun ār kaonakhrā'ā lagnar baggē bagge hō'āgē," khane ār gahi mukkar khōb dhuknar ēōdā ār uparārnar āūdā adkō capuān dhuknar. Khōkhānū urmī kuilā ullyā kī cind manjā, khane kūtin calkhar darā ērnar gā ormar ullyar kī cind manjar; khane ār gahi mukkar āsin dharcar kī malam kālā ci'inar darā ānnar "nīm emhai mētārin thakackae darā kūtinū dhuktackae darā eman niṅāgē pōsnā manō; akkū niṅgan em malā kālā ci'om" ba'anar kī āsin mallam ambnar; antile Dharmēs hāreās darā abrā mukkarin ānyas "akkū nīm toṅāng nū kālār kī kaisaigō khopā manā, hole nīmāgē onāgē khakhro'ō" bācas kī pēsās; khane abrā mukkarim toṅāng nū kirki darā kaisaigō khopā manjār; āṅgem akkū guṭi ālar toṅāng kānar hole kaisaigō khopānū arjhārnar; ād ār gahi kheddan khāsi kī khēs urkh'i. Dharmēs bār cickas ra'ādas āṅgem ālar karam ullā kaisaigō khopān darā tēlā khopan saṅgem gaṅnar darā gaṅ'ō birī arkhin bhel mūnō jhāran adi maīyā tundnar kī kabsi khal nū gārnar kā rō'ā khal nū gārnar.

45. KURUKHAR GAHI RUIDĀS TĪ BONGNA.

Hullō birī Kurukhar Ajab gaṅhnū ra'acar aiyantī boṅgar kī Hardiban barcar; ēō ullā guṭi ayā ra'acar, ānun tī boṅgar kī Pipripāt barcar. Aiya ra'acar; aiyantī boṅgar kī Ruhidās nū ra'alagyar darā kōrem kōrem onālagyar.



sirāsītā nāl nū kakrō latā nū kōrcar kī cicanti bachrar, khōkhānū Dharmēs “caṭira” “bhaṭira” “tilkā” “lodhā” allan ocas kī sirāsītā nāl nū kuddā kēras, endrā hō malā khakhrā urmi ullyā kērā; ekā aḍḍānū bhayā bahin ra’acar, ā aḍḍānū allā gutṭhi bārnum bārnum ārsā helrā, khane aḅrā khaddar kakrō latā nū kōrāgē kālalagyar. Dharmēs iryas kī ānyās “ambā eloā, ambā eloā” bācas khane latānū malā kōrcar. Antī Dharmēs ārgē bihini cicas darā ānyās “akugā bihni khakhrā ī latānūm nim ra’ake” bāca’s antī Dharmēs tān kēras; aulantim dinkī dinkī Dharmēs ār gusan kālā barā lagyas. Antile aḅrā {khaddar jok jok pardyar khane Dharmēs oṅṭā dhiṅgran ār gusan ocas kī ā kukosin ānyās “idi babū ort dhiṅgran tī ī pakhe oṭkē ort ā pakhe oṭkē, nin dhiṅgran tī ā pakhe ambkē kalā” bācas kī Dharmēs kēras. Khane aḅrā khaddar Dharmēs gahi ānkā lekhā dhiṅgrā gahi ā pakhe ort ī pakhe ort oṭā lagyar. Antī khōb kōhā manjar khane undul ā kukos dhiṅgran kaṭyas khane ā kukoe ēkh manjā darā ār gahi khaddarin saṭise khēkhē nū nindyar ār gahi bārenū oṅṭā ḍaṇḍi paṅnar : “Bhayābahin purukhār koe; sirāsītā nālenū ra’anar, kakrō latā erpā koe : sirāsītā nāle nū ra’anar.”

44. LODHĀ DARĀ ASSUR GAHI KHĪRĪ.

Bārā bhāi Lodhā tērā bhāi Assur ond ullānū kūṭi dhukālagyar, khane mojkhā merkhā nū argyā. Adin Dharmēs sah’ā pollas darā dhicuan manā nanā taiyas; khane ār adi gahi ānkān malā pattācar kī ā dhicuan ānyar, “ī sār dhicua manā nanā barcā” bācar kī adi gahi kholan sārsi tī dharcar, ā birim dhicua gahi khoiā khambhā lekhā manjā darā innā gūṭi annem ra’i, ā khōkhānū baklān taiyas, khane adi gahi khesran sārsi tī dharcar kī natagyar khane baklān gahi khēser dighā manjā darā innā gūṭi dighām ra’i; annu-hō ār malā pattācar; ā khōkhānū kerkeṭān taiyas; āḍ barcā darā manā nanā helrā, adi gahi katthan hō malā menjar, baakan adi gahi nartīn sārsiti pēdkhar aulantim kerkeṭa gahi narti gusan mokhārō manjā darā innāgūṭi mokhārim ra’i. Antile Dharmēs manā nanā hārcas darā tānim khaṣrā khudrū kukos lekh’ā manjas kī barcas darā ār gahi kūṭi dhuknā gusan kēras khanegā endran ērdas bārā bhāi Lodhār darā tērā bhāi Assurar mukkar bārī kūṭin dhuka’āgē lakkar ra’anar, khane khasrā khudrā kukos ārin ānyās “nim ekāse kūṭin dhukdar darā pannā cāṅe malā bi’i, enḡan kūṭi



ulā kōrā ci'a" bācas kī kōreas. Kōrnānti mund ānkas ra'acas, "cie khōb handkārō'ō hole punnā āri nū khēnā amman ondarkē darā eohkē" bāckas ra'acas. Khane eican darā kuilān kūtīnū sajjar kī khōb dhuka'a helrar arā cie khōb handkārā helrā, khane punnā āri nū khēnā amman ondrar kī echa'a helrar kī dhukā lagyar. Annem annem urmī kuilā olā olā cind manjā; khane kūtīn calkhar khane Dharmēs khasrā khudrū manjas kī kūtī nū kōrekas ra'acas ās sōnā rūpā trū khōb jhābrāras kī urkhas darā ārin anā helras, "ērā gā nīm ekāse poldar dhukā, ērā ēn akkun bēs bēs alon bidkan kī jhābrāarkan darā urkhan. Akkun nīm hō khakhdar, hole lagē kūtī nū ormar kōr'a nīmhai mukkar dhukōr" bācas khane abrā bārā bhāi Lodhā darā tērā bhāir Assurar hō ormārim kūtī nū kōrekar. Khane ār galū mukkar kūtī nū kuilān darā eican nindar kī dhuka'a helrar, cie handkārā helrā khane ār olā helrar darā ulā ulā kāir kōēr manā helrar darā uparārā kaerār'a helrar, khane Dharmēs āndas "khōb dhuka'a akkun ār kaonakhrā'a lagnar baggē baggē hō'āgē," khane ār gahi mukkar khōb dhuknar ēōdā ār uparārnar āūdā adkō capuān dhuknar. Khōkhānū urmī kuilā ullyā kī cind manjā, khane kūtīn calkhar darā ērnar gā ormar ullyar kī cind manjar; khane ār gahi mukkar āsin dharear kī malam kalā ci'inar darā ānnar "nīm emhai mētārim thakackae darā kūtīnū dhuktackae darā eman niṅgāgē pōsnā manō; akkū niṅgan em malā kalā ci'om" ba'anar kī āsin mallam ambnar; antile Dharmēs hāreas darā abrā mukkarin ānyas "akkū nīm ṭoraṅg nū kalār kī kaisaigō khopā manā, hole nīmāgē onāgē khakhro'ō" bācas kī pēsās; khane abrā mukkarim ṭoraṅg nū kirkī darā kaisaigō khopā manjār; āūgem akkū guṭī ālar ṭoraṅg kānar hole kaisaigō khopānū apjhārnar; ād ār gahi kheddan khāsi kī khēs urkh'i. Dharmēs bār cickas ra'adas āūgem ālar karam ullā kaisaigō khopān darā tēlā khopan saūgem gārnar darā gar'ō bīri arkhin bhel mūnō jhāran adi māiyā tundnar kī kabsi khal nū gārnar kā rō'a khal nū gārnar.

45. KURUKHAR GAHI RUIDĀS TĪ BOṄGNA.

Hullō bīri Kurukhar Ajab garhnū ra'acar aiyaṅti boṅgar kī Hardiban barear; ēō ullā gūṭī ayā ra'acar, ānun tī boṅgar kī Pipripāṭ barear. Aiya ra'acar; aiyaṅti boṅgar kī Ruhidās nū ra'alagyar darā kōrem kōrem onālagyar.



Antile khōkhānū Kurur gane lagānakrnā manjā, khane khōb larear darā adin iklam hō harāba'a malā cicar. Khōkhānū ārgē endr hō ōr nanā pollar, khane oṅṭā māhrā mukkan gāisi lagabācar ; ā mukkā ullā ullā dudhi bisā gē Rohidās nū kālālagyā; dhēr oān tī kālāgyā āūgē ād aiyantī urmī nēgcāran akkhī darā irkī ra'acā; ār gahi majhī nū ennē nēgcār ra'acā : Ār saūsē rājintā ālar oṅṭa candō darā oṅṭa ullānū khaddi manālagyar, arā khaddīnū urmī erpānū dhēr dhēr jhārā lada'alāgyar darā arkhin hō kam'alāgyar; khaddi ullā khōb ōnā mōkhāllāgyar darā unkhā unkhā ormar keckā lekhām manar kālālagyar; adin māhrā mukkā irkī ra'acā āūgē Kururin ānyā “nīm ārin auhārī ullānū harāba'a pollar,” khane ār menjar kī ānyar “anti ekā ullānū ārin harāba'a oṅgom,” khane ād ārin ānyā “ekā ullānū khaddi manō āullā kāor, hole ārin harāba'a oṅgor;” khane ār khaddi manjar kī jharā darā arkhin ondar kī khōb unkhayar, khane Kurur tamhāi gohondan ondarki barcar darā Rohidās rājinū kōrcar; ērnargā ormar unkhayar kī keckā lekhā manjkar ra'anar. Antile Kurur Kurukharin lauā pitā helrar, khane mukkar ērnar mētar ormar unkhkar ra'anar arā dokhar barcar kī ormā mētarin pitālagnar, mukkarim kareyā oōc oōc tūrsin darā manan dharcar laṛā helrar darā Kururin harāba'a malā cicar; anti māhrā mukkan ānyar “nīm eman ṭhakaeki” bācar khane ād ānyā “thū thū nīm mukkar gane laṛā'a poldar,” khane ār ba'anar “nīm ānki rackī khaddi ullā ormar jhārā arkhī onnar kī keckā lekhā mannar bāckī, okhō unkhayar, ormargā ērdim laṛnar,” khane māhrā mukkā ānyā “nīmgame larnar ār mukkar talnar ār gane nīm laṛā poldar,” ār ānyar “anti kareā gā cōekar ra'anar” khane ād ānyā “mukkarim kareā cōcar tūrsī darā manan dharcā dharcā larnar nīm eṅghāi katthan malā pattā'adar hole ērā kālkē kaṅṅarkā nanōbīrī ekāse mūbin mūnjhurnar oṅṭā khekhā trū mūhi mūnjhurnar hole gā mētar hēknar kā eṅṅānim khekhātrū mūhi mūnjhurnar hōlegā mukkar hēkuar,” anti joha'a helrar, khanegā ērnar mukkarim kareā cōekar ra'anar darā eṅṅānim khekhātrū mūhin mūnjhurnar; antile akkar kī kiryār kī Rohidās nū kōrcar darā lauā lauā pitā helrar. Ābirim ortos nijaryas darā boṅgā helras; buṅnum buṅnum Nāgpūr nū barcas ār āsin khedāba'anutim ondrā helrar; ā birī Nāgpūr nū Mundā bha'ir rā'alāgyar ār ḍaṅgrā passkar ra'acar darā ḍaṅgrā ahrān mōkhāgē khondrkar ra'acar; ā birī Kurukhargē janai ra'aca āūgē ormā mētar janai tāngālagyar, ekā ortos Nāgpūr nū boṅkāsīm barcas ās gusān hō



jannai taṅgekā ra'acā; bongkāsīm ā daṅgrā muncur gusan barcas ārin ānā helras, "engan bachāba'ā bhairō, engan bachāba'ā bhairō;" khane ār ānyar "ninghai janain hebrā darā emhain mōkhā hōlegā ningaṅ bachāba'om, ninghai janain malā hebroe darā emhai daṅgrā ahraṅ malā mōkhoe hole gā malā bachāba'om." Khane ās elonā trū taṅghai janain hibryas kī daṅgrā ahraṅ hō mokhas ciccas antile ār asin khēdnum ondra'ā lagyar; ār ārsyar kī ānā helrar "ijgōnū ortos bongkāsīm barālagyas ās ningusānim barālagyas, āsin nim eksan nūḍkar?" Khane ār ānyar "nēhō itrā malā barcar, ērā saī isan gā emhai ālarim ra'anar," Kurukhargā jannai taṅgnar ērā se nēkhai dim ra'i hole." Khane ērā kudnar khane nekhai hō jannai malā ra'acā, khane ār kērar. Antile ās Nāgpur num ra'ahelras darā ās gahi khaddarin akkū Nāgpur nū barhkar ra'anar.

46. KARMĀ DARĀ DHARMĀ.

Karmā darā Dharmā nāmē irb bhair ra'acar. Dharmās khulukhrī nanālagyas, baakan Karmās malaṅg lada'alagyas. Karmās malaṅg lada'ā kēras khane Dharmās taṅghai erpam bārīr saṅge bhādō candō gahi ekādasī ullā nū karam tāryar kī ondrar darā cālinū gadḍar kī kīrā amm onkā nemhā tī ādi gahi nēgōār nannar, ādi gahi mundbhāre pārnar bēcnar. Ā birim kharkā kīrāsārkā Karmās hō barcas darā cālinū dahūrā gadḍkā iryas darā menjas "id endrā tali?" Ār ānyar "Karam gōsāī tali." Ās kadrāras darā bācas "ort Karman ēn, nannā ekākaram isan ra'ō." Caḍḍaskī, hibryas ciccas. Anūtim Karmās gahi kaprē bagrārā, pahē Dharmās gahi nalkh pard kī kālā helrā. Ās kīrā manā helras darā āsgē onāgē hō mal khakhra'ā helrā. Undul Dharmās gahi rōā idnā ra'acā, khane Karmās taṅghai paccōn ānyas "ana paccō gucāe innā gā namhai gutyās gahidim ra'i, ēn bīrā chit'on nin id'oe hole pachait gā cior." Irbārim kērar darā ās bīrā chitdas, ād id'i. Put bīrī Dharmās ormārin pachait onāgē eḍḍas, pahē irin malā eḍḍas, "eḍḍā bar'or" ba'anar kī pāb ērnar pahē malā eḍḍar. Karmās kadrāras darā taṅghai paccōn ānyas, "an paccō gucāe nin ekā uḅgō iddkī adin cad'ot ci'ot, ormargē ciccar naman endrnā malā eḍḍar." Ād kērā darā tamhai iddkā uḅgōntan cada'ā cadḍ'ā hebrā helrā. Īdī gahi khōkhānū Dharmās gahi ālar onghon barcar kī iryar kī ādin ānyar "nin ekā urti hik'dī?"



Ād ānyā “ēn Karmas gahi āli taldān” ār bācar; “nīm endrnā iddkā rōan carḍarī” Ar bācar “em irbānim tān iddkam, eman pachait onāgē ēḍḍa’ā hō malā ēḍḍar.” Dharmas gahi jōkhar ānyar “nīmhai kaprē bagrārā nīm karam gosāin ōhmā malā nanjkar, nīm karam gosāin gahi ōhmā ḥannōr hole nīmhai kaprē paltārā’ō.” Khane Karam Gosāin beddāgē kēras. Kānum kānum kharā kīrā sārkas ra’acas. Ontā dumbārī mann nū khajkā iryas kī kēras. “Ontā dumbārin mōkhōn” bācas kī carḥyas darā ērdas gā āiyā poegō ra’i. Malā mōkkhas, hibriyas ciccas. Kānum kānum ajgut kōḥē ammōnkā sārka, ra’acas. Anti ērdasgā ort māhrās dūd’hi binā binā jūtan ōpdas, ās gusan kēras darā ānyās “ē bhāi engā tanī kunā dud’hi oi’ā kharā ammōnkā sārkan ra’adan,” māhrās ōnāgē ciccas, onāgē bhāi gusan ocas hole ērdasgā ad khēsō manjā darā kērā, adin hō malā ōndas annem hibriyas ciccas. Kānum kānum ērdas gā Gaṅgā niṅkī ra’i darā ā pakkhē karam mann ra’i. Ās mēkhā helras, “ē Karam gosāi barā’e ēng gusan; niṅgan hibirkan aulantin enghai dasā bagrārā aūgē niṅgan beddā barekan. Innāntim annem malā nanon.” Karam Gosāi ānyā, “ēn niṅgusan malā kāōn, hō’odae hole nīnim bararkī engān cōnhātī cōda’ar kī ho’ōē.” Khane ās amnū helras darā khane mulkhdas khane urkhdas, annē annem ajgut gahrī nū ārḥyas kī adin ollagyas kī cōdas darā ondras. Aulantim ormar cān cān Bhādō gahi pun’intī ulmund mundim Karam Gosāi gahi ōhmā pūjā nannar darā Karmās gahi dasāḥhō paltārā darā urb manā helras.

D.—DESCRIPTION OF KURUKH CUSTOMS AND USAGES.

47. PACBĀ ĀLAR.

Ortālas undul bemār manjas kī keccas kēras; khane āsin bassāgē masrā occar darā basyar ciccar; āntile putbiri dālī manḍī occar darā sōrā patgālī gutḥīnū khattā khattā uiyar ciccar, enne bācar kī erpā barcar; “hudi pacbā ālarō nimāgē ciar kāldam, mōkhkē ōnkē darā ra’akē.” Itī ort ālas bācas “pacbā

ālar ṅnnar mōkhnar ba'anar adin ēn ērā kālon," bācās darā kerās darā masrā gustā onta mann nū argyas darā ērā helras; mākhā manjā khane endr erdas, pacbā ālar urkhar darā kachnakharnar kachnakharnar darā khatrnakrā mōkhnar ṅnnar. Khane ort pacbā ālas bācas "anā harō, ortos gē gā mōdharkar;" ār bācar "nēkā?" Khane ās bācas "adā mann maitas gē" khangē ormar ērā helrar; khangē ās ittyas capyas kī bongā helras darā erpānū kēras kī ba'ahelras: "mānim harō pacbā ālar ujjnar darā khatrnakhrā ṅnā mōkhālagyar, adin irkan ra'adan;" anti keckas gahi bhaīs ānyas "bhōjē gā bākim ra'i, igē undul ās gahi nāmetī ontō'on ci'ōn." Aulanti keckā tang bhaīs tamhai erpā mākhā mākhā barāhelras; khane ekā bīrī ormar cūtnar ā bīrī ālar lekham ēknūti bardas darā tamhai allā hō malā bhūki pahē ekāse ujjnā ra'acas ā bīrī ās gane lepher kī kudkī kuddālagyā; annem manālagyas ennēm dīnkī bardas khane jōhā helrar kī sachem ērnar āsim talyas; khane dharā beddā lagyar, hole chayā manar kālagyas, erpānū hō balī latanti kōrālagyas darā mundantā lekbā āl man'ar kālagyas. Antile ṅkkā kā cūta kā ijkas rāalagyas hole āsin dharā beddā lagyar; khane cādēm balī latanti kōrdas kālagyas, ennēm ekā gūti malā bhōjē nanjar ā gūti barālagyas; antile bhōjē āsi gahi nāmetī nanjar; khangē aulanti malā barcas āṅgē ālar ba'anar "ekā gūti bhōjē malā nanor ā gūti ār āse nannar;" āṅgē bhōjē nannar darā pacbā ālar ujjnar ba'anar kī parb tihānū asmā kiener darā khēkhēl nū arki kī kā bōre' tundnar, anti mōkhnar darā onnar.

48. KARAM PARAB.

Kurukhar gahi majhinū Karam onta kōhā parab ra'i, adigē mūndim tim nahrā mannar kī samā nannar; ondrkā khaī guṭṭhiyārin mundim naihārnū ārst'āro'ō cior. Id Bhādo candō gahi ekādasī ullānū manī. Karam ārsnantī āth ullanti mund jauā khopnar, adin calkurnū erpānū khopnar darā ullā nitkī bālkā amm chīchra'ānar adin parbb ullā mējherā gē; iklā karam garnar adinti mund ullā khurṭi bīrī dālī injō darā rakam rakam gahi arkhā kamnar darā aulā pakkā urucnīngā'ā onnar, igē pairinti gā ubusnā manō; arā ennem kukkō kukoe khaddar darā jōkhar pellor hō nē ubasā beddnar ār ubsnar. Karam gararnanti mund mākhan sanjōt ba'anar. Pairī bijgharin tim bēcāgē nādnar, darā pairī bīrī tim jhanā dīndā khaddar



karam tārā kānar, pahē ā ganem malā tārnar kānar kī asānum khāpnar, “emhai karman nēhō ambnar khāpnar neka'ā” bācar darā paddā nū ra'ū absur bīrī dū pahar mannā gūṭī ākhrā nū bēcnar. Bēcō bīrī khēl sōykō jhājh jhālī singār nanjar bājā assnar. Ārsō bīrī manjā hole bēcnantī udrāra'ōr taṅga'ā taṅga'ā erpā kānar. Bēgar kandrā nanam nīdī jharā amman eklā ōnōr. Antlē karam ondrā kānā bērā manjā hole jōkhar assnā bājā darā singār ghughrī caṭr darā kieri hōor' kī kā'ōr darā pēllar hō isung sindrī hō'or darā ormā jōkhar pellar sert'o emnā khajrnā addānū kandrā nanōr em'ōr khajrōr kī bēcnā addā nū kālor. Aulā khōb rījh nanōr darā tamhai urmī atnā pundūrnān attōr darā bēcōr. Eō gahri karman ondrōr kī malā bar'ōr, ā gūṭī bēcnar ra'ōr. Karam ārsyā hole punā absūrim karam nā sindrī cito'or darā baggē nēg cār nannar.

Nē nē pūrnar idāto cutṭe kollorkā bārī attrā ittrā boṅgor nakhrkār kuddnar. Bīrī putbīrī karman ormar majhyācakar tinā debbā assnum pārnūm bar'ōr darā ākhrā nū gar'ōr kī uruṅg bēcōr darā taṅga'ā taṅga'ā erpā kālor. Arā ortosin khāpāgē asan uiyōr, āsgē onṭā jhārā ci'or, darā jhārā' guthī ōnōr darā ākhrānū khonḍōr darā assā pāra pāra ukkā bārī mēkhnar. Kuk'ōe khaddar punā baugi nū ekdan karam dōrō ba'anar aiyā onṭā billin kisgō attkhatī kullnarkī ondrnar darā karman ond bērā kirnar kī taṅga'ā addānū okknar. Ormar khonḍnar khane onṭā manōi darā kullā ondrnar kī nikim cān cān khīrī teṅdas ās manōi nū okkos darā kullāti ekh manōs kī khīrī teṅgā helrōs. Khīrī munjurkantī ormā absū kuk'ōe khaddar ā khīrī tīngusgē alakhrā isung māsi ci'inar darā ormar uruṅg bēcōr kī taṅga'ā taṅga'ā erpā kālor. Antle asmā, bōrē, arkhī onar mokhar kī onghon bēcā bar'ōr, makhle uruṅg khandrnar kī bijta'ā gūṭī nālnar bēcnar. Nannā ullan parnā ba'anar ānu jōkhar caḍ'ōr darā jōkhar pēllor mojrōro'or kī bēcōr; parnā ullā elkhrnā bērā gūṭī bēcōr sannī kā kōhā ormar darā mal absū addō mankhā tarā kālor. Putbīrī manjā hole karman caḍ'ōr darā mund naigas gahi panbharās gahi mahtos gahi erpā kutt'or. Anne annem saṭse paddānū khūṭ khūṭ nū assnum pārnūm kuttā'anar. Urmī gusan pārcā hole assnum pārnūm bōhāb'āge kānar. Bōhābā'ō bīrī urmī atkhān cōkhnar darā kaknā guthī endrā endrā taṅgā bārī amnū hebernar ci'inar darā kandrā guthī nanor; khed khekhān nōrhrōrki āsan alkhrā guthī mōkhor darā kuk'ōe khaddar gahī palkhanjō ra'ō adin khadd kammnar. Antle taṅga'ā taṅga'ā erpā kāor kī jharā asmā mandī amkhī ōnor mōkhor.



49. KURUKHAR GAHI JATRĀ KA'ANĀ.

Kurukhar gahi majhi nū jatrā ka'anā khōb manī. Nik'im Kurukharim kā Khaṭṭarim gahi majhi nū khōb urb manjar darā taṅghai ōhmā cō'dā bīdyar ar jatrā lagaba'anar darā jatrā cō'āgē tamhai khurjin hō uṭhāba'anar. Ār paddā paddantā ālarin eḍar ei'inar kī ārgē tikhil dāli, arkhī, bōdē mankhā onā mōkhāgē ei'inar. Anti jatrā ullā jatrā ṭonkā nū nād pūjā nannar ekāti laucnaknā ambau manānekka'a darā ormar bēs bēsīm erpā kirrnarneka'a, igē nād gē dāre ei'inar. Akkugāennē jatrā guṭṭhi Kurukhar gahi majhi nū ḍhēr ra'i darā abrā nū hō ekdā ekdā gā khōb naujadi ra'i, idatō Muḍmā darā Guṭuantā jatrā abrā ullā darā mākhā hō lagī. Neḍḍā ullā nū Kurukhar jātran cōdnar darā mākhantim ullā birī adhā birī gūṭi khōb bēcnar. Antile udhrār-narkī mandī onā ka'anar, darā mandī onnarkī arṭi birī mukkar mētar khad-darin ho'onarkī jatrā gē urkhnar darā jōkhar tām gane bairakhī, tōpor, khel, damuā, jhājh, sōēko, ḍhōl; ḍhāk, peṇdre, bāk, tiriyo, murli ho'onar kī ka'anar. Ibrāgā urmī surrā saprau talī, ormar ibran hō'ā ongnar darā nēkhai pāṭi ra'i ar kāṛṣ bairakhī rampācalpā, kaṅk gahi lakṛā, aḍḍo, siṅbahādur, mākmarg, teṅgrā, kullā, injō, gōdō darā temdāng darā endran endran jējētā argnar. Ibran nik'im punā kamnarkī jatrā ṭonkā nū argnar hole khōb launā manī, darā jiyā kānan hō balnar annem laucnaknar darā jatrā ṭonkā num sendra tonkantā khisan khettnar. Ibrā metā likhekā urmī saprau Kurukhar ho'onar kī jatrā ṭonkā argnar darā asan ārsnar kī onghon hohkārī nannūṭi jatrā ṭonkan kindrānar, antile taṅga'a taṅga'a buhī mandnar kī urmī bairakhī guṭṭhin majhi nū uīnar darā ormā jōkhar pellar dharnarkī dandī pāṛā pāṛā bēcnar. Birī puttobirī ormar udhrār-narkī nē gā pāhī ka'anar nē gā erpā kirrnar darā paddā barnar kī jakhrā nū hō adhā mākhā gūṭi bēcnar; arā aulā khōb bōde arkhī onnar darā pāhī ērāge ar gē khēr, kiśṣ piṭnar darā ondkā mōkkantī pāhiar erpā kirrnar mak'le ullend gūṭi hō pāhī onnar.

50. KURUKH BEŃJĀ.

Pūse anti Māghe candō nū Kurukhar beñjnar. Mundā beñjantī mund beñjru'u kukkos gahi tambas pāb id'us gahi lēkē ek'am paddantā ek'am ortos gahi taṅgdan ānta'adas; ās kādas arā kukoe gahi taṅgyō kā tambāsin mendas,



“ek'am tarti i ninghai kukoe ge ārsor hole bēcor kā malā?” Antile kukoe gahi taᅅgyō tambā ānnar “ek'am tarti idnam ārsor holegā kukoen bisom.” Khane pāb'id'us enᅇ tartā kathā guᅇin atrā itrā ho'odas onᅇrdas anti enᅇ tartim kathā ukkā hole pāhī gē kānar barnar. Kukkos kā kukoe tartile kalō bīri ālar sagun īrnum kānar, atī ār ērā anti akh'ā beddnar īr gahi beᅅjā tᅇaukan manō kā malā. Kānum kānum eksa'anum chucchu kā coᅇᅇo keekā khakhor kā ēror hole ba'anar “ībrar gahi beᅅja dau mal manō” pahē annuhō beᅅjro'or hole kukkos kā kukoe nīd'im cādē gā khēor kālor, ī cādē ībrar ambarnakhrnar. Mundā kalō bīri murkhur dhicuan mennar, hole ba'anar “īdgā anthan dau sagun manjā,” itī ār orᅅnar “ī punā khai.khōkhā nū onᅇā narmiyā, dhiriᅅā, conhā anti nalakhnanu āli manō.” Pābe nū eksa'anum mārā bassnan ērnan hole hō ba'anar “ībrā punā biᅅj'rur gē kharā dau talī,” ār ghokhnar “ībrā kukkō kukoe gahi punā kundrnā manalagī, īr īrbārim paenā gūᅇi juᅇi pāᅇi ra'a onᅅor. Eᅇpā ārskantī barōbīri endran endran pābē nū menjar kā īryar abᅇā guᅇi teᅅgnar arā mennar. Punā pāhiyar gahi barckō bīri anm aᅇi khottro'o kā billi tēbro'o hole hō “sagun bēs mal manjā” ba'anar kī kaenakhrnar, mundā ennē malā manō hole gā daulem onā mōkhāgē cī'inar. Ār pāhiyārin khedd nōᅇnar anti khedd nurhu āli gē pāhiyar onᅇā dhibā cī'inar. Khōkhānū kukkō arā kukoe tartar ond addā num oknar darā kaenakhrnar. Pāhiyar gē arkhī onᅇrnar kā erpānū jhārā tundnar, antile ormā mukkar mētar onnar mōkhnar, kukkō kukoe gahi bārē nū mennar arā teᅅgnar. Gōᅇr enᅇ tūrtādim onᅇam manō hole gā beᅅjā malā cīenakhrnar. Ār orᅅnar “ībragā onᅇā erpantā talnar, īr gahi beᅅjā ekāse manō īr īr'barim ond kūliyar manjar,” mundā naunā nannā gōᅇrantar gane beᅅjā cīenakhrnar. Kukko arā kukoe gahi kundrkā cān guᅇin mennar teᅅgnar. Enᅇ tartarim pattārnar hole pattārkā gahi cīnhā ēd'āgē enᅇ tartā khēppar co'onar arā saundhī saundhī ba'anum barin dharnar antile eᅇkhon emsernakhrnar anti okknar. Ondkā okkā khōkhā taᅅg'a taᅅg'a erpā kīrnar kānar. Enmem beᅅjā argō mannā gūᅇi enᅇ tartim pāhī ka'anar barnar, beᅅjā gahi ullān cājnar. Pāhī edkā kukkos tartile hō erpan arā kukoen ērāgē ālar kānar, ār hō sagun guᅇi ērnum kānar pābē nū urmīdim kōᅇe kōᅇem manjā hole kukoe gahi erpā gūᅇi ārsnar anti kukoe tartar hō ārin khedd nōᅇnar arā pāhī khōjnar. Ībīrim dāli dhibā gahi kathā othornar, ābīrim enᅇ tartarim anā manā alkhna gahi kathan kaenakhrnar. Kukoe tarta khēppar mennar anti kukkos tartā khēppar teᅅgnar.



Kukoe tartā kheppar: “Nim ekā ortar taldar, ekā tarti barekar, anti endran beddar, em niman baldam.” Kukkos tartā kheppar; “Em kharā geohanti barekam, gollas gahi cirkhī ondrkam be’edam, pūttbīri iyā ārskam, i paddā nā ha’i i erpānum emhai ontā osar bachiyā kanyā kōrcā, em irkam, ad ēōdā ēōdā ulanti ibsirki bi’i innā em adin iyā khakhom.”

Kukoe tartā kheppar: “Anti niṅghai osar ekāse ra’i, khēsō kā mokhārō kā paṅdrū endr adi gahi marag hō ra’i, nin adin akh’a oṅgor?”

Kukkos tartā kheppar, “Ha’i, mānim em adin akhdam, ad eṅghai dim tali.”

Kukoe tartā kheppar, “Akkun endr ā osar gahi mulli oi’ā oṅgor, em adin bidkam, pōskam be’edam, adi gahi kharā baggī dhibā manō,” ba’anar darā “bisoy eṅd doye, kā bisoy eṅd ūrū kā ond bisoy doye rupiā ba’adam” ba’anar.

Ennem kachnakhrnum, alkhnnum dhiban etta’anar arā pāce rupiā dālī dhibā manī, adan hō doye nākhe annan oṅtā rupiā kamnar, idi lekh’a nū rupiā nākh anti so’e annā manī, anti idim Kurukh beṅjā gahi dāl dhibā tali.

Beṅjā ullā hedde bar’i hole kukkos gahi tambas kukoe gahi tambas gusan pāb’ed’us ti ānā taidas, anti ās mendas “beṅjā iklā manō?” Khane kukoe tambas teṅgdas “eṅgdā hannī ullā kundrā anti āulā adi gahi beṅjā mal manō,” anti beṅjrkā khōkhā tainā ullā hō mundim oājnar arā ānnar “i ullā taiyā gē thaukam manō, ad dau mal manō.” Ibrā urmī manjā ā khōkhā nū barāt kālāgē saprārnar. Beṅjā kālōbīri jōk jharā amn khēkhēl tundnar paobālargē, antile khusmārnā gahi cinhā gē kārsā cōdnar, kānantī mund uruṅg ealīnū assnar, pārnar, nālnar. Kārsā nū oṅtā khaj gahi bhandā tali adin khēs gahi bāl ti tessnar, pūp mējhnar anti orot mēt arā āli adin kummū darā naltā’i, antile barāt kālī. Beṅjr’ū kukkos anti oṅtā khandā anti oṅtā firin ho’odas arā kāadas; ibragā mēt arā saṅgiā mannā gahi oṅtā cinhā tali. Beṅjā ālar paddā gusan barnar hole kukoe tartar hō nālnutim urkhnar anti eṅd tartarim ond addā num khōndrnar, arā nālnar, asan uruṅg paikī dēgnar, ā birim kukoe tartilē mukkar lōtā nū amn ondrnar arā ṭatkā dahurātī beṅjr’ū kukkosin arā pāhiyārin chitka’anar antilē ār erpā kōrnar. Beṅjr’ū kukkos taṅghai khandan anti firin dharar chāchem ijkas ra’adas, khane kukoe tambas kā taṅgdādas barar kukkosin pākdas antile maṅdbā ulā ho’odas asan ās gahi kheddan nōrnar.

khōkhānū āsin erpā ūlā kukoe gusan mankhnar. Kukkō kukoe irbarim iĵnar, kukkos kukoe gahi khōkhā tarā iĵdas, antile tanghai epđ khedđ gahi āngliti kukoe gahi gudkhin emserdas, kukkos gahi ennē nannā kukoen tanghai āli kannā gahi cinhā tali, anti kukoe āsin tanghai gudkhin emsera'a oi'i id tābē nū mannā gahi ontā cinhā tali. Ennē manjkā khōkhā ār irbarim ontā pitrinum okknar, ā pitri kiyā maitā jargan u'inar, ennē mannā ābrā irbārim mukkā mēt mannā gē āsan gachrtā'anar. Kukkos tanghai debbā khekkhā gahi nākhtā āngliti kukoe gahi kaprēnū isung arā sindri tuddas, anti kukoe hō tanghai debbā khekkhantā nākhtā āngliti kukkos gahi kaprē nū isung arā sindri tud'i, id gā tām tām nū beñjrnā gahi ontā cinhā manjā. Beñjā addā gusan ontā ugtā anti ontā pagsi kukkos gē, kukoe gē patcācā ontā, ontā luḥi u'inar, ugtā arā pagsi mētas gahi oikhī anti nalakh gahi, patcācā arā luḥi mukkā gahi kunnā darā nalakh gahi cinhā gē ra'i. Asan kaṭikunā dubbā jargan ondrnar, itti punā beñj'ur gē ujnā baggi ūllā mannan ēdnar, kā ir irbarim kōre kōrem arōkhusmārnū tamhai ūllan khēp'or. Beñjro'o biri kicriti ārin ochor nannar, antile beñjā gahi nēgeār ort paccō āli nani, adi gahi mētas ujnūm ra'adas, hole ā paccō kukkosin arā kukoen beñjō biri beñjā gahi kathan jōk tiṅgāba'i:—

Kukkosin, “Erā Hanni () id hanni () ninghai mukkā manjā; nalakh nanō biri kā akhhā tokkhō biri mannti khatro'o arā khedđ khekkhā esro'o, kā kādī kā sōḍī manō, kā ek'am sastiti adi gahi mūhī mutṭhan bigrārō, anū hō idin ambkē ambā, endrānim id ningāgē bit'o, adinim onkē mōkhkhē arā tarkae ra'ake anti nannā ek'am orti tarā ambkem ērā.”

Kukoen “An Hanni yō—ērā'e Hannis—ninghai mētas taldas, ās nalakhgē kā sendrā bēcāgē tōrang kā partā kālos, ās gahi khedđ kā khekkhā esro'o kā kāḍā manos, hole nīm āsin ambkē ambā, endrānim ās ondr'os adinim bit'akē arā oi'ikē anti nannā ekam ortos tarā ambkē ērai.”

Beñjā manjkā khōkhā nū ormā ālar onnar mōkhnar. Idhī makhhā biri kukoen tainar ā biri erpantār nid'im adin pāknar arā jok geohā paddānti othornar oi'inar. Antile kukkos tartar adin pāknar arā ho'onar, khane kalō biri kukoe ennē bāc bāc oikhī, “an ayō, anā bābā hoe, anā dādā bagārō, nim engan ohipā lōtā lekh'a erpanti othorkar, khal sārē lekh'am engan hibrkar.” Aulā āli gane irb nub kukoe bagar kānar anti jōk ūllā adi gahi ergī hēbrnā guṭi ra'anar. Antile khōkhānū ād otkhīdim kāli bar'i.

51. KHADDĪ PARAB.

Phagū kerkā khōkhā nū khaddī candō ārsī hole ār khaddī mannār; Khaddī bīri urmintī kōrhe jhakkran kā cālā paccōn ōhmā nannar, anti adi gē dārē argnar. Iklā khaddī manā gē ōr man'ī aulam Naigas arā Iṛbus, anti ār gahi mukkar pairī bīrintim ubsnar. Naigas anti Iṛbus irbarim paddā nū erpā erpanti jōk jōk ābdā tikhil ūjnar, anti mukkar ābdā tikhil Naigas arā Iṛbus gusan ondrnar, Naigas jōk ābdā tikhilan mukkar gē kirta'adas, ennē mannātī Naigas urmī erpantā khurjī pājā nū dau ci'idas. Mukkar Naigas gustilē injrkā tikhilan erpā ondrnar arā tanghai erpā ūlā cākhnar, ār orgnar "ennē nanā khane erpantā khurjī pājā baggē manō." Kukc cappō bīri Naigas anti Iṛbus anti cōdā ālar nēg gahi ālon jhakkā kā cālā paccō gahi nemhā aḍḍā gusan ho'onar, idāto khēr ābdā tikhil, ābdā mēr punā arī, kaṭṭū, tauā, dābnā anti isung arā sindrī, punā kāntō, kalchur anti naur pūp, oṅṭā kēter ād can bīrdantim Naigas gē cickā ra'ī, ās ā kēternum jōk ābdā tikhil arā naur pūp u'idas, jharā arā arkhi jōk ābdā tikhil guṇḍā, ibrā urmī ālon Naigas sarp'ādas antilē nēg nanā gē ōr nandas. Iṛbus idhī mākhā ond cirkhī amm punā arī nū ninddas arā jhakkā gusan ārstādas. Mākhā bīri nindkā amm arintā jōk battī hole ālar ānanr "idnā cēp jukkī manō," mundā arintā amm mā battī hole ālar ba'ānar "idnā baggi cēp pōeō." Naigas mund emdas antile nēg nanā gē ōr nandas. Urmintī mund Naigas jhakkā mann mūlī nū ābdā tikhil guṇḍan bīḍdas, antile ābdā tikhilan aḍī mūd jōk jōk khattdas arā u'idas, adin khēr pittī mūkhī, hole ālar kachnakhnar "jhakkā pattārā." A khōkhānū Naigas jhakkā man mūlin isung arā sindrī tuṇḍdas, pār mund ābdā mēran mannū pojdas idāto jhakkran punā kicrī kurtādas, adin beṅjdas, khōkhānū tān isung sindrī kaprē, end bari cōkh arā khēbdā guṭhī nū tuḍurdas. Khēran asan erbdas arā Naigas gohrārdas arā ba'adas, "Anai jhakkā paccō nin kōrē, kōrem idnā cēp amm taikē, paddā erpā palli, khal ukhri anti urmī khurjī pājā nū dau ci'ikē;" antile urmī nād guṭhī gē oṅṭā oṅṭā khēr asanum erbdas. Punā arintā annutī Iṛbus surhī maṇḍī bit'ādas. Maṇḍī argī bi'inā guṭhī Naigas jōk khēppar gane paddantā khūri khūri kuddas arā mukkar gē naur pūp khattdas, arā cālā gusan kirrdas, ennē Naigas khēppar gane assnum pārnum kēter arā pūp ho'odas anti mētarin surhī maṇḍī onā ē



ērāgē paddā kōrdas. Ennem ās arā kheppar pār mund paddā kānar barnar,
kālō bar'o bīri ennē ḍandī pārnar:—

Sarindā gosāī sārem
Hiyō hī daldal hiyō hī,
Harē khaddi nanōt
Harē faggu nanōt
Hiyō hī daldal hiyō hī
Sarindā gosāī sārem
Innā khaddi kērā
Nēlā faggu kērā
Hiyō hī daldal hiyō hī.

Surhī mandī bickā khōkhā nū nubb kā pañce ceplō guthiyar mund onnar,
ā bīri Naigas urmī nād guthī gē khēr gahi umbalkhon arā suḥī mandin
argdas, antile ormā kheppar onnar mōkhnar.

Bīri puttī khane ortos Naigasīn pākdas arā erpā ondrdas, cālī nū ās gahi
kheddan Naigī nūri, anti ās erpā kōrdas. Aulam Naigī hō paddantā
ormā mukkar anti khaddargē taṅghai erpā nū mandī bit'i arā ormārin
ont'i mōkht'i darā khusmārt'i. Anti putt bīri Naigas taṅghai erpānū naur
pūp kherdas. Pairī bīri ās ormā addiyar gahi erpanti ōr nanar gauror gahi
erpā gūṭī naur pūp kherntim kādas, ā birim mukkar Naigas anti Iṛbus
gahi kheddan nōḍnar arā ond aurkā ābdā tikhil arā ontā dhībā ei'inar, khane
Naigas passtī nū injrdas pahē jok tikhil arā pūp ās mukkar gē kirt'ādas, adin
ār tamhai kēternū injrnar; ā birim Iṛbus mesgā māiyā amm tuṅddas adin
mukkar taṅghai kēternū injrnar arā erpā māukhnar, ennē nannā tile abrar
orṅnar "em Naigas tartile dau khakkhdam." Naigas ibrā urmī nēgeār
nanjkhādas, khane taṅghai kēteran ontā khēr erhdas arā taṅghai erpā ūlā
okt'ādas, anti ād oan malā birdā gūṭī ās gahi erpānum ra'i. Ennē ennē nēgeār
nannātī Kurukhar orṅnar "akkū urmī nād guthī taṅg'a taṅg'a aḍḍā nū
ukkyā khōkhēl benjra." Ār taṅghai nalakh nanāgē ōr nannar, arā ba'anar
"ui'ā khosā bihni cākh'ā, akkū endr elenā hō malā manō, ouā mōkhā, kōrē
kōrem ullan khepp'ā."



52. KURUKHAR GAHI KUNDĪ.

Kurukhar nid'im khe'endar hole aulam bassnar. Obā kā mātā tī khe'endar arin māndnar ei'inar, antile eiṛḍi gali āṛ gahi māran bassō birī kukkan khedḍ eappō tarā mannar arā bassnar, ulkā khōkhā nū kukk, khedḍ, khēkkhā anti raggantā oṅtā oṅtā khocol pesnar. Māran bāssnantī mund emt'ānar arā isuṅg khassnar kaprenū sindri tuṅdnar anti bainū mandī arā dḥiba tīndnar. Paddantā ormā paccō mukkar jōk jōk khess keekā alas kā alī gahi eālī nū ondrnar arā ās kā adi gahi erpantī hō jōk khess oṭh'rnar antile māran kicri bāenar darā sāre nū cednar darā masṛan gusan ho'onar, asan kaṅkti oṅtā sarā kamnar darā mēdan bassnar. Kālō birī jōk jōk khess pāb nū eākhnutim kānar. Erpantile māran oṭh'rnar hole erpan egnar arā cindan bindnar arā balin muenar. Masṛā gusan ārsnar darā kaṅk maīyā māran u'inar, antile erpantā urbas pār mund keekas gahi bai nū eic tī dāgdas, khōkhānū gottā mēdan oldnar. Masṛā gusan dīndā kukkō, kā kukoe khaddar kā pellō ali guthyar mal kānar. Mēd oldkā khōkhānū mukkar khedḍ khēkkhā nōḍhornar darā erpā kirrnar. Balin tisignar arā ērnar erpā ulā cindnū endr endr cambi manjā kā malā, cindnū ālar gahi kā berkhā gahi khedḍ cambin ēror hole ba'ānar "isin kā idin bis'hā gutḥi kā nād mokhā," mundā cindnū mēr gahi cinhā ērnar khane orgnar kā "isin idin Dharmē occā." Mētar hō khōkhānū erpā barnar, asan āṛ keekā ālas kā alī gahi nāmēti oṅtā kissan pitnar arā adi gahi jōk ahran pannpik gane mocnar arā erpā bali gusan māndnar. Paddantā ormā mukkar pacbā āl tikhil ondrnar. Mētar muṅd gotēng oitkhā atkhā tī oṅtā dhukri oṅnar ayā oṅtā kā mundōṭe injō arā kaṭikunā baṅgur arā manī sajnar anti jōk goṭmāsin pūkhnar arā mandī gane aṅran mund gotāng patgālī nū khāṭnar arā kēternū u'inar arā khocol pesā kālō birī māsrā gusan ho'onar darā kukk tarā u'inar ei'inar, māsrā kālōbirī pacbā āl tikhilan eikhnum kānar. Keekar gahi urnī pōrentā oṅtā oṅtā khocol pesar punā sanjgi nū u'inar, antile erpā gahi khōkhā tartā cankhī gusan māndnar. Khocolan kūḍi nū argi huḍāba'anā guti ullā ullā khocol māndkā addā gusan ond khētā mandī āṛsta'ānar. Cirdi khocolan āṛ kūḍi nū huḍāba'ānar. Kurukhar eirdi gali keekā ālar gahi anti Pūsē candō beñjā gahi nēg nannar. Kurukhar orgnar kā keekā ālar gahi khocolan kūḍi nū argi huḍāba'anā guti



erpā arā ālar sottrā mañjkar be'ēnar, aṭṭi beñjanti mund ārgē nemhā mannā cār ra'i. Khocolan kūḍi nū ho'onā gahi nēg ennē nannar, mañḍkā punā sanjgin othrnar arā adin pūp mejhnar, anti asmā kuḍnar arā attī pūn kamnar darā adin atta'anar antile khocolan kūḍi nū etta'agē assnum pārnum khocol gahi sanjgin nalta'anutim kānar. Umdā mund kūḍin ēgnar, balkā amm ēchnar astā cācānū sindri tūḍnar arā aḍḍan nemhā nannar anti khocolan huḍāba'anar. Ibrā urmi nēg gā keckā ālarin pacbā ālar gusan ārsta'agē Kurukhar nannar. Kūḍi khāpnū kā nālnū kamekā ra'i. Nē tamhai addi paddā nū malkar ār tamhai keckā ālar gahi khocolan adi paddantā kūḍi nū ārsta'anar. Pahē akkū tamhai ra'anā paddānum addiyar gustile aḍḍā khēndā khēndā abgam ālar tamāgē kūḍi kamnar. Ī nēg nanō birī hō kharā baggē onnā arā mōkhnā manī.

E.—RIDDLES = AKHNĀ KATHĀ.

No. 1.

Pandrah bhair ra'acar, ār gusan ontā asmā ra'acā, adin caudā bhair ugin kocā mokhar darā kōhasgē phin sausem cicar, endrā tali? Candō.

No. 2.

Ontā āli ontādim khadnum pacci; endr tali? Kērā.

No. 3.

Ontā kukkos kundras, khane cār ṭhur khedd ra'acā, jōkh manjās, khane end khedd manjā, pacgi manjas, khane muñd khedd manjā. Ālas.

No. 4.

Ūlā kukk darā malyā panjrā, adi malyā ērā poṭṭā. Carkhā.



(71)

No. 5.

Kiyā ṭhathrā, mafyā hō ṭhathrā, maj'hinū nāli mokhāra pathrū. Kiori
essnā dōngī.

No. 6.

Koṅkrō boṅkrō dasse bhair argē kukk malā darā kūlnū bai ra'i.
Kakrō.

No. 7.

Taṅgyō bhaku'a taṅgdā ṭhaku'a. Magī.

No. 8.

Khoṭka khasi, merkhā tarā mēu iri. Khess nārā.

No. 9.

Nannā paddānū cio lagyā, nannā paddānū mojkhā ou'i, nannā paddānū
gohār nannar. Endr tali? Hukkā.

No. 10.

Ontā ālas taṅghai ālō nū cio lagābācas darā alkhdas : akkū engāgē dhiba
khakhrō. Kumb'har.

No. 11.

Ālarin iri ki balin mucī. Ghunghī.

No. 12.

Ujō birī oṅtā nāme, piṭkantī sahasr nāme. Endr tali? Bās.

No. 13.

Ulā ahrā bahri poṭṭā. Mōrā.

No. 14.

Ulā khāmi bahri kāth korōbā. Gungū.

No. 15.

Oṅtā pūp ulla birī dolkh dolkhī, mākhā birī bindri'i. Endr rāi?
Pitri.



(72)

No. 16.

Oṅṭā pūp ulla bīri bithrārī, mākhā bīri domphī'i. Kullā.

No. 17.

Oṅṭā mann nū bāgrkādīm bāgrkā. Kōrnjō.

No. 18.

Ort kukkos pairī bīrim duban māndas, kukk cappō bīri urkhdas.
Endr rāi? Osgī.

No. 19.

Ort kukkosin paknar khane oḷkhdas, kidnar khane chachem ra'adas.
Endr tali? Dhāk.

No. 20.

Ort kukoe ir'rī nippī kī collā nū ukki ra'i. Endēr? Bāgarkā.

No. 21.

Ort kukkos kōhā saungīā, khōb jōr uiyu ālarin hō patkādas. Nē
taldas? Bōr'e.

No. 22.

Ort kukkos koṅkō soṭṭan oedkas kuddas. Ēkam ortas? Allā khola.

No. 23.

Ort bēl kukkos endran hō malā sahdas. Nē hēkdas? Khann.

No. 24.

Urmī pūpantī ekdā sobhi'i? Kiorī.

No. 25.

Kālō bīri kērā, bar'a pullī. Endēr rai? Cār.

No. 26.

Kālō bīri khaiki kāi, bar'ō bīri dhirdhirkī bar'i. Endr tali? Ari.



(73)

No. 27.

Khackā kaṅkaṅtī amm pajhrār'i. Kōlhū.

No. 28.

Cughūi Cughūi coṅṅā kukk maḃyā fudnā atkhā kītan. Ne akh'i?
Nerr.

No. 29.

Chipī chipī amm nū gisō injō uḃrār'i. Fatkhā.

No. 30.

“Nīn isānīm ra'a, ēn rājī kuddā kādan.” Ennē nē bā'i? Cambī.

No. 31.

Belas gahi barchan nē dhara'a oṅṅō? Cio.

No. 32.

Muḃhī nū sam'i, muḃhī nū malā sam'i. Endr ra'i? Kullā.

No. 33.

Mokhārō khasī gahi paṅḃrū ahrā. Adin akhdar? Māsī.



PART II.

SONGS=DANDĪ.

1. SARHŪL JĀTRĀ GAHI DANDĪ.

No. 1.

Dhirem oṭijoe Corēyā pellō
Mētās niṅgan bhokronti ērdas
Pairi bīri Corēyā pellō
Mētās niṅgan bhokronti ērdas.

No. 2.

Dhirem ṭhokā gisō chailā
Mainā pellō niṅghai ērāla'i
Pairi bīri ṭhokā gisō chailā
Mainā pellō niṅghai ērāla'i.

No. 3.

Dhirem ṭhokoe bhejoli gō
Dhūli rīrō argalaggi
Pairi bīri bhejoli gō
Dhūli rīrō argalaggi.

No. 4.

Nanē nanē pōk arkhā
Jiyā niṅghain koe pōso'e kā mal'a ?
Pairi bīri pōk arkhā
Jiyā niṅghain koe pōs'oe kā mal'a ?

No. 5.

Nannar gahi maṅḍi kōrē kā koe
Partā heddenū nari'ālagdi
Pairi bīri kōrē kā koe
Partā maiyā nari'ālagdi.



(75)

No. 6.

Namāge cāuar khendā kēras
Iklā malā iklā bar'os
Kalkattā cāuar khendā kēras
Iklā malā iklā bar'os.

No. 7.

Namāgē paggā mallā tā
Namāgē paggā bandidim ra'i
Pairi bīri paggā mallā tā
Namāgē bandi paggādīm ra'i.

No. 8.

Namā hō kōrā kēras
Iklā baro's iklā malā
Nannar gahi āsē nan'en
Iklā malā iklā bar'os.

No. 9.

Nalakhān nanā koe laṅḍī pellō
Hudur hudurā nū kirā bar'alagī
Pairi bīri kōe laṅḍī pellō
Hudur hudurā nū kirā bar'alagī.

No. 10.

Namāgē beṅjroe koe
Diṅḍā pellen bhejjā dhar'oe
Pairi bīri beṅjroe
Diṅḍā pellen bhejjā dhar'oe.

No. 11.

Nāmē jagarki kundī pellō
Niṅg mētāsin cullō tī lauckī
Hai khaddi pairi kundī pellō
Niṅg mētāsin cullō tī lauckī.



(76)

No. 12.

Nāsgō gahi punā kieri
Pokoe pōḍoe manālagi
Bhejjā bēcō birī tokoe
Pokoe pōḍoe manālagi.

No. 13.

Niingan ērēdan ērēdan
Malā etherdae eksan ra'adae
Bhejjā bēcāgē ērēdan ērēdan
Malā etherdae eksan ra'adae P

No. 14.

Niingan koe niingiyō
Kuhū lekh'a jogābā'i
Jōkhar gē niingiyō
Kuhū lekh'a jogābā'i.

No. 15.

Niingāgē erkhō, nārī kūr'i
Eṅāgē erkhō, kollam laggi
Pairī birī erkhō, nārī kūr'i
Eṅāgē erkhō, kollam laggi.

No. 16.

Niingyō koe pellō saihā nanjā
Thatherā bali nū sindiri ra'i
Pairī birī saihā nanjā
Thatherā bali nū sindiri ra'i.

No. 17.

Niingiyō, paccō kecā darā kērā kō
Niingāgē deōrā, nēhō tihā malā nannar
Pairī hīri keccā darā kērā kō
Niingāgē deōrā, nēhō tihā malā nannar.



(77)

No. 18.

Niṅgiyō pellō kharā rijhābā'i
Bijim'ta bhejā dhamesā laggī
Pairi birī kharā rijhābā'i
Bijim'tā bhejā dhamesā laggī.

No. 19.

Niṅgiyō hole kēbō koe
Nimbas hole mugarā ti lauos
Pairi birī kēbō koe
Nimbas hole mugarā ti lauos.

No. 20.

Niṅgis khedō do ayāṅg
Tūsā kērā darā malam bar'i
Aṛin khuṭiyā do ayāṅg
Tūsā kērā darā malam bar'i.

No. 21.

Niṅghai erpā raṅḍī paccō
Niṅghai erpā nū kharā joro manī
Nannā mēt nanna raṅḍī paccō
Niṅghai erpā nū kharā joro manī.

No. 22.

Niṅghai dulhas koe pellō
Terhai barsi nū paredālagdas
Dhirijā nanai koe pellō
Caudhai barsi nū paredalagdas.

No. 23.

Niṅghai pārikān pellō pāriyā
Polloe ko'e dharnā muṅḍri pāṛā
Pairi birī dharnā muṅḍri pāṛā
Niṅghai pārikan pellō pāriyā



(78)

No. 24.

Niᅅhai mukkā pareā maᅅi kō
Niᅅ mētāyō muguran dhār'ā
Pairi birī pareā maᅅi kō
Niᅅ urbāyō muguran dhar'ā.

No. 25.

Niᅅ urbāyō bōr'e jharā ondae
Kaᅇāpi gamak bar'ā laggi
Pairi birī bōr'e jharā ondae
Kaᅇāpi gamak bar'alaggi.

No. 26.

Niᅅ kō mahtō jōkhai
Niᅅhai dharnā pellon siᅅgār nanā
Pairi birī mahtō jōkhai
Niᅅhai dharnā pellon siᅅgār nanā.

No. 27.

Niᅅ koe beᅅjerkā pellō
Niᅅ koe munugā kharāgē kādi
Pairi birī beᅅjerkā pellō
Khurti birī munugā kharā'gē kādi.

No. 28.

Niᅅ guᅅram cāl malā nandai
Khane bēkar ekan laggi
Pairi birī cāl malā nandai
Khane bēkar ekan laggi.

No. 29.

Niᅅ chailā kōrā kādai
Niᅅhai dharnā pellon nē siᅅgār nanō
Pairi birī chailā kōrā kādai
Niᅅhai dharnā pellon nē siᅅgār nanō.



(79)

No. 30.

Nin bhaiyā rē khūrī ra'adai
Pellō niṅghai ākhrā nū ēralaggi
Pairī bīri khūrī nū ra'adai
Pellō niṅghai ākhrā nū eralaggi.

No. 31.

Nin bhaiyā hāsā pōsdai
Hāsā niṅghai ghurri okkālaggi
Pairī bīri hāsā pōsdai
Hāsā niṅghai ghurri okkālaggi.

No. 32.

Nundim khōrē dimbō bōhā
Pellō maiyā hilō ḍōlō manī
Pairī bīri dimbō bōhā
Pellō maiyā hilō ḍōlō manī.

No. 33.

Nēkā tali ko guṅgū jaunī
Nēkā tali ko ranḍi pellō
Pairī bīri nēkā tali guṅgū jaunī
Nēkā tali ko ranḍi pellō.

No. 34.

Ān khadarō baredar
Cāli nū tiriyo ra'i
Jōkhhar pellor baredar
Cāli nū tiriyo ra'i.

No. 35.

Nēkāgē uiyā kādai
Nēkāgē khosā kādai
Niṅgiyō nimbā malā beñjor
Nēkāgē khosā kādai.



No. 36.

Nēkhai mokhārō mankhā
Bēlas gahi hajurē piṭar'ālaggi
Namhai mokhārō mankhā
Bēlas gahi hajurē piṭar'ālaggi.

No. 37.

Paciyas ba'adī koe khayā rōyrā pellō
Lauon pellō cepetē nanon
Pairi bīri koe khayā rōyrā pellō
Dhīrem lauon koe cepetē nanon.

No. 38.

Pachi rē gōlā naḍḍō
Gōndri biyan tirikhālaggi
Hāy dharmē ender nanon
Gōndri biyan tirikhālaggi.

No. 39.

Pāndrū khākhā mokhārō bakilā
Ekesan beddoe pāndri pellō ?
Pairi bīri mokhārō bakilā
Ekesan beddoe pāndri pellō ?

No. 40.

Patran kibā laucā
Pellōgē dau bana'ālaggi
Pairi bīri kibā laucā
Pellō gē dau bana'ālaggi.

No. 41.

Pārā cī to koe Murtō pellō
Dāḍḍin menoe arā dhīrem ṭhokoe
Bhejjā bēco bīri ḍaḍḍi menoe
Anti dhīrem ṭhokoe.



(81)

No. 42.

Pārus gahi rōbā id'ā
Pellō ambkkē kalā
Bhejjā bēcō birī malā dhardas
Pārus gahi rōbā id'ā ambkkē kalā.

No. 43.

Punā khaiyan ullā mākhā
Hai rē bhosōdī parmālaggī
Pairī birī ullā mākhā
Hai rē bhosōdī parmālaggī.

2. CIRDĪ ḌAḌĪ.

No. 1.

Kōrā rāji kerkai kō
Bujhur bujhur jīyā kalpālaggī
Pairī birī kerkai malam bardai
Bujhur bujhur jīyā kalpālaggī.

No. 2.

Kōre kōre ḍaḍḍin pārā kō pārū
Pačbāl ērāgē kālōt
Mal kōrē ḍaḍḍin pārā kō pārū
Pačbāl ērāgē kālōt.

No. 3.

Koṅklō koe pellō rōbā id'ā kērā
Bakilā lekh'ā layā koyā manī
Sāban Bhādō rōbā id'ā kērā
Bakilā lekh'ā layā koyā manī.



(82)

No. 4.

Koroñjō pūpan kurđi koe
Ekā lekh'ā rijhubar mandi
Kēter kēsō birī kurđi
Ekā lekh'ā rijhubar mandi.

No. 5.

Koroñjō mann nū
Tetengā aregālaggi
Mai kukoe kholānim dharecā
Tetengā aregālaggi.

No. 6.

Khatardī hole khatar ṭatkḥā
Malā hole kirim bi'ōn
Pairī birī khatar ṭatkḥā
Malā hole kirim li'ōn.

No. 7.

Khaddi caudō ēdā koe pellō
Naur pūp tilāidim rai
Pairī birī ēdā koe pellō
Naur pūp tilāidim ra'i.

No. 8.

Khār nū onṭa injon koe
Kirkirā munjiyā mokhā
Bār ēroe oēdā pellō
Kirkirā munjiyā mokhā.

No. 9.

Khūri khūri pellō man beddā kādi
Man niṅhai pellō kōdā nū rai
Mētaṅgū pellō man beddā kādi
Man niṅhai pellō kōdā nū ra'i.



(88)

No. 10.

Kheddantā dhūlin kheter koe
Niṅgyō kharā kēbalaggi
Nimbās gā malā kēbdas
Niṅgyō khara kēbalaggi.

No. 11.

Khōkhā tarā ambā bēcā ambā hō
Jiyā eṅghai pellō bēkār ekan laggi
Pairi birī pellō biēdi koe
Jiyā eṅghai pellō bēkār ekan laggi.

No. 12.

Khōkhā tarā pellō biēi kā
Karrī ghōrō lekh'ā lathar'alaggi
Birī argō birī biēi kā
Karrī ghōrō lekh'ā lathar'alaggi.

No. 13.

Gaṅgā tūrē nān koe pellō
Nāri kōrnā niṅghai kōrē manō
Pairi birī nān koe pellō
Nāri kōrnā niṅghai kōrē manō.

No. 14.

Barekē barekē ba'adai juri
Bardan khane Jhariyā ka'adai
Hē pairi birī ba'adai juri
Bardan khane Jhariyā ka'adai.

No. 15.

Bar to koe bannā kieri pellō
Bar to koe bhejjā janū tōkto'on
Jātrā pairi bannā kieri pellō
Bar to koe bhejjā janū tōkto'on.



No. 16.

Bar to koe bhejjā dhardan
Khekkā dharnāgē ender manō
He pairī birī bhejjā dhardan
Khekkhā dharnāgē ender manō.

No. 17.

Bās'i gulaicī pūp
Dhirem nukar'ātaggi
Pairī birī argō birī
Dhirem nukar'alaggi.

No. 18.

Biṇḍo bisiyā biṇḍō bisiyā
Manekhā khendāgē kāli
Pairī birī biṇḍō bisiyā
Manekhā khendāgē kāli.

No. 19.

Biārkhō machindar dēōtā
Kaṇḍō lekh'ā urukhālaggi
Kāl pellō ērāgē kāl koe
Kaṇḍō lekh'ā urukhālaggi.

No. 20.

Bēcā gā cikkat bhāi
Naṅāgē nē maṇḍī ci'ō
Pairī birī cikkat bhāi
Naṅā gē nē maṇḍī ci'ō.

No. 21.

Boṅgā boṅgā pellō naihar kādi
Ayōdular pellō eō ullā ra'ō
Sāsudulār pellō janm jugā
Ayōdular pellō eō ullā ra'ō.



(85)

No. 22.

Bongoe koe landi pellō
Telg'ae khaṇḍā tī launar
Hairē pairī bīrī landī pellō
Telg'ae khaṇḍā tī launar.

No. 23.

Bolō bīrī uiyā kādai
Hilō ḍōlō namboe manā
Saban Bhādō uiyā kādai
Hilō ḍōlō namboe manā.

No. 24.

Bhāiyā bahin urkhar
Sirā sitā nālē num ra'anar
Kankrō latā erpā
Sirā sitā nālē num ra'anar.

No. 25.

Bhallem kirā bicā pellō
Bhallem sotorā manjki
Mānim khūrī kuddā kādi
Bhallem sotorā manjki.

No. 26.

Bhaṭrō beddā nū koe
Jhingā pūp kanyā annem ra'i
Ērā ērā pāhi nānā
Jhingā pūp kanyā annem rai.

No. 27.

Pāhī nanjkā ḍhibā kiriya
Mārā ninghai olan koe ṭahilō pellō
Pairī bīrī ḍhibā kiriya
Mārā ninghai olan koe ṭahilō pellō.



No. 28.

Mukkān pakkā lauā bhaiyā
Mukkā bhaifut nanālaggī
Ayaṅgan ambā kēbā bhaiyā
Kharā khilpat pōsālaggī.

No. 29.

Musur kūtā lauālagnar
Hairē dadā eksan ra'adai
Pairi bīri lauālagnar
Hairē dadā eksan ra'adai.

No. 30.

Mokhārā kicirī mokhrārdai
Hairē bhaiyā rē cinhā hō polkan
Rāji kīrā nū mokhrārdai
Hairē bhaiyā rē cinhā hō polkan.

No. 31.

Ratā jhingā panjā hole
Mukkā mēt khoyāgē kānar
Pairi bīri panjā hole
Mukkā met khoyāgē kālor.

No. 32.

Bhutaṅglō amkhī bēk malā
Pellō gahi panjerā bilicālaggī
Pairi bīri bēk malkā
Pellō gahi panjerā bilicālaggī.

No. 33.

Bhejjā dhar'agē jōkhan ba'adai
Ugutan thok'agē baledan ba'adai
Khūrti bīri jōkhan ba'adai
Ugutan thok'agē baledan ba'adai.



(87)

No. 34.

Bhejjā dharaekā pellen bhalē bichirkai
Dhani ninghai bēra kō eō ullā ra'ō
Pairi bīri pellen bhalē bichirkai
Dhani ninghai bēra kō eō ullā ra'ō.

No. 35.

Raf rafrā gulaicī buiyā
Pellō maīyā hilō dōlō manī
Ērā khanem jiyā sal'i
Pellō maīyā hilō dōlō manī.

No. 36.

Rājī gahi bēlas koe
Hāthī maīyā cauran koe dhuk'ālagdas
Hairē rājī ērā urkhas koe
Hāthī maīyā cauran koe dhuk'ālagdas.

No. 37.

Rim rimra'ā bir'ālaggī
Pellōgē ammōnkā laggī
Pairi bīri bir'ālaggī
Pellōgē ammōnkā laggī.

No. 38.

Gudlū panjā bēra manjā
Pellō gahi captā nukra'ālaggī
Pairi bīri bēra manjā
Pellō gahi captā nukr'ālaggī.

No. 39.

Gollāsin belāsin
Bhūsundī parmālaggī
Pairi bīri belāsin
Bhūsundī parmālaggī.



(88)

No. 40.

Gauriyāsin hēār lauā
Surlī nū nādan rasāba'adas
Pairī birī hēār lauā
Surlī nū nādan rasāba'adas.

No. 41.

Cān mund bhejjā dharcas
Idnāgā jōkhas lajera'alagdas
Pairī birī bhejjā dharcas
Khurtī birī jōkhas lajera'alagdas.

No. 42.

Cāli bali nū ambā pāhī nanā
Cāli bali bēkār ekan laggī.
Cāli bali nū dhibā kirriyā
Cāli bali nū bēkār ekan laggī.

No. 43.

Ciā campā muddin enghain
Ender ender sasurār kādan
Jharā mallā gundā mallā
Ender ender sasurār kādan ?

No. 44.

Ciō ciō malā ciō
Kalā to kō samdin menar barā
Boṛ'e ciō maṛḍi ciō
Kalā to kō samdin menar barā.

No. 45.

Cūja kālō birī loslosordi
Bhejjā bēcō birī jhamjham'arā thokdi
Pairī birī koe loslosordi
Bhejjā bēcō birī jhamjham'arā thokdi.



(89)

No. 46.

Cūjā laṇḍi tī bongā darā kērā
Laṇḍi pellō gē nē maṇḍi ciō
Pairi bīri bongā darā kērā
Laṇḍi pellō gē nē maṇḍi ciō.

No. 47.

Ceṇḍā jōkhas bara'alagdas
Kaṭṭū ci'i koe karkōyā pellō
Pairi bīri bara'alagdas
Kaṭṭū ci'i koe karkōyā pellō.

No. 48.

Ceṇḍā pellō parā pulli koe
Kaṭṭārā pellō kō nitki pāri
Pairi bīri parā pulli koe
Kaṭṭārā pellō nitki pāri.

No. 49.

Ceblō dahurā cīrō cilpi
Mainā juṛō nū bilicālaggi
Pairi bīri cīrō cilpi
Mainā juṛō nū bilicālaggi.

No. 50

Cō koe bong koe bariyār pellō
Coṭṭō aḍḍō tīrikhālaggi
Pairi bīri bariyār pellō
Coṭṭō aḍḍō tīrikhālaggi.

No. 51.

Cō pellō cūjā kāl koe
Hardi rangā bīri gā aregālaggi
Pairi bīri cūjā kāl koe
Hardi rangā bīri gā aregālaggi.



(90)

No. 52.

Cō pellō cūjjāgē kalai khēr cīkhālaggi
Uḍḍū nū khess kōrā nū man ra'i
Cō pellō bijiyā khēr cīkhālaggi
Cō pellō cūjjā gē kalai birī argnā gūṭi cūtkidim ra'oe P

No. 53.

Caṭrā ba'adi koe caṭrā manekhā lekh'a
Dhīrem dhames'a laggi
Jōkhas lekh'a ba'adi koe caṭrā manekha lekh'a
Dhīrem dhamesa'a laggi.

No. 54.

Chāchem kalā barā bhāi
Pellō kōrā nū ra'i
Pairī birī kalā barā bhāi
Pellō kōrā nū r'ai.

No. 55.

Sanni ekan dimbō pellō
Jiyan eṅghain patiyārālaggi.
Bhāi bhejjā malā dharnāgē
Jiyan eṅghain patiyārālaggi.

No. 56.

Sanui bhaiyā rallin urū kheṅdoe
Kā mukkan urū kheṅdoe
Rāji kirā rallin urū kheṅdoe
Kā mukkan urū kheṅdoe.

No. 57.

Jatrā toṅkā nū bhaiyā rē
Jōkhas jhikā tirā nandas
Pellō gahī bāgrkā khattrā
Jōkhas jhikā tirā nandas.



(91)

No. 58.

Janī sikār bara'alaggi
Kissan mōkhoe hē oḍā pellō
Pairī bīri bara'alaggi
Kissan mōkhoe hē oḍā pellō.

No. 59.

Jino jino koe thikārī nū ra'i
Coppō injō koe jarpā nū ra'i
Pairī bīri koe thikārī num ra'i
Coppō injō koe jarpā num ra'i.

No. 60.

Jūrī jūrī nōl khañjā
Oṅtā cī to koe tuhilā kam'on
Pairī bīri nōl khañjā
Oṅtā cī to koe tuhilā kam'on.

No. 61.

Jūrī jūrī bhejjā bec'en
Beñjrkā mētas gandhūp nanālagdas.
Satte gōṭā daliyā kērā
Beñjrkā mētas gandhūp nanālagdas.

No. 62.

Jōkhāsin māyā nandī
Niṅg mētasin māyā malā nandī
Khūrṭi bīri māyā nandī
Luhārī bīri māyā malā nandī.

No. 63.

Jhiko jōkhae uiyā baldai
Pellō gane maserat nandai
Pairī bīri uiyā baldai
Khūrṭi bīri maserat nandai.



CSL

(92)

No. 64.

Dindā gūṭī cikan man'oe
Pisā gā pellō roporō manoe
Pairī birī cikan man'oe
Pisā gā pellō roporō manoe.

No. 65.

Dimbō bōhā nambā caḍ'ā
Ond ullā kharā nalakh bar'ō
Pairī birī ambā caḍ'ā
Ond ullā kharā nalakh bar'ō.

No. 66.

Dombō madgī dō ayaṅ
Rāsē rāsērā khatera'ālaggī
Bērā kērā dō ayaṅ
Rāsē rāsērā khatera'ālaggī.

No. 67.

Taṅ metas kōrā kēras
Taṅ mukkā bhejjā bēcālaggī
Pairī birī kōrā kēras
Khurtī birī bhejjā bēcālaggī.

No. 68.

Tile tile hō'ā bardai
Malā taiyon harō eṅdan kalp'ālagdai
Pairī birī hō'ā bardai
Malā taiyon harō eṅdan kalp'ālagdai.

No. 69.

Tūsā ḍahrentī bhalū cōcā
Bīndō bhokorontī irdī koe pellō.
Pairī birī bhalū cōcā
Bīndō bhok rontī irdī koe pellō.



3. KARAM DANDĪ.

No. 1.

Akkun jōrī cotor koe ba'adai
Pisā jōrī barākē ba'adai
Khandīyan attā'oe barekan jhaproe
Kullātī ohārī nanoe.

No. 2.

Asār Sāban nū cēp pōeyī
Ender hō mal ithrī khēkhēl nū
Eō kōdē khār bara'alaggi
Khāran kaṭṭā gē pollot.

No. 3.

Ēn malā kāon koe cēdā, bhariyā
Ēn malā kāon koe kum'a, bhariyā
Jōkhāsin te'yo'e cēdā, bhariyā
Pellō niṅghain teyoe kum'a, bhariyā
Jōrā jōrā kālon cēdā, bhariyā
Jōrā jōrā kālon kum'a, bhariyā.

No. 4.

Karam bēcō birī malā bardai
Jhapi bēcō birī gotta'a nandai
Nēd pellō mānō hole kuriyā khāpoe
Dindā bērā niṅghai nēō ullā ra'ō
Guoā koe pellō nadā ērā kalot
Dindā|bērā rijhan baldas ba'adī.



No. 5.

Kāl koe kāl maī bariyam taidan
Kāl koe kāl maī bariyam taidan
Karam gē barkē ba'adan
Karam gē barkē ba'adan
Kāl koe kāl maī bariyam taidan
Kāl koe kāl maī bariyam taidan
Jitiyāgē barkē ba'adan
Jitiyāgē barkē ba'adan.
Bar'a gā bar'on dadā naiyō babā kēbor
Bar'a gā bar'on dadā naiyō babā kēbor
Nē niingan dhirjā nanor
Nē niingan karjā nanor.

No. 6.

Kahu rē khākhā kahu rē khākhā.
Gudlun mūkhdi gudlun mūkhdi
Sonā gahi tadē rūpā gahi manoi
Okkon arā khendo'on.

No. 7.

Kahu rē khākhā khessan enghain mōkhdi
Kahu rē khākhā gudlun enghain mōkhdi
Khēdā koe maī gō bār'hai hāth dāngti
Khēdā koe maī gō tēr'hai hāth dāngti
Khēdā koe maī bār'hai hāth dāngti.
Khessan enghain mūkhī
Khēdā koe khēdā maī bār'hai hāth dāngti
Khēdā koe khēdā maī tēr'hai hāth dāngti
Bārhai hāth dāngti
Irkidim khēdā tēr'hai hāth dāngti
Nittkidim khēdā.



(95)

No. 8.

Kālō bīri irkam khaikā khār
Kīrō bīri eṇḍim khār nindyā
Ondā sēyam keṭṭā eṅghai sonā gahi muddin ci'adan
Eṅgan kaṭ'ta'ar ci'ā.
Malā ho'on muddin niman kaṭto'on.

No. 9.

Kūl kīran bujharki koe aṅglō pellō aṅgalki ra'adi
Pairi bīri koe aṅglō aṅgalki ra'adi
Kuhur kuhur uiyā kādan koe
Dalai dalai amm ho'okē
Amm naṅgā maṇḍi ho'okē koe
Karmā nū bēk marcā
Pairi bīri uiyā kādan koe
Arti bīri amm ho'okē
Amm naṅgā maṇḍi ho'okē koe
Karmā nū bēk marcā.

No. 10.

Khūri kādai sagri khūri kādai
Pellō khūri ambkē kālā
Pellō khūri ambkē kālā
Pellō khūri nū gā alkhna dumbi māni
Pellō khūri ambkē kālā
Pellō khūri ambkē kālā.

No. 11.

Khēl khendoe Lalu bhaiyā rē
Mukkā ra'anā lekhā laggō
Khēl khotro'o Lalu bhaiyā rē
Mukkā kerkā lekhā laggō laggō.

(96)

No. 12.

Guc koe pellō nad ērā kālot
Diṅḍā bēṛā niṅghai eō ullā ra'ō
Jōkh mēt koe guṅgū kam'a balī
Pacbāl gusanim kāloe
Pacbāl gusanim kāloe.

No. 13.

Cāriyō kōḍā cēp gā pūī'i
Nam gusan iklam malā pūī'i
Ender gē cēp iklam malā pūī'i
Badālī iklam malā murrī
Endergē badālī iklam malā murrī
Mūkhā iklam malā cīkhī
Ender gē mūkhā iklam malā cīkhī
Doḍō nunkhā gem biddī.

No. 14.

Jhiṭir jhiṭir cēp gā bar'i
Hairē jūrī eksan ra'ot
Hairē jūrī eksan ra'ot
Khandiyan aṭṭot barkan jhapro'ot
Kullāti nohāri manot,
Kullāti nohāri manot.

No. 15.

Gucāi koe ba'adan
Cotor ko ba'adī
Pisā jūrī barkē ba'adī
Pisā jūrī barkē ba'adī
Cūtā hō cūtōt ; khandrā'a hō khandro'ot
Anti janu dhiyā (hani) manō.



No. 16.

Nayō gē guṅgū babasgē kullā
Kullā ti rōbā nīd'ā malā ban'i
Bijā put'ā cēp gā pōi'i
Ēn ender nanon nīn ender nanoe
Dharmē ī dasā nanjā namā nē maṅḍī ci'o
Khaddāsin ērēn khaddan hō ērēn
Ēnim ender nanon
Tambas hō kēras darkas
Khaddar hō kalbalarnar.

No. 17.

Nīngan dadā ba'alakkan hō
Nīnim purukhā manjkai
Nīn ekā tarā hō ēn ekā tarā
Dharmē ennē dasā nanjā.

No. 18.

Bichra'a kō bichra'a jurī
Barid eṅghai khacra'a laggi
Barid eṅghai khacra'a laggi.
Bichra'a gā bichro'on jurī
Hairē eṅghai dasā dim mallā
Hairē eṅghai dasā dim mallā.

No. 19.

Bichirā bhaiyā bichirā kō
Pun khocol bhaiyā khacerā laggi
Ayō hō mallā babā hō mallā
Dharmē hō mallā conhā nannī
Ohārī malkar dehārī malkar
Dharmē hō mallā conhā nannī
Kūār bārī ambiyar kī kērar
Dharmē hō mallā conhā nannī.



(98)

No. 20.

Bongā pellō naihar kā'oe
Nayō dular niṅghai nēō ullā ra'ō
Nayō dular niṅghai nēō ullā ra'ō.
Malam ra'oe pellō naḍḍo keddal kālō
Pañcē rupaiyā dālī nēō ullā ra'ō.
Nayō dular niṅghai nēō ullā ra'ō
Nin pellō ra'oe ēn jōk^h ra'on
Nayō dular niṅghai nēō ullā ra'ō
Nayō dular niṅghai nēō ullā ra'ō.

No. 21.

Rāji nū koe cēpgā pūi'i
Naṅgusan jhalā malā nani
Naṅgusan jhalā malā nani
Nin purab tarā ēn pachim tarā
Dharmē i dasā nanjā
Nin pel ēn jōk^h ra'on
Jogā jogī ullā dim kālō.
Jogā jogī ullā dim kālō.

No. 22.

Khēl khotorkā dhiban cādē cī koe
Jōk^hhar kharam dhirābānar
Cēdā cēdā jōk^hharin pai'ik lagāba'ānar
Paegī jōk^hhar ne'okhtārā barnar.

No. 23.

Ān koe raṅḍi paccō -
Taṅgdā kom ar^hkan mōk^hdi ;
Ghōrā lekh'ā khandardī, cuñjā lassā baldan ba'adī,
Biri biri kom ar^hkan mōk^hdi
Ghōrō lekhā khandardī, cuñjā lassā baldan ba'adī.



No. 24.

Bhalē niṅgan dadā ba'alakkan kē
Dharamē ī dasā nanjā
Nin ekā gusan kō ēn ekā gusan
Dharamē ī dasā nanjā
Pairī put biḡī dadā ba'alakkan kō
Nimim purukhā manjkae.

No. 25.

Bhalēā nandī gō nandī ender nandī
Ender malā khaddim tangyō khēran hō pityā
Jholoi hō malkar moco'i hō malkar
Gallen kappā kappā ekhi.

4. BEŃJĀ DANDĪ.

No. 1.

Ayō hō kibi kibi
Babā hō kibi kibi
Urkhon arā kalon
Holē ayō hō ekhō
Babā hō ekhos.

No. 2.

Oṅṭā addā mal kā'on
Nannā khal lassā kā'on
khaddā ekhō mulli khakhro'o
Kuṭṭā eñjnum ullā kā'o.



No. 3.

Ond khettā arkhā ond laṭum asmā
Dharmē hō mal mayā nanī bhāī
Nurbar gā lassābā'ar khōkhā kassā
Dharmē hō mal mayā nanī bhā'ī.
Ond laṭum assā ond khettā arkhā
Hay Dharmē mayā malā nandō
Dadās hō kēbdas nasgō hō kibi
Nayō hō kibi babas hō kēbdas
Kakas hō kēbdas kakī hō kibi
Ontim gotang bhaiyāsin nērā khane
Jiyā kirri malā holē urkhon kī kālon
Oī nayō khotor tumbā
Ēn nayaṅ jōgī mannā kālon.

No. 4.

Kōrē nayō kōrē nayō
Khōkhā tarā kōrē nayō
Chambhē tarā kōrē nayō
Chambhē tarā kōrē nayō
Gayā Gaṅgā kā'on ayō ;
Gayā Gaṅgā kā'on nayō
Kir'on ayō kir'on ayō
Bārā bacar kir'on ayō
Tērā bacar kir'on ayō.

No. 5.

Chotēkunā rādan dadā hoe amboe bisā . .
Dadā hoe ambōe bisā
Man khaddā khendoe dadā hoe cūjon bēcon
Dadā hoe cūjon bēcon
Kēter khaddā khendoe dadā hoe kēson bēcon
Dadā hoe khōyon bēcon.



(101)

No. 6.

Pōs'a pard'a uikī nayō akkun uiyā pulkī
Nengā nuiyā pulkī
Undim khaṇḍā kicrīgem nannar oāli nanjki
Nannar balī nanjki
Nundim tippā sindrīgem nannar oāli nanjki
Nannar balī nanjki.

No. 7.

Bābus cēḍas pannā tempan
Maīyā kumiyā bannā ṭunkin
Bābus cēḍas pannā tempan
Maīyā kumiyā bannā ṭunkin.

No. 8.

Rāji rāji kuddiyān nayaṅg
Dēsē dēsē kuddiyan
Konkō mētan biddiyan
Boṅkō mētan biddiyan.

No. 9.

Hairē ayaṅgō hairē ayaṅgō
Kukoe bāri raṇḍi manj'ēn
Gurkhuṇḍi kicrin kuri'ēn
Kukoe bāri raṇḍi manj'ēn
Cocārē carai'i badi rē ceta
Khijurē patai'i dḥilbā jhulai
Raimon cara'i dadi rē gola
Khijurē patai'i dḥilbā jhulai
Khijurē patai'i dḥilbā jhulai.



No. 10.

Hairē engdan hairē engdan
Gōl beñjā biñji'an ayañg,
Bēl beñjā biñji'an nayañg
Neñgdā kerkā dahrē nū ayañg
Cīrō baruñg kundiya ayañg
Pondrā baduñg kundiya ayañg.

No. 11.

Hairē engdā ērā khāpu
Hairē engdā mērhō khāpu
Endran beddā kērā endran ondrā dō
Kha'i kukoen beddā kērā
Pellō buyan ondrā dō
Mai kukoen beddā kērā
Paccō buyan ondrā dō.

No. 12.

Gucai ayō bidā cī do nīn ayō erpānū ra'oe
Nīngdan eicki nīngdāsin biddki
Nīn erpānū nicot ra'oe.

5. JĒTH JĀTRĀ GAHI DANḌI.

No. 1.

Halu malu Tillā pārū ghōrō maīyā nariyālagdai
Pellō nīnghai khēkhēl kiya ghōrō maīyā nariyālagdai.

No. 2.

Kank gahi ghōrō nū nē argō nehālū pārū
Kank gahi ghōrō nū pellō argō nehālū pārū.



(103)

No. 3.

Kir Laliyā ender kādī, malā kirron nan tarā kādan
Jūri jōkhas kōrā kēras malā kirron nan tarā kādan.

No. 4.

Niᅅghai pārkan pellō pariyaᅅ polloe kō dhanāmudi pārū
Paiᅅi biri pellō pariyaᅅ polloe ko dhanāmudi pārū.

No. 5.

Bali kamā hō bali kamā pell erpā daᅅglō ra'i
Jōkh erpā ringi cingī pell erpā daᅅglō ra'i.

No. 6.

Ēkā'm sāheb itiyas Panāri pargan nū barāldas
Rassal sāheb itiyas Panāri pargan nū tailēngarin ondrdas.

No. 7.

Rājā hō rājā Jagarnāth rājā niᅅghai rājī nū larekā manjā
Niᅅghai rājī Bhūdū Tāmār niᅅghai rājī nū larekā manjā.

No. 8.

Bēlas gahi kukk maīyā kāresā jhilmilirālāgi
Cōᅅā pellō mār laucā kāresā jhilmilirālāgi.

No. 9.

Endergē pellō kabrā khēran arigta'adi
Jōkhar pellō bhejā malā dharnar
Adi gem pellō kabrā khēran arigta'adi.

No. 10.

Niᅅgan koe pellō Naipāl ērāgē ho'on dhibā ci'a ci'a
Hār mānālagdan niᅅgan koe pellō Naipāl ērāgē ho'on.



(104)

No. 11.

Hairē engdā gangō pellō gangela chōrē jhūr nū ra'i
Gāngelā khoyā kērā gangelā jhūrē jhūr nū ra'i.

No. 12.

Ayaṅ gā kecā kērā bhayārē nēkan ayaṅ bā'ot.
Dharmē tu'ar nanjā bhayārē nēkan ayaṅ bā'ot
Hairē ayaṅ baṅg malkā hairē bēkār ekan laggī
Hairē ender nanot hairē bēkār ekan laggī.

No. 13.

Kalā hudin ho'ar barā, hudi ganē ullā malā kālō
Tīnā kheddan dhēkoe nani, hudi gane ullā malā kālō.

No. 14.

Hiri bar koe bannā kiciri pellō; niṅgan ambar rиж hō malā laggī
Hiri bar koe bannā kiciri pellō hāri kāl koe
Jhikā bilēā pellō barālagdi.

No. 15.

Mani sāe bēlas sanni nū conhā ra'acas
Taṅgyō kecā darā sanni nū conhā ra'acas.
Cōreā paddā nū bongas ki bāchrāgē
Shērhāti paddā nū bongas ki bāchrāgē.

No. 16

Kampani Urbar gūli ambnar
Hājāribāgh tā teleṅgar mēyā;
Mākhā biri gūlin ambnar
Teleṅgarin bhayā rē chek'ā

No. 17.

Teleṅgar jironṅ joronṅrā barālagyar
Tikū paddā nū chauni nanjar
Endernā Jagarnāth sāe bēlay
Bongdae ki ka'alagdai?



No. 18.

Haridal, Giridal irbarim larckā pariya keocar
Jian dith nanā bhaiyā larckā pariya keocar.

No. 19.

Bhaurontā Gaṅpatrae rājin dhīrē dhīrē pitta'adas;
Lōknāth sae bhaiyā re rājin dhīrē dhīre sambhra'adas.

6. KHADDAR GAHI BĒCNĀ-DANDĪ.

No. 1.

Guo Cañri Bhañri gō murkā oipā kā'ot
Nāle num ghokrōnum bhaiyāgō jirō jirō dhaniyā dhanyā bēcot.

No. 2.

Añei mañei cenekhō nippyā kā lafuā nippyā,
Khaddan durā nippyā, kā budhin durā nippyā, hudim janu khai gō
Sōnā gidbhīnī kā rūpā gidbhīnī.

No. 3.

Sasurār kālō bīri dhīrē dhīrē: naihar kālō bīri dalaē dalaē.

No. 4.

Goēthā pesā ker'an daī gō: cīri capā pāhi ker'an;
Jōkhar pellar laucar daī gō: karmad enghai rahi kērā.

No. 5.

Koñkō boñkō pālāki jīyan kalapī;
Māñā niñghai bassāgē; bēlāyō kuṭī kuṭī amboe manā,
Mahtō majhī manoe saggāi manoe.



No. 6.

Sanī bēṛānū sanī cōrō, kōhā bēṛānū kōhā cōrō
Pāhī nandae hole uiyā kā'on malā hole kaṅkan bēcon.
Malā hole datā bēcon.

No. 7.

Nin koe ratā jhiṅgā pellō bī'nin hasulī kamdī,
Tūsā dahrenū kamdī, jōk^hh'ēn bhalē rijhāba'adi.

No. 8.

Guc lundri cauri gō cidhri oipā kāot.
Cidhri gahi mūli nū bhaiyāre bēre bēre bēcot
Bhaiyā rē jurī jurī bēcot.

No. 9.

Tāci gō tāci, jīnō dim jīnō, gadri dim gadri, tip'en to ūli, iryen to tabsi.

No. 10.

Khudiyae cuniyae pōsālō bhaiyārō, sē bhaiyā gelā, paradēsā
hō hay rē ont goṭā pith kā bhaiyā gelā paradēsā hō.

No. 11.

Māghē māghorī pūrucā bhareṅgae māghē māghorī pūrucā janu,
ciōim nonḍorī ciō'im hole gā saram bakilā maṇḍidim janu,
ciōim nonḍorī ciō'im holegā cērom cērontā dubukin janu.

No. 12.

Būtūtū būtūtū pesā mōk^hhā kēras, hū jōk^hhas dayangō tarkī rangō
pellō bidyas.

No. 13.

Pūrb tarti barecā kadam mann nū ukkiyā
Radhē bhalē rijhirkae.
Gucā Radhe niṅgan ērā taikan
Radhē bhalē rijhirkae.



No. 14.

Ci cōrō cī cōrō pān gundā
Baroe raji kálāgē büt kumbā.

No. 15.

Namhai mesgā nū ender ōrā irī jūh'i dadā irī jūh'i
Siloe sopoe khami turū baiyar ci'a dadā baiyar ci'a.

No. 16.

Manī arī nū dhībā ra'i do ayaṅgō,
Othr'ar cī dō ayaṅgō hebrar cī dō ayaṅgō.
Dhōl āni dēdēng dēdēng.
Tēndē āni torō torō,
Torō rorō ro rō ro rō—tenē nē nē nē nē nē nē.
Bābus āndas ho'on ba'adas ; mai āni malā kálon
Torō ro rō ro rō ro rō—tenē nē nē nē nē nē nē
Bābus ceddas rangā sottan ; mai kumyā rangā baugin.
Torō ro rō ro rō ro rō —tenē nē nē nē nē nē nē.

No. 17.

Tuluī tuluī tuluī jargā dē bhaiyārē
Taṅki rangō jōkhōdā, biryō rangō pellō dē bhaiyā rē,
Nēō'kharā biddi dē sībā khārā biddidim bhaiyā rē
Kucāi kucāi toṅrang ūli dē bhaiyā rē
Bāroe pañjar sāli dē tēroe pañjar sāli dē bhaiyā rē.

No. 18.

Hacā caṅak caṅak dadā naur pūp pūidā
Gucā dadā ērā kāot khildi dadā rijhirā.

No. 19.

Ācā ācā balkā malā kasri'i
Tani tani amm ciā khane kasri'i.



No. 20.

Sannī tuṅgrī nū, sannī mūyā cōcā dadā bagarō
Dadā cādē cādē man mungā pūidā dadā bagarō
Kōhā tuṅgrī nū kōhā mūyā cōcā dadā bagarō
Dadā cādē cādē man mungā pūidā dadā bagarō.

No. 21.

Oi bindī ei bindī bār bindī
Nayō kē debō pānri gūidā
Babā ke debō celrī chātā.

No. 22.

Jinō injō pasrā kañji ekāse khaṭon
Sai pellaē sai jōkhaē ekāse khaṭon,
Ekāse irton.

No. 23.

Sannī bērā iriyan suī sutrī khadā,
Nayārī taṅgedā oūjā lasā jugiyā;
Nayārī taṅgedā kēsā lasā jugiyā.

No. 24.

Tar man nū kā koronjō man nū khapālagdai
Rār bañdarō kā rār oigālō
Khāpālagi johālagi dadā hoe.

No. 25.

Kaurī koe ran ban, kaurī bēcē bīcōban
Nagar malā pamplā dhōcē.
Nagar malā pamplā dhōcē.

B. S. Press—2240J—350—23-4-1905—E. J. H.



4012

WB